

四書箋義纂要

四書箋義敘

聖道散而爲言猶元氣散而爲物未嘗一日不燦然穹壤間
惟閉蟄於冬晦冥於夜則不能有見秦滅學滅捐經學者如
窮冬厚夜有目無睹千五百餘年而五星聚奎大儒繼作冬
復春夜復旦然後萬物形形色色元氣之燦然者復著善觀
物者觀此足矣或者又欲出新意立異說如小兒強解事嗚
呼何不生嘉祐前斯道閉蟄晦冥之際人孰得而知之余病
此久矣故有以說經售于時者輒俛弗敢眠非弗眠也以爲
天下無二道則聖人必無兩心辭不待贅也友人鐵峯趙君
惠雅是余言一日迺以所輯四書箋義示余閱未及竟共而
曰是非余所病者頃辱教胄子諸生持一編書曰語孟旁通

余愛之令孰復曰是能羽翼傳註毋忽今君所箋甚似而理趣過之遠甚殆所謂無是書則是理有闕然者豈妄售經說者比乎雖然散在萬物元氣之迹爾執一物以議元氣不可也學者能因迹以求其心則精粗小大孰非一貫之妙哉不然程夫子玩物喪志之言不可不懼泰定改元之歲龍首甲子陽午承務郎江西等處傳學提舉眉山劉有慶拜手書于箋義篇端

韓文公嘗謂儀禮難讀以其於六經中爲難讀也余謂六經無難讀惟四書爲難讀耳彼尋行較墨而書自書人自人者勿論有能虚心涵泳切已省察知聖人之所以爲聖而吾之所以未至於聖人者精思而求之至於浹洽貫通真履實踐

對是書而不愧作者而後謂之善讀則四書之難讀豈不信耶而讀集註者於其制度器數之本末經史子集之事實羣公先儒之格言有一事之不知一語之未解若無大相害也然讀之之際不免於疑滯之患則亦善讀者之累也是難讀之外又有難讀者焉新吳鐵峯趙先生嘗以其難而爲憂也於是卽凡集註之所援引皆箋釋於其下俾讀集註者開卷瞭然無復疑滯而何難讀之有哉余讀書於肖堂陳氏館知先生之用力者二十年然止欲以課兒則先生之心亦狹矣有能鉅諸梓以公諸天下則豈徒讀者之幸亦述者之幸也泰定乙丑仲春承事郎吉安路同知太和州事曾翰謹書

讀書之法必先通訓詁曉文義而後可以通聖人之意譬如

沂大江必涉其流而後可以達其源也四書至文公盡矣無用更加註脚然其書中凡所引援證據或有攷於註疏音義或有取於名物度數務從簡明不復該載讀者猶或病之南昌鐵峯趙君博學多聞授徒之暇遂蒐輯經傳子史百家之書作爲箋義鉤元提要本末具備要皆羽翼文公之說非有異於文公也趙君之用心亦勤矣且是編一出使家素乏書者得之則免借癡之誚牙籤富蓄者得之則免檢閱之勞其有益於學者亦多矣雖然趙君之箋是書蓋欲學者由是而知文公之說由是而通聖人之意而深造聖人之道非務爲博洽而已苟惟用心於枝葉而不究其本則先儒貫櫝還珠之說可不戒哉而亦非趙君箋書之意也泰定元年甲子九

月望將仕郎撫州路崇仁縣丞番陽李榮拜手書

四書箋義者箋章句集註之義也余嘗陳四書几間有叩之
曰子習紫陽之說乎曰然迺曰大學敘云王宮國都以及閭
巷莫不有學王宮之學何所考盤銘或問引刀劒戶牖等銘
見於禮書者何云余則瞿然未知所對或又曰陸續母斷慈
必寸掾以親故受汙辱之名請語其事則語焉不詳吁此夷
時鹵莽其學而又患在芸人其困宜矣知困然後能自強則
猶可也於是溫繹前傳采摭凡要因其言以求所本考其異
以訂所疑彙箋成帙因以課兒且戒之曰朱子所釋蓋羣經
子史之義皆有焉苟以四書急決科利而他書置所未暇則
凡昧於傳註者不特失其所未暇遂并所急失之矣然明辯
必由博學是箋也膚譎豈能畢通之後有同志補輯遺闕刪

正繆戾斯文厚幸乎哉致和戊辰夏五拙豫章後學趙惠序
一庸學章句或問及論孟集註凡所引之事所援之語必
究其所本而各箋諸下方非敢臆爲之說中間若有可
疑者如八佾之羽數射不主皮之曰鵠麻冕之爲緇布
冠之類則又證以它書及先儒之論庶可參互考訂非
以立異也間有未詳者則闕之若夫義理之釋則往哲
言之詳矣奚庸贅辭

一朱子曰學問須以大學爲先次論語次孟子次中庸今
是書之編次亦然庶學之有序而不失朱子教人之意
一箋義所欲引證參以纂疏及集成之所有者茲不復出
一南切折刊四書庸學皆有朱子序文獨語孟闕焉今觀

朱子文集內有論孟集義序一篇蓋發明二書大旨而刊本不載今揭諸論語之前庶四書之序成一家也
一箋義之後繼以附錄者蓋采取它經與四書經文之同者而類證之庶得以曲暢而旁通也或它論有可以補益者亦因而附之故曰附錄

一四書之學必先觀註疏而後知朱子發明理學之精然如中庸疏中氣稟之說亦與宋儒相表裏本神仁金神義等語朱子亦謂康成非苟言衛氏禮記集說云嘗讀朱文公中庸章句以戒謹其所不睹恐懼其所不聞與莫見乎隱莫顯乎微爲兩事剖析精詣前所未有今觀鄭註已具斯旨余又觀魏文靖公渠陽集蓋亦有是言

此又不可不考也吾黨之士淳熙已酉前悉守古註或業疏義及纂疏出而與註疏並行今以專門決科則初學者有不知註疏爲某某矣又安知有以水爲信者哉朱子論孟序云漢魏諸儒正音讀通訓詁考制度辨名物其功博矣學者苟不先涉其流則亦何以用力於此今詳考纂疏集成二書亦多有引註疏之文今故粹輯其所未引而可備參訂者名曰四書註疏纂要各附於每篇之末明六家之說

鄭康成孔穎達何晏邢昺趙岐孫奭

所以繼朱子

之志云

四書箋義引用書目

周易

尚書

周禮

毛詩

禮記

春秋

諸經註疏

公羊

穀梁

孔子家語

五子

文子

孔叢子

管子

抱朴子

文中子

儀禮

爾雅

大戴禮記

戰國策

史記

前漢書

後漢書

魏志

晉書

宋書

五代史

劉氏外紀

資治通鑑

通鑑綱目發明

宋通鑑

朱子詩傳

朱子易本義

蔡氏書傳

胡氏春秋傳

周易略例

韓詩外傳

衛湜禮記集說

陸淳春秋纂例

程氏春秋分記

皇極經世書

尚書混一解

張子韶論語解

劉氏春秋權衡

周子通書

程子遺書

龜山語錄

朱文公大全集

紫陽格言

朱子語類

文公年譜

朱子小學書

橫渠正蒙

晁氏石經考異

杜佑通典

劉向洪範五行傳

劉向說苑

真西山讀書紀

韓昌黎文集

豫章集

陸象山語錄

陳祥道禮書

魏了翁渠陽志

饒伯魯補註小學書

許慎說文

禹貢疆理廣記

地理志

呂東萊策問

郝經續後漢書

唐太宗李衛公問荅

林少穎羣書辨疑

洪氏五筆

傅寅羣書百考

毛晃韻

楚辭辨證

本草

鶴林玉露

趙與峕賓退錄

王若虛文集

石洞記聞

濂溪先生大全集

黃勉齋文集

神異經

通鑑釋文

楊復儀禮圖

山堂考索

姜夔慶元新進大樂議

二程先生文集

胡士行尙書解

三輔黃圖

陸象山文集

混一輿地要覽

張洽地理沿革志

張子韶孟子解

呂東萊國語圖譜

匈奴傳

漢藝文志

史記謚法解

豫章熊氏小學書

劉子澄類稿

鄭良輔聲韻元龜

王東岩周禮訂義

陳埴木鍾集

平菴項氏家說

昭德讀書誌

春秋繁露

丁丑三禮辨

三禮圖

鄭氏周禮開方圖說

呂氏春秋

前食貨志

子思子

白虎通

劉向新序

劉向列女傳

唐書

鄭氏通志

通書後錄

近思錄

蘇穎濱文集

四書箋義引用書目終

大學章句箋義卷之一

守山閣叢書 經部

宋趙 惠撰

金山錢熙祚錫之校

朱子章句

章句序 司徒之職典樂之官

箋云周禮地官大司徒施十有二教而樂禮之教居其四

又以六德六行六藝教萬民而賓興之鄉大夫受教法于司徒頒于其鄉吏使各教其所治以攷其德行道藝而興其賢能春官大司樂掌成均之法以建國之學政而合國之子弟焉以樂德樂語樂舞教國子樂師掌國學之政以教國子小舞大胥掌學士之版以待致諸子春入學舍禾合舞秋頒學合聲小胥掌學士之徵令巡舞列正樂縣之位胥音醋縣音

元學士謂卿大夫諸子學舞者蓋樂師教國子大胥小胥教卿大夫諸子也

王宮國都以及閭巷

莫不有學

箋按魏鶴山渠陽集云周禮師氏守王之中門次舍在王宮蓋諫救官之長參之泰誓顧命節南山

諸文最爲親近而國之子弟守衛王宮皆有次舍在宮故本文云掌以熒詔王以三德教國子云云居虎門之左司王朝掌國中失之事以教國子弟凡國之貴遊子弟學焉蓋師氏與國子同處王宮因使教之朱文公謂王宮國都以及閭巷

莫不有學正指此不然除却

禮樂射御書數之文

箋禮樂射御書數之

目蓋出於周禮地官保氏一曰五禮二曰六樂三曰五射四曰五馭五曰六書六曰九數五禮者吉凶賓軍嘉吉禮十有二曰禋祀曰實柴曰樵燎曰血祭曰狸沈曰鬯宰曰肆口饋食曰祠曰禴曰嘗曰烝凶禮有四喪荒禴恤賓禮有八朝宗覲遇會同問覲軍禮有五師均田役封嘉禮有六飲食昏冠賓射饗燕賑恤賓慶六樂者堯之樂曰雲門黃帝之樂曰咸池舜之樂曰大磬禹之樂曰大夏湯之樂曰大濩武王之樂曰大武五射者一曰白矢矢貫侯過見其鏃白也二曰參連前放一矢後三矢連續而去三曰剡注謂羽頭高鏃低而去剡剡然也四曰襄尺謂臣與君射不與君並立襄君一尺而退也五曰井儀謂四矢貫侯如井之容儀也五御者一曰鳴和鸞和金口木舌鸞金口金舌和在式鸞在衡升車則馬動馬動則鸞鳴鸞鳴則和應也二曰逐水曲賈公彥疏無正文鄭以意言謂御車隨逐水勢之屈曲而不墜水也三曰過君表保氏司馬疏引毛詩傳云褐纒旃以爲門表纒質以爲櫛間容握驅而入轡則不得入君表卽褐纒旃也按詩傳所引出穀梁昭公八年宋饒伯魯補註小學書略曰植起兩車以爲門植兩旗於兩傍以毛褐纒在上以毛裘纒質上以爲門闔門之廣狹與車之廣狹爭一握穀梁註握四寸也急驅車走而入只要恰好從當中過若偏則車軸擊著門櫛礙而不

得入矣余因記宋書劉德願善御車東立兩柱方容車軸乃於百步外振轡長驅未至數十步痛與牛杖奔從柱間直過正是此法而伯魯不及引以爲證四曰舞交衢卽十字街也謂御車從十字街轉過應於舞節詩云兩驂如舞亦言御車中節也五曰逐禽左謂御驅逆之車逆驅禽獸使左當人君以射之也又按詩秦國風駟騶公曰左之舍拔則獲註公曰左之者命御車者使左其車以射獸之左也蓋射必中其左乃爲中殺五御所謂逐禽左者爲是故也六書者一曰象形凡天文山川井邑草木人物鳥獸蟲魚鬼物器用服飾有形者皆可象亦有象形兼會意諧聲者二曰指事象形別出爲指事如人在一上爲上人在一下爲下也三曰會意謂人言爲信止戈爲武會合人意也四曰轉注諧聲別出爲轉注又謂如考老之類五曰諧聲謂形聲一也如江河之類皆以水爲形以工可爲聲也諧聲與五書同出五書有窮諧聲無窮五書尙義諧聲尙聲觸聲成字不可勝舉亦有諧聲兼會意者六曰假借六書惟假借難明假借者本非已有因他所援有同音借義同音不借義有協音借義協音不借義有因義而借音有因借而轉借有語辭之借方言之借鄭夾漈六書序云經術之不明由小學之不振小學之不振由六書之無傳聖人之道惟藉六經六經之作惟藉文言文言之本在於六書六書不分何以見義云云小學之義第一當識子母之相生第二當識文字之有間象形指事文也會意諧聲轉注

字也假借文字俱也象形爲本形不可象則屬諸事事不可指則屬諸意意不可會則屬諸聲聲則無不諧矣五不足而後假借生焉古者有尉律所以較小學也學童十五以上始試籀書九千字乃得爲吏又以八體試之郡移太史并課最者以爲尙書史書或不正則舉劾之夫古文變而爲籀書籀書變而爲篆隸秦漢之人習篆隸必試以籀書者恐失其原也後之學者六書不明篆籀罔措而欲通經難矣哉且尉律者廷尉治獄之律也古人於獄訟之書猶不敢苟簡若是而況聖人之經乎右所引通志文似太繁因附見于此庶字學亦有可考九數者一曰方田以田疇界域之形狀求步畝田頃之積以廣縱之數求方田圭田斜田以周徑之數求圓田院田環田以弦矢之數求弧田謂之方田舉其首也二曰粟布布一作米以糲糲繫御之率求米之精粗又以斛斗升合求其多寡以匹丈尺寸求帛之長短以石鈞斤兩求絲之輕重齊其貴賤而交質變易謂之粟米舉其重也三曰衰分以爵次高下求得廩之數以持錢多寡求出稅之數以算賦多寡求發徭之數謂之衰猶等也四曰少廣以合分之術併田廣以除畝法而求田縱以方法除畧積而求方又以圓法除方法而求圓謂之少廣舉其凡也田廣一步縱二百四十步爲一畝今欲裁取其縱少以益廣故曰少廣也按積畧方圓之算不但施於田畝此舉田畝爲例耳五曰商功以堅壤之率求穿地之積以廣袤高深之數四時之程求城塹溝渠之

積與田徒受功之數其負載者又以上下往來步里之數籠車之任求負載之功謂之商功商度也六曰均輸以戶數多少行道遠近求率數又以戶數多少粟價高下求餉直以算數多少粟價高下求傭錢謂之均輸言輸送遠近勞費均也七曰盈朒朒本朒盈朒者數人共買物出錢多則有餘少則不足以有餘不足數求之則人數物價可知數之隱互而難見者假設有餘不足之數而以此術求之謂之盈朒朒不足也八曰方程說文程品也十髮爲程十程爲分以諸禾秉實之數置行列橫爲行直爲列諸行遞互相減使每行止存一列以求各禾秉實之數數不等者交易損益之行有空列以正負術入之負欠也謂之方程者程校數也方所置行如正方也此章所求之數至爲雜糅古人於算術周密備具矣九曰句股橫爲句直爲股斜爲弦三者可互相求也句股之術如今木匠曲尺尺頭爲句尺梢爲股尺頭與尺梢盡處相去爲弦以句股中所容方直之積求之則山之高井之深城邑之廣道里之遠可以測知此算術之極致也

五禮詳見

周禮春官大宗伯六樂詳見周禮大司樂沈狸音理融音解肆音剔贈音會脈音哂磬音韶襄音讓楸與闐同擊音擊舍拔音捨跋拔矢括也籀音胄廣縱縱平聲曉音丸田圓而傾側糲力葛切裨蒲賣切鑿子各切糲裨繫御皆米名說文一石春九斗曰繫糲十裨九繫八御七少廣如字幕音覓堅壤堅謂土已築而密者壤謂土未築而疏者朒音匪月三日

生明之名

及其十有五年

至

皆入大學

箋上文言人生八歲則自王公以下至於

庶人之子弟皆入小學至於十有五年則自天子之元子衆子以至公卿大夫元士之適子與凡民之俊秀皆入大學者按禮記王制小學在公宮南之左大學在郊又王制云樂正詩書禮樂之教王太子王子羣后之太子卿大夫元士之適子國之俊選皆造焉凡入學以齒書之命夔典樂教胄子卽自天子以至公卿大夫士之子是也八歲入小學十五入大學者前漢食貨志云八歲入小學學六甲五方書計之事始知室家長幼之節十五入大學學先聖禮樂而知朝廷君臣之禮王制樂正崇四術立四教註引尙書傳則曰年十五始入小學十八入大學疏又云王子公卿大夫元士之適子十八入小學二十入大學又書傳略說餘子十五入小學十八入大學其鄉人當與餘子同故知二十習禮之時在大學也凡此說不同而敘文所引乃食貨志之說故語錄亦云考之內則成童學射御註謂年十五以上以理推之射御非幼年所能小學先教其儀式耳故序文云教之以禮樂射御書數之文則非習共事審此則八歲入小學而習六藝爲得其正若謂十五歲十三歲入小學者於義恐未當而十八二十入大學亦不可信天子之元子者元大也首也文王世子云一人元良萬邦以公卿大夫元士箋王制云天子三公九卿二貞世子之謂也

三卿皆命於天子下大夫五人上士二十七人次國三卿二卿命於天子一卿命於其君下大夫五人上士二十七人小子之元士視附庸疏元善也善士也周禮公侯伯之士雖一命不得稱元天子之士所以稱元者異於諸侯之士也

弟子職諸篇
箋管子書有弟子職一篇皆弟子事父兄童子事先生之禮朱子語類云此篇若不在管子中亦亡矣此或是他存得古人底亦未可知或是自作竊疑是他作內政時士之子常爲士因作此以教之想他平日這樣處都理會來然自身却又在規矩準繩之外

淳熙己酉二月甲子序
箋先生年譜是年乃宋光宗淳熙十六年其序大學章句三月戊申序中庸章句二書之成久矣不輟修改至是以穩愜於心而始序之

大學章句

經一章 大學孔氏之遺書

箋按序文云及孟子沒而其傳泯焉則其書雖存而知者鮮矣

又曰顧其爲書猶類放失問亦竊附已意補其闕略以其齊放失闕略故謂遺書詳朱子所序程氏遺書大略皆此意

齊家以下則舉而錯之耳
箋禮記祭義云致禮樂之道而天下塞焉舉而錯之無難矣

舊本

頗有錯簡

箋以舊本較程子所定則正經一章無錯簡而下文此謂知本此謂知之至也此二句乃傳之五章

結句所謂誠其意者至故君子必誠其意乃傳之六章釋誠意詩云瞻彼淇澳至此以沒世不忘也乃傳之三章釋止於至善康誥曰克明德至與國人文止於信乃傳之首章釋明明德傳之二章釋新民傳之三章釋止於至善而脫下文詩云瞻彼淇澳至沒世不忘也在前子曰聽訟吾猶人也至此謂知本此乃傳之四章釋本末所謂修身在正其心者至此謂修身在正其心此乃傳之七章釋正心修身自第八章所謂齊其家在修其身以下文無錯簡矣

傳二章

滌其舊染之汙而自新

箋湯之自新其見於仲虺之誥者曰德日新又曰王懋昭大德太甲篇云

先王顧諟天之明命至伊尹之戒太甲曰惟新厥德時乃日新明德乃湯之家法也

文王能新其德以

及於民而始受天命

箋文王正大雅十篇文王之什居首詩云文王在上於昭于天周雖舊邦其命

維新有周不顯帝命不時穆穆文王於緝熙敬止假哉天命永言配命自求多福此即能新其德而受天命也

傳三

章語錄以綠竹始生之美盛興其學問自修之進益

箋毛詩

作綠註云綠王芻也竹篇竹也綠爾雅作菰音同篇音扁郭璞云菰蔞草也今呼曰鷓鴣脚莎菰竹似小菰赤莖節其草似

竹高五六尺孔穎達疏云陸璣云綠竹一草名有莖葉似竹青綠色高數尺今淇澳傍生人謂此爲綠竹此說非也詩終朝采綠則綠與竹別草故傳依爾雅以爲王芻蒿竹異也洪氏五筆因註疏之說遂引史記河渠書云下淇園之竹以爲捷如淳曰植竹塞水決之口淇園卽淇澳如此則萊竹止當爲竹非二物也語錄雖不明言其義意恐亦然

磋以

鑪錫

鑪錫鑪錯也又云錯銅也故鐸韻錯字注鑪也

傳九章

債覆敗也

債如春秋傳鄭伯之車債於濟牛雖瘠

傳十章

太師尹氏

箋按詩傳尹氏蓋吉甫之後春秋書尹氏卒公羊子以爲譏世卿者卽此也周大夫家父作此詩以

譏王之用尹氏以致亂也或曰周幽王時

楚書楚語

箋楚語者卽國語中之楚語也昔左邱明作春秋傳意有

未盡復采前世自周穆王以來下訖魯悼智伯之事以爲國語周魯齊晉鄭楚吳越凡七國之語號曰外傳二十卷吳之

韋昭解

呂東

文公出亡事見檀弓

箋按檀弓下晉獻公之喪秦穆公使人弔公子

萊有國語圖譜

重耳且曰寡人間之亡國恒於斯得國恒於斯雖吾子儼然

在憂服之中喪亦不可久也時亦不可失也孺子其圖之以

告舅犯舅犯曰孺子其辭焉喪人無寶仁親以爲寶父死之

謂何又因以爲利天下其孰能說之孺子其辭焉公子重耳

對客曰云云蓋晉獻公惑於驪姬之譖而文公出亡在外也

君子以位言之

箋有德有位者在上之君

子也有德無位者在下之君子也

孟獻子魯之賢大夫仲孫蔑

也 箋獻子仲孫慶父之曾孫也事成公襄公成十三年晉郤錡來乞師將事不敬獻子曰郤氏其亡乎禮身之幹也敬

身之基也郤子無基其右秦堇父之子秦丕茲事仲尼是與孔子同時襄公十九年八月卒孟莊子名速亦曰孟孺子獻

子之子即孔子稱其不改父之臣與父之政者也

卿大夫以上喪祭用水者也

箋周禮凌

人掌冰正歲十有二月令斬冰月令季冬冰方盛命取冰以入此月日在北冰厚堅之時也左傳昭公四年其藏冰也深

山窮谷固陰沍寒於是乎取之其出之也朝之祿位賓食喪祭於是乎用之禮大夫命婦喪浴用冰故謂卿大夫以上喪

祭用彼爲善之此句上下疑有闕文

箋章句疑此有闕文然朱子格言又云彼爲善

之小人出程氏經說如此則程子以六字爲句蓋謂小人之務財者本爲惡今乃謂之爲善者人君反以之爲善若謂其

有能也後雖有善者救之則其害亦不可救矣

大學章句箋義卷一終

大學或問箋義卷二

朱子或問

第一章 親當作新是乃漢儒釋經不得已之變例

箋如禮記必先

有事於惡池鄭注惡當爲呼聲之誤也又如填池之當爲奠徹會子問其刑罪則纖刺注纖當爲鍼此類甚多舉其凡耳

傳之二章

周武王踐祚之初受師尙父丹書之戒退而於

其几席觴豆刀劍戶牖莫不銘焉今其遺語尙幸頗見於禮

書

箋太公丹書之戒見於大戴禮武王踐祚篇云武王踐祚三日召士大夫而問焉曰惡有藏之約而行之萬世可以

爲子孫常者乎皆曰未得聞也然後召師尙父而問焉曰黃帝顓帝之道可得見與師尙父曰在丹書王欲聞之則齊矣

王齊三日尙父端冕奉書道書之言曰敬勝怠者吉怠勝敬者滅義勝欲者從欲勝義者凶凡事不强則枉弗敬則不正

枉者滅廢敬者萬世此丹書之戒也席四端銘安樂必敬無行可悔一反一側亦不可不志殷鑒不遠視爾所代几銘皇

皇惟敬口生敬口生垢口戕口鑑銘見爾前慮爾後盤銘與其溺於人也寧溺於淵溺於淵猶可游也溺於人不可抹

也楹銘母曰胡殘其禍將然母曰胡害其禍將大母曰胡傷其舅將長杖銘於乎危於念寔於乎失道於者欲於乎相忘於富貴帶銘火滅修容慎戒必共共則壽屢銘慎之勞勞則富觴豆銘食自杖食自杖戒之驕驕則逸戶銘夫名難得而易失無勤弗志而曰我知之乎無勤弗及而曰我枝之乎擾阻以泥之若風將至先搖搖雖有聖人不能爲謀屬銘隨天之時以地之財敬祀皇天敬以先時劒銘帶之以爲服動必行德行德則興倍德則崩弓銘屈申之義廢之行之以無忘自過矛銘造矛造矛少間弗忍終身之羞余一人所聞以戒萬世子孫又晦翁年譜云紹興五年甲寅先生侍講講至盤銘因論武王丹書上曰光宗近有人進入此書因命小黃門取以示公蓋黃庭堅所書墨蹟也豫章集及洪氏五筆皆載朱子所謂志學之士皆不可以莫之考也

傳之三章

其爲信未必不爲尾生白

公之爲也

箋莊子盜跖篇尾生溺死信之患也漢書東方朔傳注顏師古曰尾生古之信士與女子期於橋下

待之不至遇水而死一日即微生高也白公者楚太子建遇費無極譏出奔宋又奔鄭與晉謀襲鄭鄭殺之其子勝在吳令尹子西召之使處吳竟上爲白公白楚邑楚邑宰皆稱公請於子西欲伐鄭子西未從白公乃作亂殺子西於朝而劫楚惠王葉公子高自蔡入與國人攻之白公入山繼死此蓋欲以復讎爲信而亂國殞身者也事見昭公十九年二十年

哀公十
六年切磋琢磨何以爲學問目修之別箋或問謂切磋爲

爲終條理之事又陸象山語錄云骨角脆切磋之工精細玉

石堅琢磨之工麤大學問貴精細自修貴勇猛爾雅釋訓第

三云如切如磋道學也如琢如磨自修也瑟兮僾兮恂慄也

赫兮咺兮威儀也有斐君子終不可諠兮道盛德至善民之

不能忘也爾雅又在先傳之五章書所謂思曰睿睿作聖董子所謂

勉強學問則聞見博知益明箋書洪範二五事五曰思思曰

思而至於睿則能通乎微也睿而至於聖則無不通矣漢武

建元元年董仲舒對賢良策曰事在強勉而已矣強勉學問

則聞見博而知益明強勉行道則德日起而大有劉子所謂

功詩曰夙夜匪懈書云茂哉茂哉皆勉強之謂也天地之中箋劉子者周簡王時卿士劉康公也成公十三年

成子受賑于社不敬劉子曰吾聞間獨惟念昔聞延平先生

之民受天地之中以生所謂命也間獨惟念昔聞延平先生

之教箋按年譜紹興二十三年癸酉先生初從學于延平先

素則龜山楊文靖之高弟也文靖倡道東南從遊者衆然語

其潛思力行任重詣極則羅公一人而已羅公授道于延平

延平授道于朱子朱子祭延平文云熹也小子叩角趨拜恭
惟先生實共源派又云從遊十年誘掖諄至凡語錄稱先師
者即延平先生也

傳之九章

近世名卿之言有曰以責人之心責

己以恕己之心恕人

箋名卿者指范忠宣公而言公名純仁文正公之子也

光武乃謂

惲爲善恕己量主

箋建元十七年郭后寵衰數懷怨懟上怒之冬十月辛巳廢皇后郭氏立貴人陰氏

爲皇后詔曰異常之事非國休福不得上壽稱慶郭惲言於帝曰臣聞夫婦之好父不能得之於子況臣能得之於君乎是臣所不敢言雖然願陛下念其可否無令天下有議社稷而已帝曰惲善恕己量主知我必不有所左右而輕天下也

傳之十章

此莊子所謂絜之百圍賈子所謂度長絜大者

也

箋莊子人間世篇見櫟社樹其大蔽牛絜之百圍註絜約束也經尺爲圍言約度之有十丈也賈誼過秦論云試使

山東之國與陳涉度長絜大若趙由之爲守則易尉而爲尉

比權量力不可同年而語矣

則陵守王肅之方於事上而好人佞己

箋史記酷吏傳周陽南王舅父侯周陽故因姓周陽氏事孝文及景帝景帝時由爲郡守爲郡守視都尉如令爲都尉必陵太守奪之治由後

爲河東都尉時與其守勝屠公爭權相告言罪勝屠公當抵
罪不受刑自殺而由棄市王肅魏黃初中爲散騎黃門侍郎
後遷中領軍加散騎常侍本傳劉寔以爲肅方於事上而好
下佞已此一反也性嗜榮貴而不求苟合二反也吝惜財物
而治身不穢此三反也曾子曰所惡於上毋以使下至此之
謂絜矩之道嗚呼肅豈知是哉晉書列傳劉寔字子真官至
太傅撰春秋條例二十卷劉寔舉絜矩之道

漢石刻詞有引

尊五美屏四惡者而以尊爲遵以屏爲進

箋蔡邕本傳漢靈

帝時校書東觀以
經籍去聖久遠俗學穿鑿疑誤後學與堂谿典等秦求正定
六經文字帝許之邕乃自書丹於碑鐫刻立於太學門外於
是晚學咸取正焉東觀餘論載漢石經與今文不同者殊多
如論語意與之與今意作抑孝于惟孝今于作乎朝聞道夕
死可也今也作矣是魯孔止與曰是知津矣今作是魯孔止
與曰是也曰是知津矣獲不輟子路以告子憊然今作獲而
不輟子路行以告夫子憊然置其杖耘今置作植其斯以乎
今作其斯而已矣譬諸宮牆今諸作之賈諸賈之哉今賈作
沽所謂以尊爲遵以屏爲進卽此類也宋有晁侍郎名公武
字子止嘗著石經考異行於世昔蜀學有石經始唐末五代
至宋初而後循乾道間晁侍郎置制四川乃刻所著
考異於下方晦翁與晁同時或問所引恐本諸此

豈若後

世頭會箕歛

箋史記陳餘傳陳涉起兵使陳餘北略趙地所以供軍費財匱力盡民不聊生註家家人頭數出穀以箕歛之

若商紂自焚而起鉅橋鹿臺

以供軍費財匱力盡民不聊生註家家人頭數出穀以箕歛之

之財德宗以出走而豐瓊林大盈之積

箋通鑑外紀紂造鹿臺爲瓊室玉門其大

三里高千尺七年乃成厚稅賦以實鹿臺之財

唐代宗時已有大盈內庫

王伐之紂乃衣寶玉自焚而死

臣官領其事者三百餘員由是天下公賦爲人君私藏至德

宗興元元年置瓊林大盈庫於行宮建中四年淮寧節度使

李希烈反冬十月涇原節度使姚令言將兵五千至京師救

亂軍士冒雨寒甚詔京兆尹王翊犒師惟糲食菜餽衆怒乃

鼓譟入瓊林大盈庫盡掠金帛令言不能遏賊陳丹鳳門外

上乃與王貴妃韋淑妃太子諸王自苑北門出走自咸陽幸

奉此公儀子所以拔園葵去織婦而董子因有與之齒者去

其角傅之翼者兩其足之喻

箋史記循吏傳公儀休者魯博土也以高第爲魯相食茹而美

拔其園葵而棄之見其家織布好出其家婦蠶其機云欲令

農夫工女安所歸其貨乎漢武帝建元元年董仲舒策曰夫

天亦有所分予予之齒者去其角傅其翼者兩其足是所受

大者不得取小也故公儀子相魯見其家織帛怒而出其妻

食於舍而茹葵愠而拔葵曰吾已若孔子以臧文仲之妾織

蒲而直斥其不仁

箋事見公右箋

桑羊孔僅宇文融楊矜陳京裴延

齡之徒

箋漢武帝時桑宏羊孔僅之徒作均輸平準法置鹽官算舟車告緡錢唐元宗開元九年監察御史宇文

融檢括戶口及籍外田使者競爲刻急州縣承風勞擾百姓

苦之開元十一年上問宰相大府卿楊崇禮諸子誰能繼其

父者對曰崇禮三子慎餘慎矜慎名皆廉勤有才而慎矜爲

優乃羅慎矜爲監察御史知太府出納於是韋堅王鉷之徒

競以利進德宗貞元八年以裴延齡判度支事陸贄上書致

其惡其略口延齡以聚斂爲長策以詭安爲嘉謀以培克歛

怨爲匪躬以靖譖服遷爲大節德宗建中三年時兩河用兵

月費百餘萬太常博士韋都陳京建議以爲貨利所聚皆在

富商甲子詔借貸商人錢大索長安中商賈所有貨財又加

榜篋人不勝苦有縊死者長安囂然如被寇盜又括僦櫃實

錢凡蓄錢帛粟麥者皆借四分

之一百姓爲之罷市右或問畢

大學或問箋義卷二終

大學註疏纂要卷三

鄭氏註 孔穎達疏 陸德明釋文

楚書曰

至為寶

註楚書楚昭王時書言以善人為寶謂觀射父昭奚恤也射音石父音甫疏按楚語云楚

昭王使王孫圉聘於晉定公享之趙簡子問曰楚之白珪猶在乎其為寶幾何矣王孫圉對曰楚之所寶者曰觀射父能作訓辭以行事於諸侯使無以寡君為口實又新序云秦欲伐楚使者以楚之寶器楚王命昭奚恤而焉對曰寶器在賢臣王遂使昭奚恤為壇請秦使者說上位曰君客也昭奚恤自居西面之壇曰客欲觀楚之寶器楚之所寶者此也又史記言令尹子西太宗子牧葉公子高司馬子發大人昭奚恤是皆楚之寶也引之者謂君能寶愛善人為寶也愚按疏義王孫圉國語乃王孫圉未知孰是又按國語無以寡君為口實之下云又有左史倚相能道訓典以敘百物以朝夕獻善敗于寡君舅犯曰至為寶疏晉文公時在翟而其父獻疏義乃不及舅犯曰至為寶公薨秦穆公使子顯弔之因勸之復國舅犯秦誓曰疏左傳僖三十三年秦穆公帥師伐為之對此詞也鄭蹇叔諫之公不從為晉人與姜戎要而擊之敗諸殺歸而悔過作此篇也媚疾註媚姊也說文云媚伐冰疏案昭四年左

傳云大夫命婦喪祭用冰喪大記註云士不用冰故知鄉大夫也士若恩賜及食而得用亦有冰也但其常故士喪禮賜冰則夷槃可也左傳又云食祿之肉冰皆與焉是也

大學註疏纂要卷三終

中庸章句箋義卷一

朱子章句

按衛氏禮記集說雪川倪氏曰堯咨舜曰允執其中舜授禹曰允執厥中仲虺謂湯建中于民孟子曰湯執中文王演易以二五爲中洪範以皇極爲中周禮以五禮防民僞而教之中而未有言庸者孔子始以中對庸言之其在易之文言云龍德而正中者也繼之曰庸言之信庸行之謹然猶分言之也至論語始曰中庸之爲德於是中之與庸始合爲一子思之名中庸蓋本諸孔子愚按漢小戴以中庸大學雜於禮記中至程子始表而出之又按孔叢子云子思適宋宋大夫圍子思子思旣

免曰文王囚於羑里作周易祖君屈於陳蔡作春秋吾
可無作乎於是撰中庸四十九篇而王恭懿註家語又
謂子思作中庸四十七篇按太史公作仲尼世家但言
子思嘗困於宋作中庸而未嘗言若干篇目惟朱子定
爲三十三章得其正矣或曰王恭懿之言若未可據然
孔叢子乃孔子八世孫鮒之所集錄也其言豈無徵與
晁氏讀書誌載子思子一卷如孟軻問牧民之道見於
此書則所謂中庸四十九篇者豈非混子思子與中庸
二書槩言之然亦不可考矣

第一章 人物之生各得其所賦之理

箋天命之謂性初不見其兼物而言朱子

乃兼人物言性者蓋書言人爲萬物之靈此合人物而言性也故中庸於首章之末推致極功則天地位萬物育此性道

教所以合人物並論又二十二章至誠之能盡其性則能盡人之性能盡人之性則能盡物之性能盡物之性則可以贊天地之化育此正是天地位萬物育之事以人物言天命之性者蓋有自來

喜怒哀樂情也

箋禮運云

何謂人情喜怒哀懼愛惡欲七者弗學而能又昭二十五年傳云天有六氣在人爲六情謂喜怒哀樂好惡六氣謂陰陽風雨晦明也彼傳云喜生於風怒生於雨哀生於晦樂生於明好生於陽惡生於陰其義可知也禮運於六情之外增一懼而爲七熊氏云懼則怒中之小別以見怒而怖懼耳今中庸於六情則有其四於七情則無其三蓋舉其凡耳

第

二章

王肅本作小人之反中庸也

箋按孔疏引唐陸氏曰王肅本作小人之反中

庸也朱子易說乾卦中其唯聖人乎兩語王肅改一聖人作愚人如此亂道如小人之反中庸此却又改得是故或問云王肅程子悉加反字蓋疊上文之語諸說皆謂不煩增字而理亦通但以文勢考之則恐未然愚按東萊呂氏曰人說小人之中庸欠一反字亦不消著反字蓋小人自認無忌憚爲中庸然則東萊亦同諸說但朱子不明言之

第十章

衽席也

箋記內則云衽衽席也衽兵甲者以兵甲爲寢卧之具也

第十

一章

深求隱僻之理而過爲詭異之行

箋纂疏引語錄云如漢儒言災異如

戰國鄒衍推五德之事後漢讖緯之書便是隱僻說異之爲
 又如荀子所謂苟難申徒狄尾生之徒是也按漢元帝時
 東郡京房學易於焦延壽其說長於災變分六十四卦更直
 日用事屢言災異有驗天子說之後竟以此亡其身成帝時
 王鳳專政諸王大盛劉向因災異之變乃將尚書洪範集合
 上古以來歷春秋戰國至秦漢符瑞災異之記推述行事連
 傳禍福著其占驗比類相從各有條目凡十一篇號曰洪範
 五行傳論奏之上心知向忠爲王氏起此論也然終不能奪
 王氏秦始皇紀初齊威宣之時鄒衍著始終五德之運及始
 皇并天下齊人奏之始皇用其說以爲周得火德秦獲水德
 之瑞宜從所不勝爲水德而正以十月其後孫奭亦用其說
 見信於當時通鑑論斷云了翁所謂鄒衍一時之談諸儒千
 載之惑信哉荀子所謂苟難者荀子不苟篇云君子行不貴
 苟難說不貴苟察名不貴苟傳唯其當之爲貴負石而赴河
 是行之難爲者也而申徒狄能之然而君子不貴者非義禮
 之中也註云申徒狄恨道之不行發憤而負石自投于河莊
 子音義曰殷時人韓詩外傳曰申徒狄將自沉於河崔嘉聞
 而止之不從申徒狄尾生又見於莊子外物大宗師盜跖等
 篇尾生與婦人期於橋下水暴至尾生不去遂溺死戰國策
 始皇卷註申徒狄紂時抱石自沉于淵

第十二章

其大無外其小無內

箋莊子終篇至大無外謂之大一至小無內謂之小一又楚辭遠遊篇道

可受而不可傳其小
無內兮其大無垠
孔子問禮問官名之類
箋家語觀周篇孔子謂南容敬

叔曰吾聞老聃博古知今通禮樂之原明道德之歸則吾師也今將往矣春秋昭十八年傳鄭子朝魯魯人問曰少昊氏

以鳥名官何也對曰吾祖也我知之孔子問之遂見鄭子而學焉既而告人曰吾聞之天子失官學在四夷猶信 **鳶**

鵲類
箋旱麓詩本義註李氏曰抱朴子曰鳶之在下無力及躍怡然自得而不

知其所以然之故 **十三章**
如齊師違穀七里之違
箋莊公七年夫

人姜氏會齊侯于穀杜註齊地今濟北穀城縣哀二十七年晉伐鄭齊師救鄭及留舒違穀七里穀人不知杜註言其整也

留舒亦齊地違去也 **十四章**
畫布曰正棲皮曰鵠
箋按禮記射義內志正外體直然後

持弓矢審固鄭氏註云正鵠之名出自此也疏賓射之的謂之正正者正也欲明射者內志須正也大射之質謂之鵠鵠

者直也欲使射者外體之直是正鵠之名出自此射者而來也司裘氏大射則張皮侯而設鵠此乃天子將有郊廟之事

以射擇諸侯及羣臣貢士可以與祭者賓射則張布侯而畫正諸侯朝會王以賓射之禮以觀邦國諸侯者也儀禮有五

正三正四正者鄭箋詩天子五正諸侯三正大夫二正士一正而孔穎達正義駁鄭云大夫士同射二正士一正誤耳正

鵠之廣狹外皆居其侯中三分之一蓋外畔準侯之廣狹各居其侯中之一也若正鵠之名有取正直為義者有取二鳥

名者當並參之餘義又見八佾箋義註疏纂要毛詩齊國風猗猗篇註疏義詳第十六章其言體

物猶易所謂幹事箋乾文言貞者事之幹朱子本義云言事之所依以立蓋正而能固萬物依此而立

幹如木之幹事如木之葉孔齊之為言齊也齊之為言齊也箋纂疏云流動充

齊之為言齊也齊洋洋流動充滿之意箋纂疏云流動充

蓋云祭于外則疑於內祭于內則疑于外故曰於彼乎於此乎

上下左右也其氣發揚于上為昭明焄蒿悽愴此百物之精

也神之著也箋按章句所引乃禮記祭義宰我問鬼神孔子

死則形與氣分其氣之精魂發揚于上為昭明者神靈光

明也焄謂香臭也蒿謂氣蒸出貌言百物之氣或香或臭焄

而上出其氣蒿然也悽愴者謂此等之氣人聞之情有悽愴

百物之情者人氣揚於上為昭明百物之氣為焄蒿悽愴人

氣發揚於上為昭明此神之著也第十七章子孫謂虞思陳胡公之屬箋

記索隱夏后之時猶封虞思虞遂至周武王克殷乃復求舜
後得嬀滿封之於陳又左傳襄二十五年昔虞幕裔孫虞閼
父爲周陶正武王以元女妻其子滿而封諸陳使奉虞帝祀
滿謚胡公陳世家胡公卒子申公犀侯立自胡公至桓公十
二世入春秋桓公二十二年魯隱初立陳始終春秋凡十二
公當哀公十七年而楚滅之陳滅而田恒得政於齊昭三年
齊晏子語叔向曰齊其爲陳氏矣箕伯直柄虞遂伯戲四人
皆舜之後陳之先其相胡公大姬已在齊矣至周威烈王田
和列於諸侯卒爲建國秦始皇二十六年秦將王賁入齊齊
襄王子建降秦齊滅二世元年齊王族田儋及從弟榮弟橫
皆烹陳宗彊儋率兵東略定齊地復自立爲王二世二年六
月秦將章邯大破齊軍於臨濟下殺齊王儋齊人乃立故齊
王建之弟假爲王襲破齊虜齊王遂定齊地田橫走博陽自
立爲齊王五年高祖召田橫橫自剄而舜祀始絕因詳記之
以見盛德必**第十八章**先公組紺以上至后稷箋組紺卽
百世祀宜哉

公亶父之父組紺又名諸盞字叔類又稱公祖號曰太公凡
四名組紺以上至后稷凡十二世周禮春官司服註先公謂
后稷之後太王之前不窋至諸盞也不窋后稷子通典慶州
安化縣卽不窋城九域志古迹有不窋城韋昭註國語以不
窋當太康時窋諄入

葬用死者之爵祭用生者之祿

箋記王制云三

聲盞音舟或音冑

年之喪自天子達又曰自天子達於庶人喪從死者祭從生又喪服小記云父爲士子爲天子諸侯則祭以天子諸侯其尸服以士服父爲天子諸侯子爲士祭以士其尸服以士服註謂父以罪誅尸服以士服不成爲君也天子之子當封爲王者後以祀其受命之祖云爲士則擇其宗之賢者若微子者不必封其子爲王者後及所立爲諸侯者祀其先君以禮卒者尸服天子諸侯之服如遂無所封立則尸也祭也皆如士不敢僭用尊者衣物 愚竊詳註文此乃禮之變然於義似未爲允當故三禮辨云父爲天子子爲士自唐虞三代以來未之有也鄭氏以周封微子爲證誤矣武庚誅死紂之祀絕矣豈復有此禮乎此條疑取中庸第十八章之文喪服自而小誤三禮之辨有補於禮學因附於此庶有考焉

期以下諸侯絕大夫降

箋其意已見註疏纂要其詳則有儀禮天子諸侯正統旁期服圖及大夫

降服或不降圖并有附載朱子語云朱先生因言孫爲祖承重頃在朝檢此條不見後歸家檢儀禮疏說得甚詳正與今日之事一般乃知書多有不辨舊來有明經科便有人去讀這般書註疏都讀過自王介甫新經出廢明經學究科人更不讀書卒有禮文之變更無人曉得爲害不細 愚因儀禮圖所載有此故并錄之使學者知禮之不可不講也

第

十九章

祖廟天子七諸侯五大夫三適士二官師一

箋按儀禮

圖天子諸侯大夫廟制每廟皆有廟門內堂堂後室室後別
爲寢廟皆隔墻隔墻後有閤門相通王制天子七廟三昭三
穆與太祖之廟而七諸侯五廟二昭二穆與太祖之廟而五
大夫三廟一昭一穆與太祖之廟而三士一廟不言官師者
士一廟註云謂諸侯之中士下士名曰官師者上士二廟祭
法云王立七廟曰考廟王考廟皇考廟顯考廟祖考廟遠廟
爲祧有二祧廟諸侯五廟曰考廟曰王考廟曰皇考廟顯考
廟祖考廟大夫三廟曰考廟曰王考廟曰皇考廟適士二廟
曰考廟曰王考廟官師一廟曰考廟廟之爲言貌也王制註
天子七廟此周制七者太祖及文王武王之祧與親廟四太
祖后稷殷則六廟契及湯與二昭二穆夏則五廟無太祖禹
與二昭二穆而已疏引禮緯稽命徵唐虞五廟夏四廟至子
孫五股五廟至子孫六鉤命決云周六廟至子孫七適士上
士也官師諸侯中士下士也謂爲官師者言爲一官之長也
王制天子八十一元士大國次國小國上士皆二十七
人天子之上中下士皆稱元士諸侯之士不得稱元

若周

之赤刀大訓天球河圖之屬也

箋按尙書顧命蔡註赤刀赤
削也大訓三皇五帝之書訓

誥亦在焉文武之訓大故曰大訓球鳴球也河圖伏羲時龍
馬負圖出於河一六位北二七位南三八位東四九位西五
十居中易大傳所謂河出圖是也註疏赤刀寶刀赤刀削謂
之赤者其刃必有赤處刃一名削故名赤刃削又云武王誅

紂之時刀赤爲飾大訓虞書典謨天球雍州所貢馬氏云
王磬鄭元云色如天者皆璞未見琢治故不以禮器名之先

祖之遺衣服

箋賈氏曰小斂及大斂之餘乃藏之廟祧周禮
春官衣服祭祀則以其衣授尸服卒者之上服

如春行羔豚膳膏香之類是也

箋記內則云春宜羔豚膳膏
蘇夏宜脯臠膳膏臊秋宜犢

麋膳膏腥冬宜鱧羽膳膏羶註云此八物四時肥美爲其大

盛煎以休廢之膏節其氣也牛膏羶犬膏臊雞膏腥羊膏羶

也膳之言善也美也脯臠臊麋音渠消騷眉有事於太廟則

子姓兄弟羣昭羣穆咸在而不失其倫焉

倫焉此條明第五倫見親疏之殺焉者謂尸主既有昭穆如

主之文夫祭有十

倫焉此條明第五倫見親疏之殺焉者謂尸主既有昭穆如

主之文夫祭有十

倫焉此條明第五倫見親疏之殺焉者謂尸主既有昭穆如

主之文夫祭有十

倫焉此條明第五倫見親疏之殺焉者謂尸主既有昭穆如

主之文夫祭有十

倫焉此條明第五倫見親疏之殺焉者謂尸主既有昭穆如

主之文夫祭有十

倫焉此條明第五倫見親疏之殺焉者謂尸主既有昭穆如

冠衣不純素註子姓之冠疏云子姓者
姓生也係是子所生故謂孫爲子姓

旅酬之禮賓弟子兄

弟之子各舉觶於其長而衆相酬

箋今以儀禮中旅酬及弟
子舉觶於其長之圖載於

後


旅酬及弟子舉子於其長圖

賓酬長兄弟
在階前位

兄弟弟子舉
解於其長皆
在階前中庭

賓弟子舉解
於其長皆在
階前中庭位


長兄弟酬衆
賓長及旅酬
交錯以辯皆
在西階前位



賓兄弟弟子
酌酌

長兄弟弟子
受奠
賓兄弟弟子
受奠
賓兄弟弟子
受奠

弟子
長兄弟
復位答拜



賓兄弟弟子
酌酌

長兄弟弟子
受奠
賓兄弟弟子
受奠
賓兄弟弟子
受奠

弟子
長兄弟
復位答拜

禘天子宗廟之大祭嘗秋祭也

箋禮記祭統夏祭曰禘秋祭曰嘗又曰禘者陽之盛也嘗

者陰之盛也故曰莫重於禘嘗註禘祭在夏嘗在秋古者於禘也發爵賜服順陽義也於嘗也出田邑發秋政順陰義也故曰禘嘗之義大矣又仲尼燕居子曰明乎郊社之義禘嘗之禮治國其如指諸掌而已乎又按文王世子宗廟之中以爵爲位崇德也宗人授事以官尊賢也登餼受爵以上嗣尊祖之道也上嗣祖之正統喪紀以服之輕重爲序不奪人之親也公與族燕則以齒而孝弟之道達矣其族食世降一等親親之殺也戰則守於公禘孝愛之深也行主君父之象正室守太廟尊宗室而君臣之道著矣諸父諸兄守貴室子弟守下室而讓道達矣合此而觀之可以知治國其如示諸掌之義矣又祭統集說石林葉氏曰言陰陽之盛則止及乎禘嘗而不及禘者蓋陽達於春物方蠢動陰終於冬物已退藏故古之君子其言郊社則以禘嘗對之亦舉其盛者耳

第二十章

家語作爲政在

於得人

箋見家語哀公問政第十七哀公問政於孔子孔子對曰文武之道布在方策其人存則其政舉其人亡

則其政息天道敏生人道敏政地道敏樹夫政也者蒲盧也待化以成故爲政在於得人取人以身至及其成功一也公日子之言美矣至矣寡人固不足以成之也孔子曰好學近乎知至天下國家矣公曰政其盡此而已乎孔子曰凡爲天

下國家有九經至天下畏之公曰爲之奈何孔子曰齊明盛服非禮不動至擇善而固執之者也公曰子之教寡人備矣敢問行之所始孔子曰立愛自親始教民睦也立敬自長始教民順也故此章之首自修身以仁以下卽曰仁者人也親親爲大此卽以其分而言也生知學知困知知也及其知之一行之所始也以其等而言也安而行之知也利而行之仁也困而

勉強也勇也以其等而言也安而行之知也利而行之仁也困而行之勇也上文生知學知困知三知爲知下文好學近乎

乎仁知恥三近勇之次稟稍食也箋周禮地官廩人掌九

賜稍食註稍食祿廩也又稍人註周禮稟人職箋夏官稟

距王城三百里曰稍匪音分稍去聲周禮稟人職人試其弓

弩以上下其食而誅賞註箭幹謂之稟此官往則爲之授節

以送之來則豐其委積以迎之箋周禮夏官環人之職掌送

四方環人者主環遠賓客使不失脫路節者道路用旌節也地官遺人掌郊里之委積以待賓客少曰委多曰積遺去聲又遂師賓客則巡其道修庀其委積庀具也庀音丕又記聘議主國待客出入三積餼客於舍五牢之具陳於內米三十

車禾三十車芻薪倍禾皆陳於外乘禽日五雙羣介皆有餼
半壹食再饗燕與時賜無數所以厚重禮也此乃天子待邦
國賓客之禮若諸侯相朝則主國禮賓之數如上公則五積
三問乘禽日九十雙侯伯四積再問乘禽日七十雙子男三
積一問乘禽日五十雙其詳見羣書百考諸侯相朝王制比
主國禮賓之圖此又與天子之禮不同因附註於此

年一小聘三年一大聘五年一朝

箋鄭註比年每歲也小聘使大夫大聘使卿朝則君

自行然此大聘與朝晉文霸時所制也虞夏之制諸侯歲朝
周之制侯甸男采衛要服六者各以其服數來朝疏小聘曰
問大夫三介卿五介故知小聘使大夫大聘使卿昭三年傳
鄭子太叔曰文襄之霸也令諸侯三歲聘五歲朝不及比年
者子太叔略而不

今以鹵莽滅裂之學

箋莊子則陽篇長梧封人曰昔子爲禾耕

言詳見王制疏義而報子昔

第二十四章

著所以

筮龜所以卜

箋周禮筮人掌三易以辨九筮之名凡國之大

賤者先筮始伏義成於巫咸卜未聞其人史龜策傳曰蒼生
滿百莖者其下必有神龜守之其上有青雲覆之大戴禮曰
天子蒼長九尺諸侯七尺大夫五尺士三尺鄭氏云天子諸
侯大夫之著莖者立卦者坐士之著短筮者卦者皆坐卦者

坐左卒筮卦者始畫爻於地卒書卦於板以示主人畫爻以
不少牢所謂畫以木卦以板是也周禮太卜卜師龜人華氏
占人凡五職皆掌龜卜之事華音隨荆也周禮龜人掌六龜
之屬其名六爾雅龜之占十龜策傳龜之名有人逸禮天子
龜尺二寸龜策傳曰龜千歲乃滿尺二寸諸侯八寸禮家不
寶藏龜儀禮大夫士祭筮而已則大夫無守龜逸禮又言大
夫龜六寸者誤也臧文仲居蔡以其不當僭龜也凡龜皆有
文在腹下以火灼之觀其墨兆鄭氏曰卜用龜之腹骨近足
者部高春灼後左夏灼前左秋灼前右冬灼後右周禮華氏
掌共燋契以待卜事凡卜以明火爇燋燋音蕪燋音焦遂歛
其燋契以授卜師揚火以作龜致其墨燋炬也契灼龜之木
也契謂之燋亦謂之楚燋楚荆華之類也燋讀如戈鐔之鐔
燋他昆切燋與燎其名一也卜有繫帛卒卜以帛書其占繫
之於龜歲終計其占之中否國有大事則先筮而後卜小事
則卜筮不相襲著龜皆有積龜積以木著積以
草筮之法猶存而龜卜之法則後世無傳矣

其容俯仰之類

筮定公五年傳春邾隱公來朝子貢觀焉邾
子執玉高其容仰公受玉卑其容俯子貢曰

二君皆有死亡焉夫禮死生存亡之體也於是乎取之今正
身相朝而皆不度心已亡矣夏五月公薨仲尼曰賜不幸言

而中是使
賜多言也
第二十六章
鄭氏所謂至誠之德
箋鄭康成註云此言至誠

之德既著於四方其
高厚日以廣大也
第二十七章
禮儀經禮也威儀曲禮

也
箋古註禮儀三百周禮有三百六十官言三百者舉其威
數耳威儀三千卽儀禮行事之威儀又禮器云經禮三百

曲禮三千亦註云經禮謂周禮六篇其官有三百六十曲禮
謂今禮也今章句不取者蓋儀禮爲經曲禮爲傳不得以周

禮合曲禮言之也漢興魯高堂生所傳儀禮十七篇戴勝戴
德皆傳之其後河間獻王復得古經三十九篇合五十六篇

今行於世者止十七篇文王周公之法制具在於是唐韓昌
黎嘗苦其難讀其篇始於冠婚終於有司之微曲禮乃引儀

禮之正經也禮記仲尼燕居篇子曰制度在禮文爲在禮行
之其在人乎嚴陵方氏曰中庸曰禮儀三百威儀三千待其

人然後行其
言正與此合
第二十八章
文書名語錄云大行人巡行天

下考字
箋周禮秋官大行人七歲屬象胥諭言語協辭命九
歲屬瞽史諭書名聽聲音鄭註書名書之字也賈公

彥疏古曰名今日字又外史掌達書名於四方疏正其字使
四方知而讀之又引聘禮記云百名以上書之於策不滿百

名書之於方古之文字少則曰名今之文字多則曰字字者
滋也秋官象胥之職掌通夷狄之言者曰象胥者其有才知

者也此類之本多東方曰寄南方曰象西方曰狄隄北方
曰譯又總名之曰象者周之德先致南方也胥音上聲
軌

轍迹之度

箋周禮考工記察車之道必自載於地者始也是故察車自輪始又孝經序必聘殊軌轍疏云兩轍

之間爲軌車輪所轆曰轍

第三十章

律天時者法其自然之運襲水土

者因其一定之理

箋朱子格言云天時曰律如律調之也水王所以順山者不使居川不使潛者居中而弗傲也又云

用水火金木飲食必時王制云居民山川溫澤時四時又云

凡居民材必因天地寒煖燥濕又云五方之民言語不通嗜欲不同達其志通其欲此意大抵與或問及纂疏之釋相似

第三十三章

屋漏室西北隅也

箋爾雅釋宮文云室西北隅謂之屋漏西南隅爲奧

東北隅爲宦東南隅爲窆宦音頤東北陽氣始起育養萬物故曰宦窆音杏深也禮書圖象見後



中庸或問箋義卷二

朱子或問

按衛氏禮記集說云按中庸一篇會稽石氏集解自濂溪先生而下凡十家朱文公嘗爲之序已而自著章句以十家之說刪成輯略別著或問以開曉後學然十家之說凡輯略所不取者朱氏或問間疏其失然僅指摘三數言後學或未深解今以石氏本增入庶幾覽者可以參繹其旨意其有續得則附於朱氏之後

愚按集說所引中庸解凡六十餘家亦可參考若朱子或問間疏其失者則衛氏集說雖詳然趙氏纂疏亦可見大略矣又按中庸序云凡石氏之所輯錄者卽會稽

石氏名敦字子重十家之說則濂溪周子河南程子延平楊氏名時字中立龜山先生藍田呂氏與叔橫渠張氏建安游氏定夫涑水司馬氏上蔡謝氏顯道河東侯氏仲良荆公王介甫此十家也若二程子之說或明道或伊川則輯略皆有分註可考

第一章 此吾性所以純粹至善非若荀楊韓子之所云也
箋荀子性惡篇人之性惡其善者僞也故枸木必將待礱括
烝矯然後直純金必將待礱厲然後利今人之性惡必將待
師法然後正得禮義然後治又曰孟子曰人之學者其性善
也曰是不然是不及知人之性而不察乎僞之情者也楊子
修身篇云人之性也善惡混修其善則爲善人修其惡則爲
惡人氣也者所適善惡之馬也歟韓愈原性云性也者與生
俱生者也情也者接於物而生也性之品有上中下三焉上
焉者善而已矣中焉者可以導而上下也下焉者惡而已矣
情之品有上中下上焉者之於七情也動而處其中焉者
之於七情也有所得有所亡然後求合乎中下焉者之於七

情也亡愈甚直情而行者也孟子之言性曰人之性善荀子之言性曰人之性惡楊子之言性曰人之性善惡混夫始善而進惡與始惡而進善與始也混而今也善惡皆舉其中而遺其上下者也得其一而失其二者也東坡蘇氏之論數子則曰昔者夫子之文章非有意於爲文未嘗立論也諸子之爲書喜於立論而爭起孟子曰人之性善孟子既已據其善荀子不得不出於惡人之性有善惡而已二子既已據之是以楊子亦不得不出於善惡混也孟子之所謂性善出於其師子思而子思之論天下同是而莫非焉然後知子思之善爲論也其論韓子則曰韓愈取三子之說而折衷以孔子之論離性以爲三品是未知所謂性者也才者言之孔子之所謂中人可以上下而上智與下愚不移者是論其才也至於言性則未嘗斷其善惡曰性相近也習相遠也而已韓愈之說則離性以爲情合才以爲性是故其論終莫能通也愚按荀揚韓子之所云不可不詳說而明辨故然其大要書之則覽者不待辨說而自明矣若謂善之說乃孟氏擴前聖之所未發而蘇氏謂其立論是乃自爲立論之失而未知也善論荀揚者但可謂其欲求勝而卒莫之勝也愚又謂先儒言性致辨於荀揚韓子者多矣有董仲舒言性在楊子之前而先儒曾無一語及之者按春秋繁露實性篇云孔子曰名不正則言不順今謂性之善不終於無教而如其自然又不順於爲政之道矣且名者性之實實者性之實也無教之

時何處能善善如米性如禾禾雖出米而禾禾可爲米也性雖出善而性未可謂善也成於外者非在天所爲之內也天之所爲有所至而止止之內謂之天止之外謂之王教王教在性外而性不得不遂故曰性有善姿而不能爲善也天之所爲止於藹麻與禾以麻爲布以藹爲絳以米爲飯以性爲善此皆聖人所繼天而進也非性情質樸之能主也今按聖人言中本無性善名而有善人吾不得見之矣使萬民之性皆已能善善人衆何爲不見也觀孔子言此之意以爲善難當甚而孟子以爲萬民性皆能當之過矣聖人之性不可以名性斗筭之性有不可以名性者中民之性如藹如禾如卵待覆伏二十日而後能爲雛爾待澡以泊湯而後能爲絲性待漸於教訓而後能爲善善教訓所然也非質樸之所能主也切詳仲舒之言亦不能無病

豺獺之報本睢鳩之有別箋記

故引之以附於荀楊韓子云

孟春之月獺祭魚季秋之月豺乃祭獸註夏小正正月獻鰒魚陟負冰此時魚肥美獺將食之先以祭也季秋亦獸肥之時豺乃祭獸而後食之此皆報本之義愚又按戴記云魚陟負冰陟升也負冰者言解蛰也獺祭魚豺祭獸善其祭而後食之也朱子詩傳睢鳩水鳥狀類鳬今江淮有之生有定偶而不相亂偶常並遊而不相狎列女傳以爲人未嘗見其乘居而匹處者蓋其性然也故毛傳以語錄程子舉彈琴爲摯而有別摯字與至通言其情意深至

語錄程子舉彈琴

而知殺心

箋蔡邕在陳留郡人有以酒食召邕者主人彈琴於屏至門潛聽之曰嘻以樂召我而有殺心何耶

遂反將命者以告主人遽自追問其故邕具以告主人曰我
向鼓琴見螳螂方向鳴蟬將去而未飛螳螂爲之一前一却

吾心嘗然唯恐螳螂之失也豈此爲殺
心而形於聲乎邕笑曰此足以當之矣
三辰失行箋記鄉飲酒云紀之

以日月參之以三光註三光大辰也疏云昭十七年布星
孛于大辰公羊云大辰者何大火也伐爲大辰北辰亦爲大

辰是三大辰也天之政教出於
山崩川竭箋國語周幽王二
大辰又爾雅云大辰房心尾也
年西蜀三川竭岐

山崩伯陽父曰夫國必依山崩川竭
亡之徵也十一年幽王乃滅周始東遷
胎殯卵殞箋樂記云胎生

者不殯而卵生者不殯則樂之適歸焉耳鄭元註曰內敗尸殯殯裂也疏懷任在內死曰殯卵拆不成子爲殯殯殯音獨

音王 古之人制祭服而設旒纁箋按杜佑通典云前代作冕垂旒曰不視也充纁示不

黃色之綿爲之履之有絢以爲行戒履有絢有纒有紳者

爵也土冠禮有青絰絰黑絰記之抽絰著樽之有禁以
 馬鬣之頭以爲行戒玉藻童子不履絢絢音勛

爲酒戒等禮應有官司尊卑之職掌之尊卑之禮
有巽鄭司農云舟尊下臺若今時承槃禮器圖云舟

11

THE UNIVERSITY OF CHICAGO

11

11

11

11

11

11

滿則覆所以戒飲之沉湎也罍畫雲雷之象以金飾之鄭康成曰上蓋為由雲出之象酒則取其陽氣發達雷震之威則欲其起

第二章

如漢之胡廣唐之呂溫柳宗元者則其所

謂中庸是乃所以為無忌憚也

箋後漢胡廣字伯始初舉孝廉第一桓帝時為太尉是時

大將軍梁冀專擅政柄凶焰日熾廣依阿其間時人語曰萬事不理問伯始天下中庸有胡公唐德宗時翰林待詔王伾善書山陰王叔文善碁俱出入東宮娛侍太子德宗崩太子即位是謂順宗伾文用事柳宗元為監察御史與陸淳呂溫李景儉劉禹錫等依附伾文定為死友曰與遊處踪跡詭祕莫有知其端者憲宗即位伾文宗元等盡行貶逐

章

刻意尚行驚世駭俗

箋莊子刻意篇刻意尚行驚世駭俗

第十一章

漢

書藝文志劉歆論神仙家流

箋漢藝文志曰神仙家二百五卷神仙者所以保性命之真或

者專以為務則欺誕怪迂非聖王之所以教也孔子曰索隱行怪後世有述焉吾不為之矣顏師古註云禮記載孔子之言索隱求索隱暗之事怪迂之說要令後人有所祖述非我本心藝文志之言乃班固援劉歆論九家者流之說

第

十二章

其用之廣如此可謂費矣

箋按韻書費字在入未者芳味切註散財用也

其音如論語惠而不費之費又同韻及六至所收二費字悲位切乃魯邑名及姓如固而近於費及費惠公之費若費隱之費則當讀惠而不費之費蓋費者散也散乃廣之義故朱子釋以用之廣者正如財用之散是費有廣之義又有用之義焉古註疏音作弗解爲詭譎而隱如巢由乳耳之類其義不同

易首乾坤而重咸恒皆此

意也

箋史記外戚世家云易基乾坤詩始關雎昔美釐降春秋識不親迎夫婦之際人道之大倫也記哀公問篇公

曰政問人道誰爲大孔子對曰古之爲政愛人爲大所以愛人禮爲大所以治禮敬爲大敬之至矣大昏爲大註大昏國

君娶妻禮也

第十六章

鬼神之義孔子所以告宰予者見於祭

義之篇已詳

箋祭義宰我曰吾聞鬼神之名不知所謂子曰

教之至也衆生必死死必歸土此之謂鬼骨肉變於下陰爲野上其氣發揚于上爲昭明焄蒿悽愴此百物之精也神之著也因物之精制爲之極明命鬼神以爲黔首則百衆以畏萬民以服聖人以此爲未足也築爲宮室設爲宗祧以別親疏遠邇教民反古復

第十七章

至於顏跖壽夭之不齊

箋

始不忘其所由生也

記伯夷傳七十之徒仲尼獨薦顏淵爲好學然回也屢空糟糠不厭而卒早夭天之報施善人其何如哉蓋跖日殺不

卓則人肉暴戾恣睢聚黨數千人
橫行天下竟以壽終是遵何德哉
第十九章 其讀爲韶先

儒以爲晉避諱而改之

箋魏司馬懿之子名昭爲相封晉公
子司馬炎篡魏曰武皇帝國號晉尊

司馬昭爲文皇帝
故以昭爲諱也

及其祫於太廟之室中羣昭羣穆之人乎

此者皆列於北牖南牖之下

箋按三禮辨云宗廟昭穆或問
之說詳矣但謂祫于太廟之室


中則羣昭羣穆之主皆入列于牖下則小誤耳逸禘祫禮昭
穆各用一尸蓋周之中世先王先公之位已凡二十餘所矣
使南北相嚮各列于牖下則其簋簠簠豆之盛東西各二十
許筵乃能容之假以宣王考室之時言之后稷東向先公不
窋以下十一尸先王太王以下十三尸南向北向是昭穆各
十二矣每尸設二十六豆二十六簋九俎八簋六銅又有爵
登視版幣籠之屬及尸與主賓獻酬之地蓋比明堂三倍之
廣必不然矣而二十餘尸各十一獻又有三酬亦非一日所
能行也愚嘗因李氏之說而考之禮記曾子問七廟五廟無
虛主惟祫祭於祖則無主又曰祫祭於祖則祫迎四廟之主
孔疏云祝迎高曾祖禰四廟而於太祖廟祭之天子祫祭則
迎六廟之主今言四廟者舉諸侯言也主謂羣廟之木主也
主天子一尺二寸諸侯一尺主出入廟必踣據曾子問言止
於四廟六廟之主者此時祭之祫小祫也公羊穀梁傳文公

二年云毀廟之主陳於太祖未毀廟之主皆升合食于太祖
毀廟之主蓋素在太廟今就取而陳列之於太祖之前未毀
廟之主則自外而入升於太祖之廟韓愈禘祫議夫祫者合
也毀廟之主皆當合食於太廟獻懿二祖卽毀廟主也今雖
藏於夾室至禘祫時豈得不食於太祖乎名曰合祭而不得
與焉不得謂之祫歟者此三年之祫大祫也先王制禮必象
天道故月祭象月時享象時三年之祫象閏五年之禘象再
閏詳此則或問之言羣昭羣穆入乎此者兼大祫小祫而言
也陳祥道禮書禘祫禮載鄭氏禘祫志言禘祭之禮太王王
季以上遷主祭於后稷之廟其坐位與祫祭同文武以下遷
主若穆之遷主祭於文王之廟文王居室之奧東面文王孫
成王居文王之東而北面以下穆主直至親盡之祖以次繼
而東皆北面無昭主若昭之遷主祭於武王之廟武王亦居
室之奧東面以次亦繼而東直至親盡之祖無穆主也其尸
后稷廟中后稷尸一昭穆尸各一文王廟中文王尸一穆尸
共一武王廟中武王尸一昭尸共一逸禮稱二尸者據文武
之廟及太祖昭穆而言也其實太祖廟三尸也故云獻昭尸
如穆尸之禮其五齊自醴齊而下四齊而已無泛齊酒外三
酒所陳設之處所加之明水元酒等一如禘祭於文王之廟
無降神之樂其祫尊用鷄彝鳥彝朝踐用兩獻尊再獻用兩
象尊其迎尸出在堂之時其后稷文武之尸皆南向餘尸主
如室中之左右也合樂時作四代之樂其祭禮后稷文王武


王廟各一日釋祭則同一日註云凡祭之禮質明行裸謂之晨裸繼以朝踐次乃饋熟以下是則每廟各行此禮以其禮煩不可以一日而畢又乘朝踐之義陳祥道辨之云鄭氏誤以祫禮爲大禘禮爲小強生異義遂謂禘不迎羣廟之主乘繆之甚愚因鄭說推之禘之迎主不迎主固未可知若謂昭穆各用一尸以及禮文之殺恐亦或然故杜預云逸禮記祫于太廟之禮毀廟之主升合食而立二尸以此言之則祫祭之羣昭羣穆惟多昭一尸穆一尸而已合七廟之主而言則九尸合五廟之主而言則七尸三禮辨亦引逸禘祫而言昭穆各用一尸者乃昭一尸穆一尸而李氏考之不詳誤以爲羣昭羣穆皆立尸故有二十餘尸之疑也尸旣不備則籩豆簠簋之殺恐亦當如鄭氏之說也李氏云尸各十一獻此因賈公彥之說也賈公彥曰祫有十二獻禘九獻祫之十二獻此語必因少牢饋食禮尸有十二飯而言然禮器云一獻質三獻文五獻察七獻神註云一獻謂羣小祀三獻社稷五獻五獻四望山川七獻謂祭先公此語可據者孔穎達疏云周禮衣服冕一章祭羣小祀故知一獻當祭羣小祀絺冕三章祭社稷五祀故知三獻祭社稷五祀羣冕五章祀四望山川故知五獻祭四望山川驚冕七章享先公故知七獻祭先公也以此例之則先王或是九獻若曰十二獻者特牲饋食禮主人主婦既醑尸畢然後長兄弟洗觚爲加爵獻用爵加用觚加在獻數之外加爵之時籩人加籩之實醢人加醢之

實以此推之則亦恐九獻之後必子姓兄弟羣昭羣穆分之
於理亦順則無妨於一日所行矣詳著於此以俟考禮者訂
之愚又按致堂胡寅讀史管見云王鄭言禘祫之義不同
從鄭則圓邱宗廟皆有禘名從王則禘祫并爲一祭夫宗廟
之祭莫人於禘祫而自漢以來紛紛莫定非真儒擇經訓何
以折衷真儒曰天子禘諸侯哈大夫享庶人薦此尊卑之等
也禘祫者合祭之名天子有所自出之帝爲東向之尊餘廟
以昭穆合食於前是之謂禘諸侯無所自出之帝則合羣廟
之主而食於太廟是之謂祫以此而斷禘祫豈不明哉若四
時之祭有禘之名特漢儒刺經作王制掇拾煨燼其文益不
純合周禮宜其載禘祫之義有彼此交錯之失也愚謂胡
氏必以禘爲天子合祭之名祫爲諸侯合祭之名是不得以
祫爲天子之合祭其說獨與諸儒異使學者疑焉記曰七廟
五廟無虛主惟祫祭於祖則無主七廟亦以祫言則天子之
合祭亦謂之祫矣當以是斷之

禘禮圖



祫禮圖



春秋傳以管蔡邶霍爲文之昭邶晉應韓爲武之穆

箋春秋
僖二十

四年周襄王將以狄伐鄭富辰諫曰不可昔周公弟二叔之

不咸故卦建親戚以藩屏周管蔡邶霍魯衛毛聃郇雍曹滕

畢原鄆郕文之昭也十六國昔文王子邶晉應韓武之穆也

四國武王之了又僖五年宮之奇曰太伯虞仲大王之昭也

虢仲虢叔王李之穆也註疏管國榮陽京縣東北雍國在河
內山陽縣西畢國在長安縣西北鄆國在始平鄆縣東應國
在襄陽城父縣西韓國在河東春秋傳曰壞廟之道易檐可
也改塗可也箋穀梁文公二年丁丑作僖公主作主壞廟有
時日於練焉壞廟之道易檐可也改塗可也壞

音怪註禮親過高祖則毀其廟以次而遷將納新神故示有所加愚謂易檐者易其重承壁板而新之改塗者加以聖飾於墻壁之類

后稷爲太祖而組紺居昭之北廟太王居穆之北廟

王季居昭之南廟文王居穆之南廟猶爲五廟而已至成王

時則組紺祧王季遷而武王祧至康王時則太王祧文王遷

而成王祧至昭王時則王季祧武王遷而康王祧

按史記周紀后稷

子不密不密子鞠鞠子公劉公劉子慶節慶節子皇僕皇僕

子差弗差弗子毀隄毀隄子公非公非子高圉高圉子亞圉

雲都或曰雲都亞圉弟亞圉子公叔類公叔類凡四名一名

公祖一名組紺又名諸整字叔類號曰太公如此則組紺上

距后稷凡十一世組紺卽太王父而太王卽古公亶父也太

王之妃太姜生子王季王季之妃太任生文王文王武王

武王名瑕由此推之可以知其曰昭曰穆曰祧曰遷曰祧之

世次矣謂之文世室謂之武世室

箋文世室武世室蓋本於禮記明堂位之言魯公之

廟文世室也武公之廟武世室也鄭註此二廟象周有文王

武王之廟也世室者不毀之名魯公伯禽也武公伯禽之元

孫也名敖孔穎達疏云文世室者魯公伯禽有文德也世不
毀其室故云文世室武世室者伯禽元孫武公有武德其廟
不毀故云武世室 愚按記禮者之意謂周有文王世室武
王世室成王賜魯以天子禮樂故魯有伯禽及武公之廟得
以象文王武王不毀之廟也後儒因明堂位之文遂言周有
文世室武世室也按三禮辨陵陽李心傳曰文世室武世室
此條實甚誤矣武公之廟蓋已久毀成公三年季孫宿以鞶
之戰有功而立之春秋書立武宮左氏公羊並譏之謂不宜
立也世室屋壞左氏謂之太室公穀謂之世室武楊皆稱宮
無所謂武世室也諸儒或引此以證文王武王之廟爲世室
誤矣

秦政之惡夫子議父臣議君而除謚法

箋始皇紀二十六年制曰朕聞太古

有號無謚中古有號死而以行為謚如此則子
議父臣議君也甚無謂朕弗取焉其除謚法

天子之山節

藻稅複廟重檐諸侯之黝堊斲礪大夫之倉楹斲桷

記明室

位山節藻稅複廟重檐刮楹達鄉天子之廟飾也註山節
藻盧爲山也今之斗拱是也藻稅畫侏儒爲藻文也侏儒梁
上短柱也複廟上下重屋也重檐重承壁材也卽今之板檁
以蔽風雨者也刮楹達嚮者刮楹以密石靡柱也達鄉者達
通也鄉謂窗牖也每室四戸八窗窗戸皆相對以牖戸通達
故曰達鄉也又穀梁莊二十四年禮天子諸侯黝堊大夫倉

士黈士黈者士則以黃飾之也丹桓宮楹刻桷非禮也禮天子之桷斲之礲之加密石焉諸侯之桷斲之礲之大夫斲之士斲本刻桷非正也註非正謂刻桷丹楹也今纂疏所釋大略皆禮記穀梁註文又按國語趙文子爲室斲其椽而礲之張老夕焉不謁而歸若趙文子之礲其椽臧文仲管仲之山節藻梲皆大夫之僭也複音福重平聲鄉音向靡音磨對他苟後世公私之廟皆爲同堂異室而以西爲上者何也曰由漢明帝始也明帝遺詔藏主於光烈皇后更衣別室而其臣子不敢有加焉

箋上二條並見後
孝明之亂命註

魏晉循之遂不能革而先

王宗廟之禮始盡廢矣

箋魏明帝青龍四年高堂隆生上疏曰凡帝王徙都立邑必先定天地社

稷之位敬恭以奉之將營宮室則宗廟爲先廡庫爲次居室爲後今園邱方澤南北郊明堂社稷神位未定宗廟之制未爲禮等武泰始二年春正月丁亥卽用魏廟祭征司府君以下漢征司將軍司馬鈞并景帝凡七室晉初建國用魏廟行祭司馬公所謂先王宗廟之禮始盡廢蓋可知矣裴秀傅元之徒尚欲其君遵漢文以日易月之制廢先王之禮經此司馬公所以不能已於言也太始十年七月皇后楊氏殂八月葬元皇后于峻陽陵帝及羣臣除喪卽吉博士陳達議以爲

今時所行漢帝權制太子無有國事自宜終服尙書杜預以爲太子出則撫軍守則監國不爲無事宜卒哭除衰麻司馬公罪之所以爲萬世之坊也

於是原廟之儀不得不盛

箋見叔孫通之舞禮註原者再也如

周禮原蠶禮記未有原之原原廟謂又一廟也又按胡致堂讀史管見云天子七廟致其誠敬足矣而又作原廟云益廣大孝之本則通之妄也且衣冠出遊於禮何據中庸記宗廟之禮陳其宗器設其裳衣非他所也謂廟中也非他時也謂祭祀時也今以死者衣冠月出遊之乃築複道於武庫南於禮褻矣使後世致隆於原廟而簡於太廟者則通說啟之也其後漢明帝遂有朝原陵之失此舉蓋生於原廟蔡邕不折衷以聖人之制而直論其情情豈有旣哉愚又按原廟之儀至宋未改故楊龜山語錄云今太廟却閑了只嚴奉景靈宮是舍先王之禮而從一謬妄之叔孫也豈不過乎

前

世徒知譏孝惠之飾非責叔孫通之舞禮而於孝明之亂命

與其臣子之苟從則未有正其罪者

箋漢惠帝四年帝以朝太后於長樂官及閭往

來數蹕煩民乃築複道於武庫南奉常叔孫通諫曰此高帝月出遊衣冠之道也子孫奈何乘宗廟道上行哉惠帝懼曰急壞之通曰人主無過舉今已作百姓皆知之願陛下爲原廟渭北衣冠月出遊之益廣宗廟大孝之本乃詔有司立原

廟司馬光曰過者人之必不免也唯聖賢爲能知而改之今叔孫諫孝惠乃云人主無過舉遂教人君以文過遂非也豈不謬哉漢明帝紀永平十八年八月壬子帝崩于東宮前殿年四十八遺詔無起寢廟藏主於光烈皇后更衣別室章帝章和二年正月壬辰帝崩於章德殿年三十一詔無起寢廟一如先帝法制纂疏引文集曰不起

寢廟之詔明帝固不得爲無失然使章帝有魏顆之孝其羣

臣有宋仲幾楚子囊之忠則於此別有所處矣後在秋傳直十五年

武子有嬖妾無子武子疾命顆曰必以爲殉及卒顆嫁之曰寢廟則風吾從其治也昭公二十五年冬

十一月宋元公夢大子欒帥他已與平公元公父服而相之且召六卿公曰寡人不佞不能事父兄辱而相之以爲二子憂

寡人之罪也若以寡人之憂得保首領以沒唯是禍柙所以藉幹者桓楨指中若林幹戲晉也請無及先君仲幾對曰宋

國之法死生有度先君有命矣羣臣以死守之弗敢失墜襄

十二年楚子疾告大子曰若以大夫之寵獲保首領以沒於地唯是春秋電窆之事所以從先君於禩廟者請爲靈若厲

大夫擇再秋楚其王卒子囊謀諡大夫曰君有命矣子囊曰君命以君若之何毀之抑嘗觀於陸偁之議而知神祖嘗有請諡以與大夫從之

意於此矣

按陸佃即陸師農號陶齋放翁務觀之祖也朱

只移一位陸師農則以爲祖廟皆移一厘如師農之說則是

世爲昭穆不定豈得如文王却是穆武王却是昭如我穆考

文王又我昭烈考武王又如左傳說云云文之昭也云云武

之穆也昭穆是萬世不可易豈可知陸氏之說陸氏禮象圖

多有不撰處不知當時廟制後來如何不行林擇之曰自通

典後無人理會得本朝但有陳祥道陸佃略理會得陳祥道

理會得陸佃師農也若曰未及營表

有好處但杜撰處多若曰未及營表

留節苑設後日之秉史筆者即前日承詔討論之臣也

表望是也後日之秉史筆者即前日承詔討論之臣也

此語蓋宋熙寧九年神宗以郊廟禮文訛舛詔陳襄陳清臣

王存王屠何洵直孫諤楊完就太常院檢討歷代沿革以詔

考其得失又命陸佃張煥詳定是時林希字子中福州人同

知太常禮院皆預討論之數至元豐八年詔吏部郎中曾肇

禮部郎中林希兼著作職事官掌國史實錄編修歷日或問

所請後日承史筆者即前日承詔討論之臣指林希而言也

朱子謂所宜深探遺旨特書總序以昭示來世而略無一詞

以及之深以爲恨然愚謂在當時承詔考禮者有楊完撰進

宋郊廟禮文三十一卷其目見於晁氏讀書志惜其書不可

見矣或問謂南渡後故都淪沒權宜草制無復舊章則雖朝

廷之上禮官博士老師宿儒亦莫有能知其原者則楊完所撰在南渡後已無從而見之矣故朱子奏議云本朝廟制今日雖未及議尙期還於舊都考神宗之制而一新之以正干載之謬成一王之法使昭穆有序而祫享之禮行於室中則又善之大者也此朱子所以追咎於秉史筆者之無所紀錄歟然讀中庸或問者往往未有致意於此使往哲追咎之意千載不明故詳著其說以伸朱子之志云

陸氏所定昭穆之次又與前說不同而

張琥之議庶幾近之

箋山陰陸氏曰二昭三穆與太祖之廟而七其序如此所謂率親等而上者也

卽言土二廟亦可嫌於降殺以兩不完又曰昭穆者父子之號昭以明下爲義穆以恭上爲義方其爲父則稱昭取其昭以明下也方其爲子則稱穆取其穆以恭上也豈可謬哉張璪何洵直謂昭常爲昭穆常爲穆左者不可遷於右右者不可遷於左旣爲昭矣又有時而爲穆是亂昭穆之名此說非也苟爲昭者不復爲穆爲穆者不復爲昭則是昔嘗事父爲之子者今雖有子不得爲父苟復爲父則爲是亂父子之名可乎又曰太祖之廟百世不遷三昭三穆親盡則迭毀如周以后稷爲太祖王季爲昭文王爲穆武王爲昭成王爲穆康王爲昭昭王爲穆此七世也其後穆王入廟王季親盡而遷則文王宜自右而左居昭位武王宜自下而上居穆位成王昭王宜居昭位康王穆王宜居穆位所謂父昭子穆是也說

者或以左傳泰伯虞仲太王之昭號仲虢叔王季之穆管蔡
邠霍文之昭也邠晉應韓武之穆也又以書稱穆考文王乃
謂文王世次居穆武王世次居昭王季親近而遷則武王入
王季之廟爲昭文王仍爲穆康王入武王之廟爲昭成王仍
爲穆穆王入康王之廟爲昭昭王仍爲穆卽廟觀之是子復
爲昭父更爲穆尊卑失序亂昭穆非禮意竊以謂世次與廟
制不同世次無遷法而廟制親盡則移蓋周后稷至文武十
有六世此世次也世次無遷法故自不啻爲昭卽陶爲穆推
遷而下王季當昭次文王當穆次故左傳以世次推之則昭
生穆穆生昭而泰伯虞仲管蔡邠霍於周爲昭號仲虢叔邠
晉應韓於周爲穆杜預所謂以世次計故泰伯虞仲於周爲
昭是也王者世次雖歷無窮而廟事七世禮有毀迭如王季
親盡而遷則昭穆移易有如文王今弗與王季對而對武王
則父道在文王武王宜居穆廟成王今弗與武王對而對昭
王則父道在成王昭王宜居穆廟豈可不卽七廟不定昭穆
而欲從先儒遠攀世次文王廟常爲穆武王常爲昭乎蓋王
者廟事七世以事生之禮事之至其去祧爲壇爲墀則與事
生異矣故國語曰宗史書世宗祝書昭穆知廟次昭穆與世
次異矣且禮緣人情而作父昭子穆其亦何常之有對父則
身爲之穆對子則身爲之昭故周廟王季一遷則昔之右者
今左左者今右矣至於酒誥所謂穆考文王則如詩之昭考
烈考云爾或者又以檀弓云明日祔於祖父則孫從王父之

位亦卑壓尊何以無嫌竊以爲不然蓋祔廟與遷廟異故周
卒哭而祔練而後遷廟練與卒哭相去甚遠何以證遷廟之
法且穆王初祔未練則王季未遷昭穆未動與祖昭穆同班
則祔於康王之廟所謂祔於祖父也祔於祖父則非專其廟
而襲其處自無壓父之嫌禮曰君子抱孫不抱子以孫與祖
昭穆同如王季旣遷文王居昭成王昭王次焉武王居穆康
王穆王次焉所謂孫與祖昭穆同者也周官小宗伯旣掌辨
廟祧之昭穆異矣至於大禘遷廟之主陳於太祖未遷廟之
主皆升合食於太祖則自太祖以來祧主咸在其昭穆卽依世
次與七廟常祀昭穆不同故小史又曰大祭祀以書敘昭穆
之俎簋也說者以爲昭常爲昭穆常爲穆則王季雖遷而廟
中常祀尙用不窋以來世次則昭穆一定何必辨而敘之唯
其遷易不常故使辨而敘之也說者又謂劉歆曰孫居王父
之處正昭穆則孫常與祖相代此遷廟之殺也先儒以爲孫
從王父之位則是以爲孫居王父之處則非矣故記殤者從
祖祔食蓋王父在廟其孫從之非謂入其廟與祖相代者入
其廟而襲其處是不然也張純曰父子不並坐而孫從王父
此言祖孫可以並坐則知與遷法王父去祧係襲其廟異矣
且孫從王父之說本施於祔故禮曰從祖祔食至於迭遷則
王父去廟而孫襲王父之廟則祖自於彼孫自於此不得謂
之從也說者又謂廟次以子代父古無此禮亦已惑矣王藻

曰適子冠於阼以著代也以子代父理固然矣孰曰廟才不得以子代父乎儀禮將旦而祔此祔廟之法也非關遷廟也禮記祔葬者不筮宅祔必以其昭穆此祔葬之法也非關遷廟也又曰殯者從祖祔食此祔祭之法也非關遷廟也又曰殷朝而殯於祖此殯之法也非關遷廟也然則孫從王父皆以祔祖而言則與遷廟異明矣祭統曰昭穆者所以別父子遠近長幼親疏之序故有事於太廟則昭穆咸在而不失其倫若昭常爲昭穆常爲穆則子或壓父尊卑失序豈所謂不失其倫者邪已上皆陸氏說又張琥諸書中或稱張璪者吳郡張氏璪曰以周制言之王季爲昭文王爲穆武王爲昭成王爲穆則所謂父昭子穆也然則王季親盡其廟旣遷武王自右而上從王季之位而不嫌尊於文王何也蓋昭穆以定位也武王旣爲昭矣則其位在左自爲尊卑而無與於文王之穆也又四時常祀各於其廟不偶坐而相臨此其所以進居王季之位而不嫌尊於文王也及乎合食於太祖之廟則王季文王更無昭穆而世次雖遠不可謂無尊卑之序蓋禮有三本而祖者類之本故係常從祖而不從父所以不從父者不獨嚴重本之義亦嫌於代父也是以武王常從王季而爲昭成王常從文王而爲穆故廟制世次並行而不相害今若以王季親盡毀廟文王自右而左居昭位武王自下而上居穆位及合享之祭而又王復爲穆武王更爲昭則是一身旣爲昭矣又有時而爲穆旣爲穆矣復有時而爲昭不唯

亂昭穆之名又考之經傳無所據矣且生居處沒而殯葬以至耐祭入廟爲尸賜爵皆孫從祖而不從父所以昭穆常用世次奚至於廟次獨不然乎已上張氏

第二十章

唯沈氏

之說乃與地道敏樹之云者相應

箋按禮託集說新定顧氏曰蒲盧水草蒹葭之類易

生之物也夫子以蒲盧譬爲政之敏猶孟子以置郵傳命譬德之流行也愚按顧氏之說與沈說亦同竊詳以爲果贏

者蓋家語云夫政也者蒲盧也待化以成舊說必惑於待賈化之義而鄭氏有果贏土蜂變化之說而程子亦因之也賈

捐之所謂後宮盛色則賢者微

賈漢書本傳賈捐之字君房賈誼之曾孫也元帝初元元

年珠厓郡反發兵擊之諸縣更叛連年不定上與有司議大發軍捐之建議不當擊上使樂昌侯王商詰問捐之捐之對曰聖漢初興平定天下孝文皇帝閔中國未安偃武修文時有獻千里馬者不受當此之時逸遊之樂絕奇麗之賂塞鄭衛之倡微矣夫後宮盛色則賢者隱處伎人用事則諍臣杜口而文帝不行願遂棄珠厓上從之後以數短石顯棄市

愚所謂授節委積者比長遣人懷方氏掌之於經有明文

箋周

禮地官比長之職凡徙于國中及郊者則爲之旌節而行之遣人掌邦之委積有鄉里之委積門閭之委積郊里之委積

野鄙之委積縣都之委積鄭註少曰委多曰積夏官懷方氏掌求遠方之民而送逆之達之以節治其委積館舍飲食愚又按授節委積之詳秋官大行人小行人之職亦當兼考

第二十一章

以知語明以

行語誠爲得其訓乃顏子好學論中語

箋按論語哀公問弟子孰爲好學章註文

略引顏子所好何學論而通書後語亦略引之今全錄於此使學者讀之庶知顏子之所以好學者其理無越乎此矣程子文集論曰聖人之門其徒三千獨稱顏子爲好學夫詩書六藝三千子非不習而通也然則顏子所獨好者何學也學以至於聖人之道也聖人可學而至歟曰然學之爲道如何曰天地儲精得五行之秀者爲人其本也真而靜其未發也五性具焉曰仁義禮智信形既生矣外物觸其形而動於中矣其中動而七情出焉曰喜怒哀樂愛惡欲情既熾而益蕩其性鑿矣是故覺者約其情使合於中正其心養其性故曰性其情愚者則不知制之縱其情而至於邪僻梏其性而亡之故曰情其性凡學之道正其心養其性而已中正而誠則聖矣君子之道必先明諸心知所養養一作往然後力行以求至所謂自明而誠也故學必盡其心盡其心則知其性反而誠之聖人也故洪範曰思曰睿睿作聖誠之道在乎信道篤信道篤則行之果行之果則守之固仁義忠信不離乎心造次必於是顛沛必於是出處語默必於是久而

弗失則居之安動容周旋中禮而邪僻之心無自生矣故顏
子所事則曰非禮勿視非禮勿聽非禮勿言非禮勿動仲尼
稱之則曰得一善則拳拳服膺而弗失之矣又曰不遷怒不
貳過有不善未嘗不知知之未嘗復行也此其好之篤學之
之道也視聽言動皆禮矣所異於聖人者蓋聖人則不思而
得不勉而中從容中道顏子則必思而後得必勉而後中故
曰顏子之與聖人相去一息孟子曰充實而有光輝之謂大
大而化之之謂聖聖而不可知之謂神顏子之德可謂充實
而有光輝矣所未至者守之也非化之也以其好學之心假
之以年則不日而化矣故仲尼曰不幸短命死矣蓋傷其不
得至於聖人也所謂化之者入於神而自然不思而得不勉
而中之謂也孔子曰七十而從心所欲不踰矩是也或曰聖
人生而知之也今謂可學而至其有稽乎曰然孟子曰堯舜
性之湯武反之也性之者生而知之者也反之者學而知之
者也又曰孔子則生而知之也孟子則學而知之也後人不
達以謂聖本生知非學可至而爲學之道遂失不求諸已而
求諸外以博聞強記巧文麗辭爲工然其言

第二十三章

且以養由基爲說

箋此蓋喻致曲之意就一事上用志者
養由基蓋楚共王時善射者左傳成公

十六年楚子與晉戰潘廐之黨與養由基蹲甲而射之徹七
札焉言其能射穿七重甲也晉呂錡射中共王之目王召養

由基與之兩矢使射呂錡中其項以矢復命

第二十八章

周人尚輿而制作之

法頒於冬官

箋周禮冬官有虞氏上陶夏后氏上匠般人上梓周人上輿故一器而工聚焉者車爲多愚

按冬官其工有輪人爲輪輪人爲蓋輿人爲車輅人爲輅車人爲車之等外史掌達書名於四方

而大行人之法則又每九歲而一諭焉

箋周禮春官有太史掌邦之六典小史掌

邦國之制內史掌王之八枋之灋外史掌書外令掌四方之志掌三皇五帝之書掌達書名於四方註云書若堯典禹貢

達此名使知之或曰古曰名今日字使四方知書之文字得能讀之大行人王之所以撫邦國諸侯者歲徧存三歲徧類

五歲徧省七歲屬象胥論言語協辭命九歲屬瞽史協書名聽聲音註存類省者王使臣於諸侯之禮屬猶聚也象胥譯

官胥音醕謂象胥之有才智者也

秦滅六國然後車以六尺爲度書以小篆

隸書爲法

箋史始皇紀始皇因齊人奏上鄒衍論著五德之運以周得火德秦代周從所不勝爲水德水六數

衣服旌旄節旗皆上黑數以六爲紀符法冠皆六寸而輿六尺六尺爲步乘六馬車同軌書同文字周禮保氏六書註云

象形會意轉註指事假借諧聲此古書法也周宣王時太史史籀作大篆與古文小異後人名曰籀文秦丞相李斯增損

大篆異同而爲小篆亦曰秦篆古文可爲上古大篆爲中古
小篆爲下古隸書者秦下邳人程邈所作也邈得罪雲陽獄
中覃思十年益小篆方圓而爲隸書三千字奏之始皇用以
爲隸人佐書故曰隸書已上所引出書斷又按法書苑云邱
光遲以隸書亦興於周代謂亥有二首六身
如布算之狀按此亥文則春秋已有隸書矣
第三十章 古

先聖王之所以迎日推筴

箋史黃帝紀獲寶鼎迎日推筴註
昔黃帝得寶鼎神策故下文云於

是迎日推筴也神策乃神著也黃帝得神著遂因以推算歷
數於是乃逆知節氣與日辰之將來而推之故曰推筴迎日
也又曰日月朔望未來
而推之故曰迎日也
卒章 其曰不顯亦充尙絅之心以

至其極耳與詩之訓義不同蓋亦假借而言若大學敬止之

例也

箋按衛國風碩人篇云碩人其頤衣錦褰衣碩人指衛
莊姜朱子傳云錦衣而加褰焉謂其文之大著也如鄭

之丰詩則曰衣錦褰衣裳錦褰裳又曰裳錦褰裳衣錦褰衣
朱傳云婦人自言我之服飾旣盛備矣豈無駕車以迎我而
偕行者乎蓋淫奔之詩此則訓義不同而非惡其文之著者
故謂中庸假借而言詩大雅文王之篇於緝熙敬止朱傳以
止爲助語辭今大學以爲安所止與止於至善
皆假借也大抵庸學孟子引詩多假借之例
君子篤恭而

天下平其所以平者無聲無臭之可等此至誠盛德之效而

中庸之極功也

箋朱子格言先生云雖是無聲無臭其闔闢變化之體則謂之易所以能變化闔闢則謂

之道其功用著見處則謂之神此皆就天上說及說到其命于人則謂之性率性則謂之道修道則謂之教此是就人身上說上下如此說得子細可謂盡矣故說神如在其上如在其左右此又是此理顯著之迹看甚大事小事都離這箇不得上而天地鬼神離這箇不得下而萬物陳了翁序文之誤萬事都不出此故曰徹上徹下不過如此

箋第一章或問中云所謂改本則陳忠肅公所謂程氏明道夫子之言而爲之序者愚按此說卽所謂陳了翁序文之誤者蓋陳忠肅公未知程子舊本而於改本爲之序也

中庸或問箋義卷二終

中庸註疏纂要卷三

鄭氏註 孔穎達疏 陸德明釋文

天命之謂性

木神則仁金神則義火神則禮水神則信土神則知疏春爲木春主施生仁亦主施生秋爲金

金主嚴殺義亦主果敢斷決夏爲火火主照物而有分別禮亦主分別云水神則信冬主閉藏充實不虛水有內明不欺

於物信亦不虛諄也云土神則知者金木水火土無所不載土所含義者多知亦含者衆故云土神則知性之於情猶波

之與水靜時是水動則是波靜時是性動則是情性之與情似金與銀印銀印之用非金亦因金而有銀印情之所用非

性亦因性而有情則性者靜情者動故樂記云戒慎恐懼小人生而靜天之性也感於物而動性之欲也

戒慎恐懼人

閒居爲不善無所不至也君子則不然雖視之無形聽之無聲猶戒慎恐懼自修正是其不須史離道疏君子行道先慮

其微若微能先慮則必合於道故君子常戒慎於其所不睹之處恐懼乎其所以不聞者言君子常恐迫畏懼於不聞之處

言雖耳不聞恒懷恐懼之不昭不聞也慎其獨慎其獨者慎其閒猶須慎懼況睹聞之處恐懼可知也

慎其獨

慎其獨者慎其閒

於隱幽動作言語自以爲不見睹不見聞則必肆盡其情也若有佔聽之者是爲顯見甚於衆人之中爲之疏言凡在衆

人之中猶知所畏及至幽隱之處謂人不見便即恣情人皆
佔聽察其罪狀甚於衆人之中所以恒須慎懼隱微之處恐
其罪惡章顯故君子恒慎
鮮能知味也
疏按異議云張華辨
作師曠別薪苻朗爲

其獨居能謹慎守道也
青州刺史善能知味食鷄知棲牛
其斯以爲舜乎
其德如此
乃號爲舜

露食鵲知其黑白此皆晉書文也
舜之言充也疏案謚法云受禪成功曰舜又曰仁
衽金革
北

義盛明曰舜皆是道德充滿之意故言舜爲充也
方沙漠之地其地多陰陰氣堅急故人性剛猛恒好鬪爭故
以甲鎧爲席寢宿於中至死不厭唯云南北而不及東西者

鄭冲云是必南北互舉蓋
與東西俗同故不言也
造端乎夫婦
造在
老反
莫能破焉
疏事
既纖

細天下之人无能分破之者
言事似秋毫不可分破也
鳶飛戾天
疏詩本文云鳶飛戾
天喻惡人遠去魚躍

於淵喻善人得所此引
斷章故與詩義不同也
道不遠人
疏中庸之道去人不遠但
行於已則外能及物人所

能行則已所行可以爲道若違禮離道則不可施於已又不
可施於人則非道也故云人之爲道而遠人不可以爲道也

伐柯伐柯
疏此
詩周禮云柯長三尺傅三寸
忠恕違道不遠
疏

者內盡於心恕
者外不欺於物
胡不慥慥爾
慥慥守實言
行相應之貌
失諸正鵠
畫布曰
正棲皮

曰鵠正鵠皆鳥名也一日正正也鵠直也大射則張皮侯而棲鵠賓射則張布侯而設正也

和樂且耽

情疏

意和樂且復耽之耽

樂爾妻帑

疏古者謂子孫為帑故甘誓云予則帑戮汝於人則妻子

為帑於鳥則鳥尾為帑

神之格思

疏此大雅抑之篇刺厲王左傳云以害鳥帑是也神之詩詩人刺時人祭祀解

怠記者引詩明鬼神之所尊敬也

誠之不可揜

言神無形而著不言而誠疏此一節明鬼神之道無形而

能顯著誠信中庸之道與鬼神相似以能生萬物也案彼註

木火之神生物金水之鬼終物彼以春夏對秋冬故以春夏

生物秋冬終物其實鬼神皆能生物終物也故此云體物而

不可遺此雖說陰陽鬼神人之鬼神亦附陰陽之鬼神故此

云齋明盛服以承祭

子孫保之

疏師說云舜禪於禹何言保祀是兼人之鬼神也者此子孫承祭祀故云保周

時陳國是

舜之後

栽者培之

社栽猶植也草木之植曰栽

憲憲令德

疏按詩本文憲憲為顯顯

與此不同者齊魯韓詩與毛詩不同故也

父作子述

疏堯舜之父子則有凶頑禹湯之父子則寡令聞父子相

成惟有**追王太王王季**追王者以王迹起焉先公組紺以上至后稷組紺太王父亦曰諸整蓋音置留反以上時掌反疏周本紀云亞圉雲都生太公組紺諸整公卒子古公亶父立又世本云亞圉雲都生太公組紺諸整

則叔類組紺諸
蓋是一人也

期之喪達乎大夫三年之喪達乎天子父母

之喪無貴賤一也

者期之喪達乎大夫者謂旁親所降在大功者其正統之期天子諸侯猶不降也大夫

所降天子諸侯絕之不爲服所不臣乃服之也疏期之喪達乎大夫者欲見大夫之尊猶有期喪謂旁親所降在大功者得爲期喪還著大功之服故云達乎大夫若天子諸侯旁親之喪則不爲服也三年之喪達乎天子者言天子皆服之不云父母而云三年者包適子也天子爲后服期三年包之者以后卒必待三年然後娶故通在三年之中是以昭公十五年左傳云穆后崩太子壽卒叔向云王一歲而有三年之喪二焉是包后爲三年也直云達乎天子不云諸侯旁親尊同則不降故喪服大功章云諸侯爲姑姊妹嫁於國君者是也唯父母之喪無問天子及士庶人其服並同故云無貴賤一也此一段集註中間中庸云三年之喪又云父母之喪呂氏却作兩段先生謂呂氏所以如此說者蓋是取左氏載周穆后薨太子壽卒之說先生意不取今詳之則呂氏亦是本註疏說故錄之以備參考

序事辨賢疏若奉牛司馬奉羊宗伯共雞在下位不獲乎上民不可得而治是分別賢能堪任其官也

達道五行之者三疏若行五道必須三德矣此句其屬在下著脫誤重在此

不能安其事無
勇不能果其行
博學之審問之慎思之明辨之篤行之果能

此道矣雖愚必明雖柔必強

此勸人學誠其身也

變則化

註變之久則化而性善也

疏初漸謂之變變時新舊兩體俱有變盡舊體而有新體謂之化如月令鳩化為鷹是為鷹之時非復鳩也

國家

將興必有禎祥國家將亡必有妖孽

左傳云地反物為妖說文作孽云衣服歌謠草

木之怪謂之妖孽說文作蠶云禽獸蟲蝗之怪謂之蠶疏按周語云幽王二年三川皆震伯陽父曰周將亡矣昔伊洛竭

而夏亡河竭而商亡又周惠王十五年有神降于莘莘號國地名周惠王問內史過史過對曰夏之興也祝融降于崇山

其亡也回祿信于聆隧商之興也禘机次于丕山其亡也夷羊在牧周之興也鶯鶯鳴于岐山其衰也杜伯射宣王於鎬

今號多涼德號必亡也

性之德也

疏誠者是人五性之德則仁義禮智信皆由至誠而為德故云性之德也

故至誠無息不息則久久則徵徵則悠遠悠遠則博厚博厚

則高明

註此言至誠之德既著於四方其高厚曰以廣大也

天地之道博也厚也高也明

也悠也久也

疏上經悠遠悠久在博厚高明之上此經悠久在博厚高明之下上經欲明積漸先悠久後能

博厚高明此經既能博厚高明又須行之悠久故反覆言之

蓋曰天之所以爲天也蓋曰

文王之所以爲文也

疏二語皆是孔子之言解詩之文

故曰苟不至德

疏古

有其文故引古語證之

杞不足徵也

疏論語宋不足徵也此云杞不足徵即宋亦不足徵此云有宋存焉

則杞亦存焉互文見義

吾從周

疏案趙商問孔子吾學周禮今用之吾從周禮弓云今邱也殷人也兩禮與

哭師之處皆取法於殷禮何也鄭答之曰今用之者魯與諸侯皆用周之禮法非專自施於已在宋冠章甫之冠在魯衣

縫掖之衣何必純用之吾從周者言周禮法最備也如鄭所言諸侯禮法則從周身之所行雜用殷禮

建諸天

地質諸鬼神

易曰故知鬼神之居狀與天地相似聖人則之百世同道疏此鬼神是陰陽七八九六之鬼神

生成萬物者此是天地之所爲

在彼無惡云云

疏此引周頌振鷺之篇言微子來朝身有美德在彼宋國

之內民無惡之在此來朝人無厭倦故無義斌夜以永終譽言君子之德亦能如此故引詩以結成之

尚綱

詩衛風碩人之篇言莊姜初嫁在途衣著錦衣爲其文之大著尚著綱綱加於錦上綱單縠也詩本文衣錦褻衣此云尚

綱者斷截詩文也又俗本衣錦褻裳

終

論孟集義序

文公大全集有論孟集義序一篇而纂疏不刊今揭諸
論語之前庶與中庸大學序爲一家不啻如泉阿之始
合也

論孟之書學者所以求道之至要古今爲之說者蓋已百有
餘家然自秦漢以來儒者類皆不足以與聞斯道之傳其溺
於卑近者既得其言而不得其義其驚於高遠者則又支離
踳駁或乃并其言而失之學者益以病焉宋興百年河洛之
間有二程先生者出然後斯道之傳有繼其於孔子孟氏之
心蓋異世而同符也故其所以發明二書之說言雖近而索
之無窮指雖遠而操之有要使夫讀者非徒可以得其言而

又可得其意非徒可以得其意而又可以并其所以進於此

者而得一其所以興起斯文開悟後學可謂至矣閒嘗蒐輯

條疏以附於本章之次既又取夫學之有同於先生者與其

有得於先生者若橫渠張公若范氏名祖禹字淳夫二呂氏希哲字原明大

臨字顯道謝氏良佐字游氏酢字定夫楊氏時字中立侯氏仲良字師聖尹氏焯

明彥凡九家之說以附益之名曰論孟集義以備觀省而同志

之士有欲從事於此者亦不隱焉抑嘗論之論語之書無所

不包而其所以示人者莫非操存涵養之要七篇之指無所

不究而其所以示人者類皆體驗充擴之端夫聖賢之分其

不同固如此然而體用一源也顯微無間也是則非夫先生

之學之至其孰能知之嗚呼茲其所以奮乎百世絕學之後

而獨得夫千載不傳之傳也歟若張公之於先生

如橫渠之於二程

論其所至竊意其猶伯夷伊尹之於孔子而一時及門之士考其言行則又未知其孰可以爲孔氏之顏曾今錄其言非敢以爲無少異於先生而悉合乎聖賢之意亦曰大者旣同則其淺深疎密毫釐之間正學者所宜盡心耳至於近歲以來學於先生之門人者又或出其書焉則意其源遠末分醇醪異味而不敢載矣或曰凡說之行於世而不列於此者皆無取已乎曰不然也漢魏諸儒正音讀通訓詁考制度辨名物其功博矣學者苟不先涉其流則亦何以用力於此而近世一二名家與夫所謂學於先生之門人者其考證推說亦或時有補於文義之間學者有得於此而後觀焉則亦何適

而無得哉特以求夫聖賢之意者則在此而不在彼爾若夫外自託於程氏而竊其近似之言以文其異端之說者則誠不可以入於學者之心然以其荒幻浮夸足以欺世也而流俗頗已歸鄉之矣其爲害豈淺淺哉顧其語言氣象之間則實有不難辨者學者誠用力於此書而有得焉則於其言雖欲讀之亦且有所不暇矣然則是書之作其率爾之謂雖不敢辭至於明聖傳之統采衆說之長折流俗之謬則竊亦妄意其庶幾焉乾道壬辰新安朱熹序

論語集註箋義卷之一

學而第一

朱子集註

論語本無篇名每篇之中章自爲指如學而述而子罕
二字本無文義但欲摘篇首二字以冠之然非足以包
一篇之義蓋後之講師以簡策繁多欲習之便故因其
科節以爲號耳

時習章

學之爲言效也

箋韻釋效學也象也效亦作斆古學字從文故謂學爲效又學記學

學半上音效文王世子春夏學干戈秋冬學羽籥學皆音效

習者如鳥數飛

箋習字從羽故謂如鳥數

飛取許慎說文之義或問中云鷹乃學習是也者月令季夏之時二陰既起廣感陰氣乃有殺心學習擊搏之事

習

重習也

箋此取易卦習坎之義坎下坎上故云習坎卦辭云有孚維心亨朱子本義云習重習也坎險陷也且以

看文字一節論之如到那一處見這說好見那說又如此有礙如彼又不通便是險阻處到這裏須討一路去方透便是習坎心亨愚謂程子云時復思繹浹洽於中則說此卽習坎有孚維心亨之義又坎之象曰君子以常德行習教事本義云治已治人皆必重習然後熟而安之詳此意則所謂以善及人信從者衆卽治已治人熟而安之也

坐如尸

箋古者祭必設尸祭男則男尸祭女則女尸皆服卒者之上服不用賤者祭成喪者必有尸尸必用孫孫幼則使人抱之無孫則取於同姓成喪者謂成人有子孫其筮尸迎尸妥尸酌尸尸謏餞尸等禮備見儀禮如祭神祭山川皆有尸儀禮周公祭泰山以召公爲尸坐如尸立如齊乃曲禮文註云坐如尸視貌正立如齊磬且聽也疏云按士虞禮云無尸者主人哭出復位祝闔牖戶如食間是祭時主

君子者成德之名

人有聽法云磬者謂屈身如磬之折殺也箋乾卦文言君子以成德爲行曰可見之行也朱子本義成德成已之德也禮記哀公問篇君子也者人之成名也論語首言學之一字而終則歸之君子按楊

有子曰章 謙退不

敢質言也

箋毛晃韻質之訓義不一此則訓爲正也主也言有子不敢自主爲是而正言之故設爲疑辭也

吾日三省章

曾子孔子弟子

箋史記仲尼弟子傳曾子名參字子與毛晃韻二十二

參韻註曾參字子輿參取參乘之義謝氏曰諸子之學皆出

於聖人其後愈遠而愈失其真獨曾子之學專用心於內觀

於子思孟子可見矣

箋按謝氏之說大義本韓愈送王秀才序云子夏之學其後有田子方之學其

後流而爲莊周故周之書喜稱子方之爲人此卽所謂愈遠而愈失其真者又云孟軻師子思子思之學出於曾子自孔子歿羣弟子莫不有書獨孟軻氏之傳得其宗此卽所謂觀于子思孟子可見矣

道千乘之國章

語錄千乘之國據司馬法

周司馬法本太宗李衛公問答云

仲復修太公之法謂之節制之師故漢書志曰殷周立司馬之官設六軍之衆師古曰司馬夏官卿專掌邦政軍旅屬焉因井田而制田賦纂疏引司馬法及王制周禮之不同今按傳寅羣書百考所載兵車士卒之圖云司馬法六尺爲步步百爲畝者按王制古者以周尺八尺爲步也西漢刑法志以一同百乘爲采地之大爲百乘之家殊不知一同之賦實千乘百乘者供王之數也又士卒七十五人惟言輕車而不知有重車又小司徒井牧田野之圖云小司徒乃經土地而井牧其田野九夫爲井四井爲邑四邑爲邱四邱爲甸一成之地百井甸六十四井五百七十六夫家受一夫是謂井其田

甸外三十六井三百二十四夫有萊者分受之大司徒不易之地止百畝而遂人上地有萊五十畝是謂牧其野以司馬法考之一成三百家蓋舉受萊者言之也今以五百七十六家除三百家爲受萊之家外餘二百七十六家則地之上上計之中地家百畝假如百五十八家受中地則其萊百五十八夫下地家二百畝假如七十家受下地則其萊一百四十夫以三百二十四夫除去中地之地數尙餘二十六夫三百家除去中地之地數尙餘七十二家分受二十六夫上中之地家二十五畝四家通受一夫四十家爲十夫二十六夫除十夫尙餘一十六夫七十二家除去四十家尙餘三十二家上下之地家五十畝爲半夫以三十二家分受一十六夫無餘地司馬法之與周禮相表裏如此又羣書百考云咸問包氏說論語道千乘之國者百里之國也古者井田方里爲井十井爲乘百里之國適千乘也其說亦可據乎曰此正與周禮四兩爲卒合與詩之采芑其車三千合與春秋傳田一成衆一旅合曷爲而不足據乎曰敢問其爲周禮等書合何也曰一成百井之地也十井爲乘百井則十乘十乘者輕車重車各五乘也輕車五乘計三百七十五人重車五乘計一百二十五人共五百人爲一旅一旅而十乘積而至于萬二千五百人之軍則二百五十乘六鄉六遂十二軍則三千乘三千乘者十井爲乘之積也是不與詩合乎苟非十井爲乘一成安得有一旅之賦是不與春秋傳合乎四兩爲卒一

族之法也輕重車相比自成一隊猶一家然不可以相經也
十井爲乘二十井二乘族師所謂合其卒伍是也是不與周
禮合乎吾是以信之也或問西漢刑法志言一同百里提封
萬井除山川沈斥城池邑居園畝道路三千六百井定出賦
六千四百井其說亦可據乎曰此卽小司徒井牧之法也一
成百井六十四井爲甸三十六井爲牧積而上之至於一同
其數悉如刑法志所言但一同百成計萬井三分去一是爲
名山六百里其地亦甚廣矣豈皆山川道路之地乎王制言
占地亦不多而況山之可田者以藝黍稷菽麥正遂人所謂
下地也班氏以三分去一悉爲山川衛路之類則百里之內
無萊矣是豈通說乎又按羣書百考云車法一乘甲士三人
步卒七十二人者甲士三人立車上餘七十二人分爲三隊
前拒二十四人左角二十四人右角二十四人皆行地上謂
之步卒也杜氏解左傳先偏後伍伍承彌縫謂以伍承偏之
隙而彌縫闕漏者誤也蓋七十二人爲左右角及前拒如此
又焉用五人之伍彌縫其闕哉彼所謂伍者乃司馬法二十
五乘爲偏百二十乘爲伍也其說見傳寅左氏車制序及圖
載不

易曰節以制度

變本義節有限而止也爲卦下兌上坎

陽各半而一五皆陽故其占得亨象曰節以制度不傷財不
害民本義二聖人因天地四時自然之節而節之如修道之

謂教天秩有禮之類皆是法天自然古疏云天地以氣序賢為節則四時功成王者以制度為節則不傷財不害民也

賢易色章

吳氏曰

箋按子夏此章及大德不踰閑一章吳氏皆言其不能無弊

慎終追

遠章

或問云蘇氏曰略於喪祭則背死忘生者衆而俗薄

矣

箋禮記經解云喪祭之禮廢則臣子之恩薄而倍死忘生者衆矣

子禽問於子貢章

今

去聖人千五百年

箋按紫陽格言宋慶元丁巳是年正月文公于藏書閣下東楹上書云周敬王四十年

一年王戊孔子卒至宋慶元三年丁巳一千六百七十六年

父在觀其志章

或問如元

祐欲改新法

箋宋仁宗時王安石知制誥神宗時為相建議講行新法創置三司條例司以青苗免役錢鹽

動天下舊宗元祐元年司馬公相議者或謂三年無改父道新法姑改其甚者足矣光日先帝之法善者雖百世不變若

安石呂惠卿等所建禮之用章

天理節文人事儀則

箋禮

記禮者因人情而為之節文以為

禮勝則離樂勝則流

箋樂

禮勝則離樂勝則流合

信近於義章

義者事之宜

箋記祭

者宜此者也揚子重黎篇問義曰事得其宜之謂義原道行而宜之之謂義宣公二十五年傳晉解揚曰信載義而行之

義無二信義無二信**食無求飽章**如楊墨學仁義而差者也箋史記墨翟宋

之大夫善守禦爲節用或曰並孔子時或曰在其後索隱云墨子書有文子文子子夏弟子問于墨子云云如此則墨子

在七十二子之後楊朱見於莊子列子二書老子弟子也與梁惠王同時列子載楊朱曰伯成子高不以一毫利物舍國

而隱耕古之人損一毫利天下不與也人人不損一毫不利天下天下治矣禽子問楊朱曰去子體之一毛以濟一世汝

爲之乎楊子曰世固非一毛之可濟禽子曰假濟爲之乎楊朱弗應禽子出語孟孫陽陽曰有侵若肌膚獲萬金者若爲

之乎曰爲之曰有斷若一節得一國子爲之乎禽子默然陽日積一毛以成肌膚積肌膚以成一國子爲之乎固一體萬分中

之一物柰何輕之觀此則孟氏之言可證矣漢藝文志墨家者流有隨巢子六篇胡非子三篇皆云墨翟弟子也今二書

不復存焉馬總意林所述各有一卷隨巢子之言曰大聖之行兼愛萬民疎而不絕賢者欣之不肖者憐之賢而不欣是

賤德也不肖不憐是忍人也又有鬼神賢於聖人之論其於兼愛明鬼爲墨之徒可知矣墨翟則有書其弊見于孔叢子

楊朱無書其病見於列子已上出容齋五筆**貧而無諂章**子貢貨殖蓋先貧而

後富

箋家語子貢好廢舉與時轉貨財廢舉謂停財也嘗相

賜最爲饒益所至國君無不與之分庭抗禮又莊子子貢往見原憲乘大馬中紺表素軒車不容巷此皆富之證也既

切而復磋之既琢而復磨之

箋兩雅釋器云金謂之鏤木謂之琢石謂之磨

謂之琢石

附錄

子曰

唐孔氏曰子者有德之稱

巧言令色

皇陶漢巧言令色孔氏註云巧

其言善其色乃大色外飾而無質實者也夫子既言巧言令色鮮仁又言巧言令色足恭巧言亂德詩云巧言如簧若詩

言仲山甫令儀令色此乃有德之容至若色厲內荏則色厲者雖令色之反而內

荏者乃巧令之尤

千乘之國

馬融註本周禮包氏註本禮記王制二者不能同也舊有

答井田策云謂王制司馬法與周禮所載地理之廣狹夫家之多寡有所不同參之司馬法約之周禮則地理無廣狹之

不同夫家無多寡之相異謂王制百里之地太狹者不知集以縱橫之法也謂司馬之賦不合乎井田者不知軍賦之異

于田賦也謂周禮地之太廣者誤以軍賦爲田賦而準其地也。以是三者而要其終則地里無廣狹之不同。夫家無多寡之相異而軍賦井田亦可合矣。王制以方一里者爲田九百畝。以古者侯國百里出兵車千乘。百里而千乘是一里而十乘。固不可行也。借曰開方一里而開方不過四里。是百里而開方不過四百里也。以四百里之三千六百夫而欲出千乘之賦。是三十六夫而出車十乘也。三十六夫而十乘誠不可行矣。然吾所謂開方者乃縱橫之法而非此之謂也。蓋古者侯國方百里則縱橫各百里也。以縱橫各百里計之則方百里之中爲方一里者凡一萬縱橫百里爲一萬是一里而當百里百里而當萬里也。以一里而九夫則萬里而九萬夫以萬里而九萬夫計之則是十里而一乘萬里而十乘也。吾但見其廣未見其狹也。然而千乘之賦猶不待乎萬里而後出也。所謂萬里者特舉其成數爾。何以知之。曰以井法知之。井田之法方千里者積百同方百同者積萬井。萬井之中九萬夫之地也。然有山林麓畎澮溝瀆城郭宮室塗巷當其三分之一則所存者六千六百六十井爲六萬夫之地而已。然千乘之賦猶不待乎六千六百六十井而後辦也。大司徒曰不易之地家百畝一易之地家二百畝再易之地家三百畝。由是言之。一夫百畝不易之地家二百畝再易之地家三百畝。有一易再易之地與官牛牧賈之田復當其三分之一。是所存者三千三百三十餘里爲之萬夫常受之田而已。則是方

百里之國止平三萬夫而出車千乘是三十夫而出車一乘亦未見其爲狹也此所以謂以千乘之地爲狹者不如準之以縱橫之法而又不如此乃田賦而非軍賦也田賦之說大意本王制疏文謂司馬法之太廣者步百爲畝畝百爲夫夫三爲屋屋三爲井井十爲通通十爲成成則百井之地也百井之中三百家出車一乘甲士三人徒七十二人等之王制皆百井之地也而井田百井則十乘司馬法之百井則一乘井田之法一乘則三十家而司馬法之一乘則三百家以三十較三百則既有十倍之增是百里之三萬家者僅足以辦百乘之賦也而所餘九百乘者無地以出之矣蓋常考之則知百里之地三萬家而爲田賦之千乘者固自若也特司馬之法欲寬民力每調發之時十分取一故于田賦千乘之中調其百乘而已於百里三萬家之中而調百乘是三百家而一乘也蓋三十家而一乘者田賦三百家而一乘者軍賦也軍賦之制八家爲井四井爲邑一邑四井凡三十二家四邑爲邱邱十六里凡百二十八家四邱爲甸甸六十四里凡五百一十二家由是言之則五百一十二家爲甸甸而謂之三百家者何也蓋軍賦之制每乘七十五人於六十四里五百一十二家之內大約七家而賦一人是五百一十二家而得七十五人也然而曰三百家一乘者非截然以三百家而供一乘蓋調發之際于五百一十二家之內每十七家而遣一人則五百一十二家之內當調發止三十人而七十五人爲乘

者不盡發也所謂三十人者卽司馬所謂三百家革車一乘
士十人徒二十人者是也止於三十人而言三百家一乘者
蓋一乘之中一人行而十家資也則行者三十人而三百被
其征調餘二百一十二家者又以須在後之調發也故三百
家而一乘是三萬家而千乘以三百家之內一調而三十人
是三百人者十調而一遍於千乘之中一調而百乘是千乘
者六十調而一遍凡所以然者欲均勞逸而休民力非如春
秋之世日事戰爭不念民力必百里調千乘而盡發其父子
兄弟足其數也此所以謂以司馬之賦不合乎井田者不知
軍賦之異乎田賦也若夫馬牛器械因田賦之所出而供給
糴糗又有遺人掌之則官給之矣故馬氏包氏之說不同者
馬氏言者軍賦而包氏言者田賦也合是三者而論之則百

里之地其爲三萬家則一

慎終追遠

輔氏曰自殯至葬凡附

豈有廣狹衆寡之不同哉

勿至有悔焉按檀弓云子思曰喪三日而殯凡附於身者必

誠必信勿之有悔焉耳矣三月而葬凡附於棺者必誠必信

勿之有悔焉耳矣

三年無改於父之道

父統云土庶人有善則本諸

則稱已則民作孝矣太誓曰子克紂非予武惟朕文考無罪
紂克予非朕文考有罪惟予小子無良子曰君子施其親之
過而敬其美語曰三年無改於父之道可謂孝矣注云不以
已善駁親之過春秋書毀泉臺譏暴揚先祖之惡故漢元帝

時杜欽上書追訟馮奉世前破莎車功上以先帝時事不復錄荀悅曰春秋之義毀泉臺則惡之舍中軍則喜之各由其宜可

貧而無諂

坊記子云貧而好樂富而好禮衆而以寧者也天下其幾矣曲禮曰富貴而好禮則不驕而

不淫貧賤而好禮則志不懼

論語註疏纂要

序解

疏按漢書藝文志云論語者孔子應答弟子時人及弟子相與言而接聞于夫子之語也當時弟子各有所記

夫子既卒門人相與輯而論纂故謂之論語漢興傳者有三家魯論者魯人所傳即今所行篇次是也齊論者齊人所傳

古論語者出于孔氏壁中

敘曰漢中壘校尉

傳之

按漢百官公卿表云中壘校尉掌北軍壘

門之內而又外掌西域劉向字子政本名更生成帝即位改名向表又云太子太傳古官秩二千石夏侯勝字長公東平

人宣帝時勝以尚書授太后九十卒太后賜錢三百萬爲勝素服五日以報師傅之恩時人榮之表又云前後左右將軍

皆周末官秦因之位上卿金印紫綬漢不常置或有前後或有左右皆掌兵蕭望之字長倩東海蘭陵人宣帝寢疾引至

禁中拜前將軍元帝即位爲左丞恭石顯所害飲鴆自殺長子偃嗣爲關內侯韋賢字長儒魯國鄒縣人號稱鄒魯大儒宣

帝本始三年代蔡義爲丞相地節三年致仕丞相致仕自賢
始年八十二薨諡曰節侯少子元成字少翁復以明經至丞

相建昭三年琅瑯王卿至教授疏王卿天漢元年由濟南太
薨諡曰共侯

蓋古謂有德者也王吉字子陽琅瑯魯共王疏魯共王名餘
臯虞人也此三人皆以齊論教授者

生先封淮陽王後徙古文論語疏古文者科斗書也所謂倉
王魯二十八年薨

團圓似水蟲之科分堯曰下章疏如淳曰分堯曰篇後子張
斗故曰科斗也

名曰從政其篇次又不與齊魯安昌侯張禹疏張禹字子文
同新論云文異者四百餘字

卽位代王商爲相建平二年薨諡節侯諸儒語曰欲不爲論
念張文由是學者多從張氏餘家浸微是其爲世所貴之事

包氏周氏疏後漢儒林傳云包咸字子良會稽曲阿人永平
五年遷大鴻臚周氏不許何人二氏就張侯論爲

之章句博士孔安國至馬融疏史記世家安國孔子十一世
訓解

風茂陵人爲人美辭貌有俊才漢末大司農鄭元疏鄭元字
年八十八延壽九年卒于家

高密縣人師事馬融當後漢桓靈時故云漢末註易尙書三
禮論語尙書大傳五經緯候箋毛詩作毛詩譜破許慎五經

異義針何休左氏膏肓發公羊
墨守起穀梁廢疾可謂大儒矣
近故司空陳羣至義說疏此
時註說論語之人陳羣字長文
穎川許昌人青龍四年薨王
肅字子邕東海蘭陵人甘露元
年薨註尚書禮喪服論語孔
子家語述毛詩註作聖證論難
鄭今集諸家之善至集解疏
元周生烈燉煌人字文逸本姓
唐謂何晏時諸家謂孔安國包咸
周氏馬融鄭元陳羣王肅周
生烈也如註言包曰馬曰之類
下言一曰者皆是何氏自下
已意改易先儒者也正始中
光祿大夫至何晏等上疏此叙
上之盛行於世今以為主焉
同集解
之人也孫邕字宗雋樂安青州
人也晉書鄭冲字文和榮陽
開封人也曹義沛國譙人魏宗
室曹爽之弟荀頴字景倩荀
或之子詵之弟也駙馬都尉掌
駙馬武帝初置秩比二千石
駙副也非正駕車皆為副馬一
曰駙近也疾也何晏字平叔
南陽宛人也何進之孫咸之子
曹爽秉政以晏為尚
書又尚公主正始中此五人共
上此論語集解也

學而第一

何晏集解

邢昺疏

子曰

子者古人稱師曰子亦有德之通稱

不亦君子乎

疏言誠君子也

千乘之國

註司馬法

云云此投已載在集成史記齊景公時有司馬田穰苴善用兵周禮司馬掌征伐六國時齊威王使大夫追論古者兵法附穰苴于其中凡一百五十篇號曰司馬法此六尺曰步至成出革車一乘皆彼文也註融依周禮包依王制孟子疏馬融依周禮大司徒文諸公之地方五百里侯四百里以下也包依王制云凡四海之內九州州方千里州建百里之國三十七十之國六十五之國百有二十几二百一十國也包氏據此以爲大國不過百里不信周禮有方五百四十里之封也兩存其義者以周禮周公致使民以時疏莊二十太平之書王制者漢帝令博士所作也

曰凡土功龍見而畢務戒事也注云謂今九月周十一月龍星角亢晨見東方三務始畢戒民以土功事火見而致用注云大火心星次角亢見則致築作之物水昏正而裁注云今十月定星昏而中於是樹板幹而興作日至而畢注云日南至微陽始動故土功息王制云用民之力歲不過三日周禮均人職云凡均力政以歲上下豐年則公旬用三日焉中年則公旬用二日焉無年則公旬用一日

弟子入則孝疏言爲馬皆重民力而不妨奪農務也旬音馴

者則以學文馬曰文者古之遺文疏云遺文者詩書禮樂易春秋六經是也

信近於義春秋晉士句帥師侵齊聞齊侯卒乃還春秋善之是合宜而不必守信也史記星生與女子期于梁下女子不來水至不去抱

柱而死雖守信而非義也

為政第二

朱子集註

政之為言正也

箋記哀公問曰敢問何謂為政孔子對曰政者正也君為正則百姓從政矣

德之

為言得也

箋記樂記德者得也又鄉飲酒德也者得於身也故曰古之學術道者將以得之於身也集註舊說

行道而有得于身後以身作心蓋以德字從心其義尤切

北極天之樞

箋爾雅云北極謂之北辰注北極天

之中以正四時郭璞曰北極天之中以正四時然則極中也辰時也以其居天中故曰北極以正四時故曰北辰呂不韋春秋有始篇曰極星與天俱遊而天樞不移

所守者至簡

至制動衆不能治衆治

衆者至寡者也夫動不能制動制天下之動者貞夫一者也

子曰詩三百章

經禮三百

曲禮三千

箋禮器曰經禮三百曲禮三千註禮儀經禮也疏卽儀禮十七篇

道之以政章

政謂法制禁令也

箋法則也憲也度也繫辭云制而行之之謂法如周禮太宰以八灋治官府司馬建

邦之九瀋漢約法三章此法字未便謂之刑特刑之總號耳
制者節制也經制也記云制國用易云節以制度此乃一定
之類是也若集註于齊之以禮註云禮謂制度品節者此制
度專主禮而言如車服冠冕都邑廬第之差等爵祿尊卑貴
賤之異數此乃禮之節文也禁者戒也止也所以禁民爲非
也如入國而問禁司寇掌邦禁葵邱五禁豫施禁以防民使
不犯刑也令者命也號令也書云謹乃出令語云不令而行
漢有先後之令曰甲

使人曰遷善而不自知

箋記經解禮之教化也微其止

邪也於未形使人日從善而不自知也是以先王隆之也

志於學章

聲入心通

箋橫渠正蒙曰

三十器於禮非強立之謂也四十精義致用時措而不疑五
十窮理盡性至天之命然不可自謂之至故曰知六十盡人
物之性聲入心通七十與天

聲爲律身爲度

箋家語五帝德宰我問於孔子

曰其仁可親其言可信聲爲律身爲度矣史記禹聲爲律身
爲度稱以出言禹聲音應鍾律以身爲法度註今巫步猶稱
禹步稱以出言者權衡

孟懿子問孝章

魯大夫仲孫氏

箋

子孟僖子之子僖子疾屬其子南宮敬禮即理之節文
叔名說與懿子師事仲尼昭公七年傳禮即理之節文
仲尼

燕居子曰禮也者或問三家葬而設撥筴檀弓儒子饋邈平切之喪哀公少子哀

公欲設撥問於有若曰其可也君之三臣猶設之顏柳

曰天子龍輅而設撥諸侯輅而棹幃為榆沈審故設撥三臣

者廢輅而設撥竊禮之不中法者也君何學焉輅殯車榆沈

者以水澆榆白皮之汁有急以播地紼引輅車滑有榆沈故

須設撥撥謂紼也三臣者當廢輅今有紼是用輅僭禮疏喪

大記云大夫二紼二碑是大夫有紼既夕禮云大夫以上始

有四周謂之輅是大夫有輅也今云三臣僭者大夫以柩子

朝廟之時用輅紼唯殯時用輅軸不得用輅紼也輅音軀子

游問孝章 養其親而敬不至何異筴內則云父母之所

敬亦敬之至於犬馬亦然人子於父母之犬馬亦當愛而供

食之養親不敬則養父母與養父母之犬馬無異蓋此意也

子夏問孝章 孝子之有深愛者至必有婉容筴六言出禮記祭義

其所以章 意之所從來者有未善筴或問引齊桓公伐楚

楚僖公三年齊侯與蔡姬乘舟于圉蕩公公懼變色禁之不

可公怒歸之未絕之也蔡人嫁之四年公會諸侯侵蔡蔡潰

遂伐楚責以包茅不入王祭不供昭王南

面不復此所謂伐楚雖誼而所由未是也 **溫故知新章** 學

記譏其不足以爲人師

箋記學記云記問之學不足以爲人師註記問謂豫誦雜難雜說至講時

爲學者論之此或時師不心解或學者所未能問難旨去

不器章

器者各適其用而不

能相通

箋纂疏引黃氏曰以物而言如舟不可以爲車之類蓋莊子天運篇夫水行莫如用舟陸行莫如用車以

舟之可行於水也而求惟之於陸則沒世不行

周而不比章

周比和同驕泰之屬

箋里仁君子喻于義小人喻於利率也女爲君子儒無爲小人儒衛靈君子求諸己小人求諸人爲政君子周而不比小

人比而不周里仁君子懷德小人懷惠述而君子坦蕩蕩小人長戚戚子路君子和而不同小人同

而不知君子泰而不驕小人驕而不泰顏淵君子成人之美不成人之惡小人反是憲問君子而不仁者有矣夫未有小

人而仁者也君子不可小知而可大受也小人不可大受而可小知也

攻乎異端章

治木石

金玉之工

箋周禮考工記凡攻木石之工七攻金玉之工六刮摩之工玉人之事也

佛氏之言

全

近理

箋韓昌黎荅孟簡尙書云佛老之言勝於楊墨朱子論類云後世佛氏之學亦出於楊氏而過之也或曰孔子

時佛教未入中國何以言及佛氏愚謂程子所引乃推類而三不必論其先後然後世止以漢明帝永平二年爲佛入中

國之始不知武帝元狩中霍去病征匈奴至皋蘭過居延得其祭天金人卽佛像也帝以爲大神立於甘泉宮焚香拜祝

謂其害尤甚因詳註之何爲則民服章是以君子大居敬

箋此語本公羊隱公三年故君子大居正之意子奚不爲政章定公初年孔子不

仕箋先是季平子逐昭公死于外平子卽季桓子父名意如伯六年虎又盟公及桓子七年虎竊寶人而無信章任載

玉大弓以逃陪臣執國政故孔子不仕人而無信章任載

之車田車兵車乘車軫深八尺兵車則軫深四尺四寸故曰

小戎周禮考工記兵車之輪六尺有六寸注云此以馬大小爲節兵車卽

革路兵行則輻重隨之田車木路也此乃田獵之車乘輿端

車玉路金路象路也兵車乘車駕國馬田車駕田馬輿端

上曲鈞衡以駕馬者注從前軫以前稍曲而上此所謂輿端

故又謂衡橫於軾下而軾形穹隆上曲如屋之梁也問十世

章三十年爲一世箋如有王者必世而後仁古註三所因

謂三綱五常

箋真西山云三綱五常之名始見於白虎通漢
章帝論五經同異於白虎殿作此書漢平帝時

王莽殺其子及漢忠臣北海龐參曰三綱絕矣此又在白虎通前白虎通義云三綱謂君爲臣綱父爲子綱夫爲妻綱又

有曰六紀謂諸父昆弟族人諸舅師長朋友大
若綱小若紀然非漢儒之言乃古之遺言也

文箋禮記曰虞夏之文不勝其質商周之質不勝其文未嘗有忠質文之別獨漢董仲舒曰夏尚忠商尚質周尚文司

馬遷高祖紀亦曰夏之收忠忠之敝小人以野故商人承之以敬敬之敝小人以鬼故周人承之以文文之敝小人以僭

音試薄也故救僊莫若忠三王之道若循環韓退之襲其說其作本政論曰周之政文旣敝也後世不知其承其有作者

黜文貌而尚忠質則道之行其庶乎忠質文天地人三統集

集註始引馬氏以忠質文爲三統者此馬融本董仲舒之說也
集註繼言子丑寅爲三統者此本檀弓孔氏疏文也檀弓云

夏尚黑殷尚白周尚赤鄭註建子之月物萌色赤建丑之月物芽色白建寅之月物生色黑孔氏疏尚黑尚白尚赤此之

謂三統建子爲正月者天之陽氣始生爲物所得陽氣微動故爲天統丑爲正者物已吐芽唯在地中含養故爲地統寅

爲正者以其物出地當須人功故爲人統又前律歷志黃鍾太簇爲天地人三統者謂十一月乾之初九陽氣伏於

THE HISTORY OF THE

ИЗВЕЩАНИЕ

地下始著于一萬物萌動鍾於太陰故黃鍾爲天統坤之初
六陰氣受任于太陽繼養化柔萬物生長楸之於未故林鍾
爲地統乾之九二萬物咸通族出于寅寅木也爲仁其聲商
也爲義故太簇爲人統統者繼也黃鍾之律長九寸林鍾長
六寸太簇長八寸無餘分故造律者以是爲統竊嘗疑之黃
鍾十一月之律故於子爲天統太簇正月之律故於寅爲人
統獨林鍾六月之律屬未乃爲丑之地統何也考晉律歷志
黃鍾之律與丑之氣皆下生林鍾而林鍾又上生太簇此林
鍾所以爲正之地統也若天開於子地闢於丑人生於寅此
邵子經世書之說也子丑寅之寅在五支韻十一真者乃寅
敬之寅今

小過不及之間

箋易小過象曰山上有雷小過君
多誤讀

儉六二過其祖遇其妣不及其君遇其臣无咎象
日不及其君臣不可過也此卽小過不及之義

所因所革

箋禮記大傳曰聖人南面而治天下必自人道始矣云云此
其不可與民變革者也又禮器三代之禮一也民共由之或

素或青夏

識緯術數之學

箋春秋雜取神怪卜筮童謠而
造殷因

築長城以備胡爲亡秦者必胡也曾不知爲胡亥及陳涉起
事乃丹書帛曰陳勝王置魚腹中以爲楚當再受命至成帝
齊人甘忠可詐造天官等書白後識語盛矣王莽因之造作
符命代漢其後道士西門君惠曰識文劉氏當復興光武建

武二年真定王楊造讖曰赤九之後癭楊爲主楊病癭欲以
惑衆中元元年光武讀河圖會昌符曰赤劉之九會命岱宗
乃詔索河雒讖文之言宣布天下大抵其說始於亡秦盛於
光武若術數則如漢之京房唐之袁天綱李淳風占算之類
是也非其鬼而祭章 天子祭天地 至五祀 箋此三語曲禮文
也 霽月令孟仲季春其祀戶祭先脾孟仲季夏其祀竈祭先肺
孟仲季秋其祀門祭先肝孟仲季冬其祀行祭先腎行在廟
門外之西爲輶壤厚二寸廣五尺輪四尺祀行之禮設主於
輶上季夏之月中央土火休而盛德在上其祀中霽祭先心
霽在室中土中央而神在室古者複穴所以名室曰霽至孟
冬則五祀之祭又兼舉乃息民之祭也又晦翁答陳仲蔚云
古人居土屋中間開一天窗此乃中霽後人易而爲屋不忌
古制相承亦有中霽之名但當於室中祭之又答符舜功祭
行之義曰行堂塗也古人無廊屋只於堂階下作兩條路子
五祀雖分四時然出行則獨祭行及出門又有一祭作兩山
子於門前以狗置之山上祭畢却就山邊
喫推車從兩山間過蓋取跋履山川之義

附錄

道之以政

家語刑政篇子曰聖人之治化也必刑政相參焉
太上以德教民而以禮齊之其次以政導民而以

刑禁之刑不刑也化之不變道之
弗從傷義以教俗於是乎刑矣
子游問孝祭義曰亨孰羶

非孝也養也養可能也敬為難敬可能也安為難
又坊記云小人皆能養其親君子不敬何以辨
子夏問孝

集註蓋孝子之有深愛者至婉容此語出禮記祭義又曰威
嚴儼恪非所以事親也成人之道也註成人既冠者然則孝

子不失其儒
子張問十世如以建子月為首則謂之正月抑

只謂之十一月文公曰此亦不可考如詩之月數即今之月
孟子七八月之間乃今之五六月十一月徒枉成十二月與

梁成乃今之九月十月周語夏令曰九月成虹十月成梁即
孟子之十一月十二月若以為改月則與孟子春秋相合而

與詩書不相合若以為不改月則與詩書相合而與孟子春
秋不相合如秦元年以十月為歲首又有正月又似不改月

非其鬼而祭
曲禮非其所祭而祭之
名曰淫祀淫祀無福

為政第二

何晏集解
邢昺疏

孟懿子
疏春秋定公六年經書仲孫何忌如
孟武伯
疏春秋
懿子以

哀十四年卒而武伯嗣哀十九年公會齊
子游問孝疏按孟

侯於蒙孟武伯相謚法剛毅直理曰武

篇口食而不愛豕交之異端註善道有統故殊塗而同歸異

也愛而不敬獸畜之也異端註善道有統故殊塗而同歸異

異端謂諸子百家之言也或糺哀公註名蔣定公之子周敬

嫌堯舜戕毀仁義故不同歸也

日恭仁短季康子諡法安樂

折曰哀大車小車疏大車牛車冬官考

註云平地任載之車轂長半柯者其車駕牛故酒誥曰肇牽

車牛遠服賈小車駟馬車考工記兵車田車乘車皆駕駟馬

殷因於夏禮註馬曰所因謂三綱五常所損益謂文質三統

何君臣父子夫婦也君為臣綱父為子綱夫為妻綱大者為

綱小者為紀所以張理上下整齊人道若羅網有紀綱而百

目張也所以稱三綱者何一陰一陽之謂道陽得陰而成陰

得陽而序剛柔相配故人為三綱法天地人君臣法天取象

日月屈伸歸功也父子法地取法五行轉相生也夫婦取象

人合陰陽有施君羣也羣下之所歸心臣牽也事君也象屈

服之形也父者矩也以度教子子者尊也尊尊無已也夫者

扶也以道扶接婦者服也以禮屈服也五常者白虎通云五

性者何謂仁義禮智信也損益謂文質三統者白虎通云王

者必一質一文所以承天地順陰陽陽道極而陰道受陰道

者必一質一文所以承天地順陰陽陽道極而陰道受陰道

極而陽道受明一陽二陰不能繼也質法天文法地故天爲
質地受而化之養而成之故爲文尚書大傳曰帝王始起先
質後文者順天地之道本末之義先後之序也三統者春秋
緯元命包及樂緯稽耀嘉云夏以十三月爲正卦受泰註云
物之始其色尚黑以寅爲朔殷以十二月爲正卦受臨註云
物之芽其色尚白鷄鳴爲朔周以十一月爲正卦受復註云
尚赤夜半爲朔又三正記云自夏以上皆正朔三而改高陽
氏神農氏有虞氏皆以十一月爲正色尚赤女媧少昊高辛
堯皆以十二月爲正高辛氏尚黑餘皆尚白黃帝以十三月
爲正尚黑伏羲以上未有聞焉易說卦云帝出乎震則伏羲
也建寅之月又木之始其三正當從伏羲以其或繼周疏時
下正朔三而文質再者各自爲義不相須也其或繼周周尚
存不敢斥言故曰其或
言設或有繼周而王者

八佾第三

朱子集註

季氏魯大夫季孫氏

箋按昭公二十五年傳將禡於襄公萬
者二人其衆萬於季氏臧孫曰此謂之

不能庸先君之廟大夫遂怨平子平子名意如恐入佾之僭
卽季平子註疏謂季桓子者亦無所据但云與孔子同時則

平子乃桓子之父齊同時也以傳爲据意季氏有此舞必自
平子始故平子之還昭公卽集註所謂弑父與君亦何憚而
不爲乎斯以雍徹章 雍周頌篇名 箋聖人舉相惟辟公天
爲可徵矣

耳若詩云宣哲維人文武維后燕及皇天克昌厥後
既右烈考亦佑文母等語皆不可施於三家之堂也 成王之

賜伯禽之受皆非也 箋義見禘 人而不仁章 失正理則無

序而不和 箋樂記云樂者天地之序也 林放問禮章 夫祭與其

敬不足 至 哀有餘 子喪禮與其引見檀弓文子路曰吾聞諸夫

不足而哀有餘也祭禮與其敬不足而禮有餘也不若禮不

足而敬有餘也檀弓文先言喪禮而後祭禮范氏所引先言

祭禮而後 楊氏曰禮始諸飲食 箋所引見禮運夫禮之初始

言喪禮 杯飲蕢桴而土鼓猶喪不可以徑情直行 箋檀弓子游曰禮

若可以致孝於鬼神 喪不可以徑情直行 有直情而徑行者

戎狄之爲之衰麻哭踊之數 箋如斬衰三升齊衰四升五升
十升十一升十二升總麻十五升去其半有事其縷無事其
布曰總又如三年之喪十三月小祥除首絰二十五月大祥

除經杖二十七月禪祭踰月從吉期喪一周年大功九月小
功五月總麻三月之類此衰麻之節也如臣聞君喪而未奔
其哭之節天子九諸侯七卿大夫五士三又如士三月而葬
是月卒哭大夫三月而葬五月而卒哭諸侯五月而葬七月
而卒哭奔喪迫於公事者三日成服五哭奔父之喪出門哭
止三日而五哭之類此哭泣之節也男子袒而踊婦人不宜
袒故不踊而釋者但發冢擊心喪大記又云小歛主婦亦踊
孔子曰伯母叔母疏衰踊不絕地姑姊妹之大功踊絕於地
童子不踊跛者不踊之類此踊之節也檀弓
曰夫禮爲可傳也爲可繼也故哭踊有節

旅於泰山章

諸侯祭封內山川

箋禮書曰天子四望達於四方魯三望泰

諸侯祭境內山川哀公六年楚昭王有疾卜曰河爲祟王弗
祭以河非楚有也孔子曰楚昭王知大道矣泰山乃堯之鎮
山爲東嶽之長故檀弓注云泰山衆山之所仰王制疏泰山
在齊魯之界故齊亦祭之禮器云齊人將有事於泰山必先


有事於
配林

君子無所爭章

大射之禮

大射者諸侯將祭祀之事與其羣臣射以觀其禮數中者得
與於祭不數中者不得與於祭五禮之中屬嘉禮參侯參音

儀禮大射三侯圖



穆雜也。豹鵠而麋飾于侯。于音豕。豕，豕侯。豕飾也。豕，胡犬也。取捷黠意。熊侯而謂之大者，言畿外諸侯亦得用三侯，其數上同於天子而非畿內諸侯之可比。故於熊侯加大以別之。然不嫌於偏上者，天子三侯則虎侯、熊侯、豹侯，諸侯不得用虎侯，而以熊參豕為三侯。若畿內但有熊侯、豹侯，此其別也。鵠之言較較直也。射者所以直己志，或曰鵠鳥名，射之難中，中之為鵠，是以取名。淮南子曰：「鵠知來，然則所云正者，正也。亦鳥名，齊魯之間名題肩為正，正鵠皆鳥名之捷黠者，射之難中，以中為俊，故射取名焉。」

耦進三揖而後升堂之圖

司射作三耦射三耦出次西面揖當階北面揖及階揖

堂東

罰爵不平投飲大夫之不勝洗者則投爵而不飲尊大夫也

射於去儀是鄉射也

飲不勝者

大夫

勝者

壺

壺

壺

壺

壺

圖

賓

賓

不勝則不執弓

執爵者與解

勝者弟子與

弟子設壺

賓

受解適西階上

壺

壺

壺

壺

壺

壺

壺

壺

壺

壺

壺

壺

壺

壺

壺

壺

壺

壺

壺

壺

堂西

堂西

大夫飲則不升大夫之耦不勝則亦執弛弓特升飲

射者先降

射者

射者

射者

按記云福承

矢器筈長三

尺福如之兩

端龍首以限

矢中為蛇身

兩兩相交相

對以丹韋為

當四四分矢

而委之於上

間如驢一角

岐蹄間中算

器實八算橫

委餘算鄉射

皮樹中郊則


於竟虎中大

記君國中射則

國中郊大射也

中大夫兕中士

福設於中庭闕中居堂西



右按儀禮圖司射適堂西命弟子設豐以飲不勝者設豐所以承爵也豐形似豆而卑作人形弟子奉豐升設于西楹之西乃降勝者之弟子洗觶升酌南面坐奠于豐上降袒執弓反位司射遂袒執弓挾一箇撜扑北面于三耦之南命三耦及衆賓勝者皆袒決遂執張弓不勝者皆襲說決拾卻左手右手加弛弓其上遂以執附司射先反位三耦及衆射者皆與其耦進立于射位北上司射作升飲者如作射一耦進揖如升射及階勝者先升升堂少右注云先升尊賢也少右辟飲者亦相飲之位注謂飲之者立於飲者之右不勝者進北面坐取豐上之觶與少退立卒觶進坐奠于豐下與揖不勝者先降與升飲者相左交于階前相揖出於司馬之南遂適堂西釋弓襲而俟有執爵者坐取觶實之反奠于豐上開飲者如初三耦卒飲賓主人大夫不勝則不執弓執爵者取觶降洗升實之以授于席前受觶以適西階上北面立飲卒觶授執爵者反就席大夫飲則耦不升若大夫之耦不勝則亦弛弓持升飲衆賓繼飲射爵者辯乃徹豐與觶記主人亦飲于西階上就射爵而飲

衆耦皆降箋衆耦取弓矢之人也
已無俊才不可以辭罰
周禮射人王以六耦射諸侯四耦大夫卿及士三耦又春秋襄二十九年傳公享范獻子射者三耦孔疏云周禮射人云諸侯之射四耦此三耦者彼是畿內諸侯故四耦
或問不勝者脫決拾遂以執附箋耦此乃畿外諸侯故三耦

鉤弦者詩車攻云決拾既飲決著於右大指以鉤弦拾遂也
以韋爲之以護左臂利弦者飲謂以手指相次比也
弣音撫
弓把之中記云
巧笑倩兮章
繪畫之事
箋禮運五色六章
疏云初畫曰畫成

文曰續鄭注司服
甘受和白受采
箋禮器云君子曰甘受和白受采忠信之人可以學

禮苟無忠信之人則禮樂不虛道是以得其人之爲
可謂能
貴也又禮運忠信禮之本也無本不立無文不行

繼其志矣
箋學記曰善歌者使人繼其志
夏禮吾能言章
杞夏

之後宋商之後
史記言武王得東樓公封之於杞是也宋忠
曰今陳留雍邱縣至春秋時杞已遷東國故隱四年傳云杞

遷緣陵杞後改國號州而稱淳于公故桓五年經書州公如
曹襄公二十九年經杞子來盟傳曰書子賤之也又晉叔侯

謂平公曰杞夏餘也而卽東夷言其雜用夷禮也武王克殷
封紂子武庚祿父以續殷祀武王崩管蔡挾武庚作亂周公

既誅武庚管蔡乃命微子開代殷後國于宋孔子微服過宋
之時乃宋景公名頭曼之二十五年其後景公卒宋

公子特攻殺太子而自立是爲昭公此皆夫子時也
文典籍

也獻賢者也
箋宋自微子至戴公凡十君其間禮樂廢壞正
考父爲孔子七世祖得商頌十二篇於周之太

師至夫子刪詩之時僅存五篇則典籍之不足徵可知矣僖公二十七年杞桓公朝用夷禮故經書子以貶之則賢者之不足徵可知矣洪氏五筆云鄰國小於杞杞朱少昊遠於夏商而鳳鳥名官鄰子枚數不忌曰吾祖也我知之其亦賢矣

語錄引禮運吾得夏時吾得坤乾

箋禮記註夏時者夏四時之書其書存者有小正坤

乾者殷陰陽之書也其書存者其歸藏又大戴禮云夏小正者孔子得之於杞夏建寅故其書始於正月周建子而授民時巡狩烝享皆用夏正故其書始於立春夏小正具十二月而無中氣有候應而無日數二十四氣七十二候已見於周公之時訓乃五日爲候三候爲氣六十日爲節二書詳畧雖異大要則同豈時訓因小正而更詳歟今小正見於大戴禮漢九江太守戴德所記也歸藏者按鄭元易贊及易論云夏日連山殷曰歸藏周日周易歸藏者萬物莫不歸藏於其中其卦以坤爲首坤爲地故曰歸藏

禘自既灌章

趙伯循曰禘王者之大祭箋伯循亦曰伯淳名匡唐人師咲助春秋陸淳春秋纂例卷第二辨禘例趙子曰云云此語也見或問記祭統云凡祭有四時春日禘夏日禘秋曰嘗冬日烝又王制云天子諸侯宗廟之祭春日禘夏日禘秋曰嘗冬日烝禘薄也春物未成而祭薄也禘者次第也夏則物雖未成宜依次第而祭也嘗者薦新烝者冬物之衆此蓋夏殷常祭之名然王制言夏日禘

而祭義郊特牲皆言春禘者鄭註禘當爲禴從此爲正天保
詩曰禘祠烝嘗于公先王此周四時祭宗廟之名蓋文王受
命始以祠易禘其後遂以禘爲殷祭殷者大也公羊傳曰五
年而再殷祭是也由此觀之禘爲大祭自周以來改之也若
魯之禘見於春秋者二閔公二年夏五月乙酉吉禘于莊公
僖公八年秋七月禘于太廟用致夫人春秋分記禮樂書可
考

成王以周公有勲勞賜魯重祭

箋記祭統昔者周公旦有勲勞於天下周公既沒成

王康王追念周公之所以勲勞者而欲尊魯故賜之以重祭
外祭則郊社是也內祭則大嘗禘是也夫大嘗禘升歌清廟
下而管象朱干玉戚以舞大武入翬以舞大夏此天子之樂
也康周公故以賜魯也又明堂位云成王以周公爲有勲勞
於天下是以封周公於曲阜地方七百里革車千乘命魯公
世世祀周公以天子禮樂又云五月以禘禮祀周公於太廟
謝氏曰夫子嘗曰至周公其衰矣箋此皆禮運之文而魯之

章 自指其掌言其明且易

箋中庸明乎禘嘗之義治國其如指諸掌乎仲尼燕居子曰郊

社之義所以仁鬼神也嘗禘之禮所以仁昭穆也明乎郊社
之義嘗禘之禮治國其如指諸掌而已乎論語中庸禮記凡

三言指

吾不與祭章

君子之祭七日戒三日齋

箋祭祝云散齋七日

以定之致齋三日以齊之坊記云七日戒三日齋戒即散齋祭義云致齋於內散齋於外曰散齋曰戒者定其心志不御不樂不弔致齋三日則思其居處思其笑語思其志意思其所樂思其所嗜即集註所謂必見其所祭者此意也

王

孫賈章

或問凡祭五祀戶竈門行中霤

箋王孫賈衛靈公時人王孫賈問及

子路請禱二章集註所引五祀者據曲禮月令土喪禮皆戶

竈門行中霤此蓋殷時之制王制言大夫祭五祀則謂司命

中霤門行厲及與祭法言七祀皆周制也七祀曰司命曰中

霤曰國門曰國行曰泰厲曰戶曰竈此天子之祭也諸侯爲

國立五祀曰司命中霤國門國行公厲諸侯自爲立五祀大

夫立三祀曰族厲曰門曰行適士立二祀曰門曰行士庶人

立一祀或戶或竈曲禮所謂天子祭天地祭四方祭山川祭

五祀諸侯祭山川祭五祀大夫祭五祀此爲夏殷法王制謂

大夫得祭五祀謂有采地者無地者止如祭法言祭三祀是

則五祀有夏殷周之殊不可不攷泰厲謂古帝王無後者公

厲是古諸侯無後者諸侯稱公其鬼爲公厲族厲謂古大夫

無後者又有周禮大宗伯五祀以爲五官者彼五嶽之上此

五祀在山川之下其義不

同因併及之竈陞音刑

子入太廟章

魯周公之廟

箋公

羊文

公十三年世室屋壞世室者何魯公之廟也周公稱太廟魯公稱室羣公稱宮**鄆魯邑名**箋史記孔子生於魯

昌平鄉鄆邑地志云鄆城在兗州泗水縣東南六十里昌平山在泗水縣南六十里孔子生昌平鄉鄆山名孔子宋微子

後本子姓自宋襄公至孔嘉父五世親盡別為公族家語云孔子生三歲而父叔梁紇死襄十年傳偃陽縣門發

鄆人紇挾之註云仲尼父也是叔梁紇之稱鄆人有自來矣縣音元紇字音瞎讀為核者非**語錄云但聞**

其名而未識其器物箋家語孔子觀於魯桓公之廟有欹器焉夫子問於守廟者曰此何器對曰此

宥坐之器孔子曰吾聞宥坐之器虛則欹中則正滿則覆唯君子以為至誠故常置之坐側此即所謂聞其名而未識其

器物每事問**鄉射禮文**箋儀禮鄉射禮曰射不主皮孔**布侯**者此類是也子所引蓋儀禮鄉射禮之文也

而棲革於其中以爲的所謂鵠也箋儀禮圖并義見後

侯人之形類也上箇象臂下箇象足箇音幹中人張臂八尺張足六尺上廣下狹蓋取象於人也凡鄉侯用布十六丈數

起侯道五十弓以計道七十弓之侯用布二十五丈二尺道九十弓之侯用布三十六丈以皮為鵠似鳥之棲故謂之棲

鵠此棲皮曰鵠是也天子大射侯畫五采雲氣賓射之侯中二尺畫朱次白次蒼次黃次黑三正之侯則去元黃二正之

二尺畫朱次白次蒼次黃次黑三正之侯則去元黃二正之

个曰亦丈四長幅一廣舌上
丈二長幅一廣躬上



丈三長幅一廣躬下
丈三長幅一廣舌下

侯則去青白直以朱綠所謂畫布
曰正也天子九十步侯朱白蒼黃
元五正者還書此五色雲氣於其
側七十步侯朱白蒼三正者還書
此三色雲氣於其側五十步侯朱
綠二正者還書此二色雲氣於其
側也欲畫之時必先丹采其地
乃於上書雲氣也又按侯道以弓
者弓之下制長六尺量侯道以弓
為度儀禮大射禮司馬命量人量

侯道以狸步狸步取其善規侯也祭侯之禮以酒脯醢其辭
曰惟若寧侯毋或若汝不寧侯不屬於王所故抗而射女強
飲強食詒女會
貫革之射息
箋禮記云散軍郊射左射狸首
右射騶虞而貫革之射息也鄭

注郊射為射宮於郊也貫革射穿甲革孔疏云射宮在郊學
之中也左射乃東學右射乃西學狸首騶虞皆天子射歌之
詩革甲鑑也言軍中習容儀又無他物但取甲鑑張弓而射
唯穿多重為善春秋養由基徹七札是也又按儀禮云射不
主皮主皮之射者勝者又射不勝者降主皮者無侯張獸皮
而射之周禮鄉射三日主皮亦註云主皮者張皮射之無侯
也合儀禮樂記周禮三者觀之雖有甲鑑獸皮
之殊然皆不以侯為言讀者更考之射音石
告朔章
頒

來歲十二月之朔

箋周禮春官大史正歲年以序事以來歲十二月之朔頒之於官府及都鄙頒告朔

于邦國註中數曰歲則數曰年若今時作歷日定四時以次序授民時之事疏云中乃中氣朔乃節氣鄭注云頒讀為班

班布也以十二月朔布告天下諸侯諸侯藏之祖廟至朔朝於廟告而受行之禮記玉藻云諸侯皮弁以聽朔于太廟

以特羊告廟

箋玉藻天子聽朔于南門之外疏云天子告朔以特牛諸侯以特羊魯自文公始

不視朔

箋文公六年閏月不告月朔猶朝于廟非禮也公羊曰每月朔朝廟大夫南面奉天子命君北面而受之

受於廟者孝子歸美先君不敢自專也十六年夏五月公四不視朔公羊曰曷為不視朔公有疾也自是公無疾亦不視

朔關雉樂而不淫章

欲學者玩其辭至

正也箋此蓋欲學者於詩與樂

皆當察之既玩其辭而知其所以不淫不傷復審其音而知其所以不淫不傷樂記云凡音之起由人心生也又曰樂者

音之所由生也其本在人心之感於物也故因人心而可以識其性情也管仲之器章管仲齊

大夫

箋史記管仲者顯上人地地理志顯水出陽城漢有顯陽臨潁二縣今有潁上縣韋昭云管夷吾姬姓之後管

嚴之子敬仲也管仲冢在青川臨南二十三歸臺名事見說里牛山之阿七略云管子十八篇在法家

苑箋劉向說苑乃漢鴻嘉四年三月光祿大夫劉向進所序
說苑二十卷後止存五篇宋曾南豐於士大夫間得十五

篇與舊篇二十篇南豐作序第十一卷善說篇云桓公立仲

父致大夫曰善吾者人門而右不善吾者入門而左有中門

而立者桓公問焉對曰管子之智可與謀天下其強可與取

天下君恃其信乎桓公曰善乃謂管仲政則卒歸于子矣管

仲故築三歸之臺以自傷於民又史記三歸二姓女也婦人

謂嫁曰歸故禮器云士不臺門言有稱也又戰國策東周卷

云齊桓公室中女市女閭七百國人非之管

仲故為三歸之家以掩桓公非自傷於民也

屏謂之樹注反爵於坵上箋坵形外諸侯之禮而管仲僭

小墻當門也

之箋按禮記雜記云孔子曰管仲鏤簋而朱紘旅樹而反坵

旅樹反坵而繡賢大夫也而難為上也又郊特牲云臺門而

禮器云管仲鏤簋朱紘山節藻梲君子以為濫矣

雄所謂大器箋楊子先知篇云或曰齊得夷吾而霸仲尼曰

而後治人

威公內嬖六人箋信十六年齊侯之夫人三王姬

謂之大器

六人長衛姬生武孟少衛姬生惠公鄭姬生孝公葛嬴生昭
公密姬生懿公宋華子生公子雍公與管仲屬孝公於宋襄

公以爲太子桓公管仲卒五公子皆求立寺人貂挾五公子作亂乃立公子無虧孝公奔宋十八年春宋以諸侯伐齊立孝公八月齊桓公始葬 語魯大師樂章 五音合矣 至後和 箋昭公二

曰先王之濟五味和五聲以平其心成其政也聲亦如味清濁小大短長疾徐哀樂剛柔遲速高下以相濟也若以水濟水誰能食之若琴瑟之專壹誰能聽之 相連如貫珠 箋樂記子貢見師乙問樂

貫珠 儀封人章 禮曰喪欲速貧是也 反箋禮記檀弓南宮敬叔

若是其貧也喪不如速貧之愈也喪之欲速貧爲敬叔言之也註敬叔魯孟僖子之子仲孫閱蓋失位去魯得反載其寶

來朝 韶盡美章 程子曰堯舜至所遇之時然耳 堯授舜舜

授禹湯放桀武王伐紂時也

附錄

八佾 山堂考索舞節八音行八風七所舞四人則何以應八音之節善乎服虔之議曰天子八八諸侯六八大夫四

入士二八等殺甚明文義甚常鄭伯納晉悼公其樂二八晉侯賞魏絳以一八之樂此其證也由是而言則杜預之說非

矣劉氏權衡曰左氏曰王命諸侯名位不同禮亦異數若五等之君均於八佾無乃同之乎且所謂士者特牲少牢皆士禮也無用樂舞之儀安得八佾而施之乎周禮舞師之職凡小祭祀則不興舞小祭祀者王服元冕之祭也王服元冕不舞士服元冕反舞之乎且元冕又非士所常服者以此推之則是衆仲之誤而隱公從之爲非禮無疑公羊傳初獻六羽書譏何譏爾譏始僭諸公也六羽之爲僭奈何天子八佾諸公六諸侯四諸公者何諸侯者何天子之三公稱公王者之後稱公其餘大國稱侯小國稱伯子男始僭諸公昉于此乎前此矣則曷爲始乎此僭諸公猶可言也僭天子不可言也張主一春秋傳云後世皆以六佾爲魯之所當用者不考於周禮之過也春秋分紀禮樂書云明堂位曰命魯公世祀周公以天子禮樂祭統亦云賜八佾以舞大夏凡此皆漢儒雜記非出孔氏雅言也周命諸侯班班冊書無有是矣嘗考之詩書惟錫之山川土田附庸以爲周公報而命爾元子俾侯于魯耳方公之治洛成王以秬鬯二鬯使之明禋于文武而曰拜手稽首以承文武之休享則君臣之際嚴矣公曰予不敢宿必禋于文王武王是公未嘗居此錫則弗敢宿留王命也成王之恭周公之孚皆可以示萬世詩書之所載孔子之所刪定吾斯從之矣聞諸傳曰昔者魯惠公使宰讓請郊廟之禮於天子天子使史角往惠公止之使成王之世而魯已郊則惠公又奚請惠公請之則是魯未始有天子之禮樂

成王初不之賜伯禽亦莫之受也隱繼惠而立天下無道至是而兆成矣春秋始隱則惠公之僭不得書待郊有變而書之聖人之入太廟每事問春秋分記禮樂書孔子入太廟每微意也而有天子之禮樂故問君子無所爭禮記燕義孔子曰君子以見正焉是以爲禮也而升下而飲使民戰栗洪氏五筆何休註公羊傳曰松猶容其爭也君子使民戰栗也想見其容貌而事之主人正之意也柏猶迫也親而不遠主地正之意也栗猶戰栗曲禮云臨喪則必有哀色

八佾第三

何晏集解 邢昺疏

季氏

註季桓子也疏按經但云季氏知是桓子者以孔

舞於

庭

馬曰庭季桓子家廟

八佾

天子八佾諸侯六大夫四士二者隱公五年左傳文也云八人爲列入八六十四人

者諸侯三十六大夫十六人八士四人杜預何休說如此服虔此用六爲六八四十八人大夫爲四八三十二人八士二十八

六人今以舞勢宜方行列既減則每行人數亦宜減故同何杜之說天子所以入侑者案隱五年左傳衆仲之對夫舞所以節八音而行入風惟天子得盡物數諸侯則不敢入音者金石土革絲竹匏木也鄭元云金鐘鐃也石磬也土塤也革鼓鼗也絲琴瑟也木祝敔也匏笙也竹管簫也八風者服虔以爲入卦之風乾音石其風不周坎音革其風廣莫艮音匏其風融震音竹其風明庶巽音木其風清明離音絲其風景坤音土其風涼兌音金其風闓闓又易緯通卦驗云立春調風至春分明庶風至立夏清明風至夏至廣莫風至立秋涼風至秋分闓闓風至立冬不周風至冬至廣莫風至是天子之舞所以節八音而行入風故八侑也計云魯以周公故受王者禮樂有八侑之舞者此釋季氏所以得潛之由由魯得用之也案禮記祭統云昔者周公旦有勲勞於天下成王康王賜之以重祭朱干玉戚以舞大武八侑以舞大夏此天子之樂也又明堂位曰命魯公世祀周公以天子之禮樂然惟得于文王周公廟用之若用之他廟亦爲僭也故昭公二十五年公羊傳稱昭公謂子家駒曰吾何僭哉答曰朱干玉戚以舞大夏入侑以舞大武此皆天子之禮也是昭公時已僭之他三家疏此弟子之言將論夫子所譏之語故先設此以廟也

三家爲首引三家同是魯桓公之後桓公適子莊公爲君庶子公子慶父公子叔牙公子季友仲孫是慶父之後叔係是叔牙之後季孫是季友之後其後子孫皆以其仲叔季

為氏故有此氏並是桓公子孫故俱稱孫也至仲孫氏後世
改仲曰孟孟者庶長之稱也言己是庶不敢與莊公為伯仲
叔季之次故取**辟公**包曰謂諸侯**以雍徹**案周禮樂師云及
庶長為始也

旅泰山周禮大宗伯職云國有大故則旅上**君子無所爭**馬
帝及四望旅陳也陳其祭祀以祈焉

多算者飲少算疏算籌也鄉射記曰箭籌八十長尺有握射
于堂耦進上射在左並行當階北面揖及階揖升堂揖皆當
其物北面揖及物揖射畢北面揖揖如升時是射時升降揖
讓也大射又云飲射爵之時勝者皆袒決遂執張弓不勝者
皆襲說音脫決拾卻左手右加弛弓于其上遂以執弣音甫
揖如始升射及階勝者先升升堂少右不勝者進北面坐取
豐上之解立卒解坐奠于豐下興揖**帝灌**灌之後列尊卑序
不勝者先降是飲射爵之時升降也**帝灌**昭穆而魯逆祀躋
僖公亂昭穆故不欲觀之文公二年秋八月丁卯大事于太
廟躋僖公文公綠篠公于閔公為庶兄置僖公于閔公之上
失先後之倫故春秋譏之是知當**子入太廟**公羊傳曰周公
閔在僖上今升閔先僖故云逆祀**子入太廟**稱太廟魯公稱
世室羣公稱宮古謂大夫守邑者以邑冠之孔子父鄒邑大
夫左傳稱鄒人紇故此謂鄒人之子左傳成二年云新築人
仲叔于奚杜註云于奚**射不主皮**馬曰射有五善焉疏鄉射
守新築大夫即此類也

二曰容三曰主皮四曰和容五曰興舞和謂閭門之內行也
容謂容貌也杜子春讀和容爲和頌謂能樂也庶民無射禮
因田獵分禽則有主皮之射大射者王將有郊廟之事以射
擇諸侯及羣臣與邦國所貢之士其容作比于禮其節比于
樂而中多者得與于祭王之大射虎侯王所自射熊侯諸侯
所射豹侯卿大夫以下所射諸侯之大射熊侯諸侯所自射
豹侯羣臣所射卿大夫之大射麋侯君臣共射焉射
所以直己志用虎熊豹麋之皮示服猛討迷惑者
告朔以特羊則天子以特牛天子告朔于明堂諸侯告朔于
太廟皆先告朔後朝廟朝廟小於告朔文公廢其大而行其
小故春秋文公六年經云閏月不告朔定公問公之名宋襄
猶朝于廟公羊傳曰猶者可止之辭也
之弟以敬王十一年即三歸禮大尺雖有妾塞門禮天子外
位諡法安民大慮曰定三歸妻唯娶一姓塞門屏諸侯內
屏大夫以儀封人從者弟子隨孔子行者儀邑名者左傳衛
簾上以帷儀封人侯入于夷儀疑與此是一周禮封人掌爲
畿封而樹之鄭元云畿上有封若今時木鐸禮有金鐸木鐸
界也封人蓋職典封疆居在邊邑者木鐸周禮教鼓人以
金鐸通鼓大司馬教振旅兩司馬執鐸明堂位
云振木鐸於朝是武事振金鐸文事振木鐸

里仁第四

朱子集註

人之過也章

後漢吳祐

至是也

箋本傳祐順帝時爲膠東相齋夫孫性私賦民錢市

衣以進其父後漢書曰賦錢五百爲父市單衣父得而怒曰有君如是何忍欺之促使伏罪性慙懼詣闕持衣自首祐屏左右問其故性具說父言祐曰掾以親故受汗辱之名所謂觀過斯知仁矣使歸謝其父還以衣遺之又云祐在膠東九年以仁孝解

語錄仁者之過易辭

箋禮記表記子曰仁之難成久矣人人失其所好故仁者之過

易辭

無適無莫章

吾誰適從

箋春秋僖五年晉獻公使士爲與二公子築蒲與屈士薦

云云退而賦曰狐裘龍韋一國三公吾誰適從

苟無道以主之

至

自恣乎

箋莊子山木篇不知

義之所適不知禮之所將猖狂妄行乃蹈乎大方意以爲猖狂妄行從心所欲皆合乎道故曰合乎大方集註乃反其說

幾諫章

寧孰諫

箋勤而諫若物之成熟然

父母之年章

愛日之誠

箋楊子孝至篇云孝子愛日註云孝子養親惟日不足故謂愛日之誠

附錄

安仁利仁

禮記表記云仁者安仁好仁惡不仁坊記子曰無

無畏而惡不仁者

君子喻於義

晦翁年譜云淳熙八年辛丑

授基誌銘率僚友諸生與俱至白鹿洞書院請升講席子靜
以君子喻義利發論先生以爲切中學者隱微深鉤之病又
按象山戊申書自謂南康之集加款於鵝湖然猶鹵莽淺陋
永能成章無以相發甚爲可愧此象山自道也象山人集所
載記章講義并附錄晦翁之說于左方庶有所考象山白鹿
洞書院講義某雖少服父兄師友之訓不敢自棄而頑鈍疎
拙學不加進每懷愧惕恐卒負其初心方將求鍼砭鑄磨於
四方師友冀獲開發以免罪戾此來得從郡侯秘書至白鹿
書堂羣賢畢集瞻觀盛觀竊自慶幸祕書先生教授先生不
察其愚令登講席以吐所聞顧惟庸虛何敢當此遜避再三
不得所請取論語中一章陳平日之所惑以應嘉命亦幸有
以教之子曰君子喻於義小人喻於利此章以義利判君子
小人辭旨曉白然讀之者苟不切己觀省亦恐未能有益也
某平日讀此不無所感竊謂學者於此當辨其志人之所喻
由其所習所習由其所志志乎義則所習者必在於義所習
在義斯喻於義矣志乎利則所習者必在於利所習在利斯
喻於利矣故學者之志不可不辨也科舉取士久矣名儒鉅
公皆由此出今爲士者固不能免此然場屋之得失顧其技

與有司如惡如何耳非所以爲君子小人之辨也而今世以此相尚使汨沒於此而不能自拔則終日從事者雖曰聖賢之書而要其志之所鄉則有與聖賢背而馳者矣推而上之則又惟官資崇卑祿廩厚薄是計豈能悉心力於國事民隱以無負于任使之者哉從事其間更歷之多講習之熟安得不有所喻顧思不在於義耳誠能深思是身不可使之爲小人之歸其於利欲之習怛焉爲心痛之疾首專志乎義而日勉焉博學審問謹思明辨而篤行之由是而進於場屋其文必皆道其平日之學習中之蘊而不詭于聖人由是而仕必皆共其職勤其事心乎國心乎民而不爲身計其得不謂之君子乎祕書先生起廢以新斯堂者必不殊志願與諸君勉之以毋負其志淳熙辛丑春二月陸兄子靜來自全谿具徒朱克家陸麟之周清叟熊鑑路謙亨胥訓實後十日丁亥熹率僚友諸生與俱至于白鹿書院請得一言以警學者子靜既不鄙而惠許之至其所以發明敷暢則又懇到明白而皆有切中學者隱微深鉅之病蓋聽者莫不竦然動心焉熹猶懼其久而或忘之也復請子靜筆之于簡而受藏之凡我同志於此反身而深察之則庶乎其可不迷於入德之方矣新安朱熹幾諫之事親也三諫而不聽則號泣而隨之又事親有隱而無犯疏親有喜常之過故無犯若有大惡亦當犯顏故孝經云父有爭子則身不陷于不義是也

勞而不

記坊記子云從命不忿微諫不倦勞而不怨可謂孝矣

曲禮曰夫爲人于者
出必告反必面所遊

里仁第四

何晏集解

邢昺疏

無改於父之道

此章與學而篇當是重出學而篇是孔注此是鄭註本或二處皆有

事君數謂數

速數之數此章言爲臣結交當以禮漸進數則瀆而不敬故見罪辱疏薄矣

公冶長第五

朱子集註

公治長

箋家語魯人字子長爲人能忍恥

南容居南宮又名括

雙集註云名
額又名括字

子容此據家語所載史記弟子傳其人是孟僖子之子仲孫閱也春秋閱又作說爲魯世卿卽孟孫氏其後說爲南宮氏卽懿子兄檀弓南宮敬叔註敬叔孟僖子之子仲孫閱也敬叔失位去魯及反魯則載寶而朝夫子曰若是其貧也以此

事推之則南宮敬叔子謂子賤章子賤姓宓箋家語宓音

若猶有可議者何歟伏古通濟南伏生即其後子賤爲單父宰彈琴身不下魯無

堂而單父理纂疏所引父事兄事友事者語出說苑

君子則此人何所取以成此德箋家語十九孔子問于子賤

自來仕者無所忘其有得者三始誦之今得而行之是學益

明也俸祿所供被及親戚是骨肉益親也雖有公事而兼以

弔死問疾是朋友篤也孔子喟然謂子賤曰漆雕開仕章

漆雕開字子若箋家語字干若蔡人少孔子十一歲習尚書

若報書曰吾斯之未能信孔孟武伯問章春秋傳悉索敝

賦是也箋襄公三十一年鄭子產謂晉士句曰以敝邑編小

會時孔文子章諡法勤學好問爲文非經天緯地之文史箋

記諡法解唯周公旦太公望開嗣王業建功于牧野終將葬

乃制諡遂敘諡法按以文爲諡者首曰經天緯地文道德博

聞文勤學好問文慈惠愛民文愍民惠禮文賜民爵

位文凡六又春秋昭二十七年傳云經天緯地日文孔文子

使子太叔疾出其妻而妻之

箋哀公十一年衛太叔疾娶于宋子朝女其娣嬖孔文子使疾

出其妻而以女妻之疾誘其初妻之娣寘于犁而爲之一宮此文子女如二妻文子怒欲攻之而遂奪疾之妻疾或淫于外州州人奪其軒以獻疾恥是二者奔宋衛人立疾之弟名遺文子使室孔姑卽太叔之妻也事在衛出公之時亦見家語正

子謂子產章 子產鄭大夫公孫僑

箋史記索隱子產鄭成公之少子也

按春秋世譜乃公子發字子國之子史記乃誤公孫者以其出於公族故氏公孫鄭世本子子產長于孔子三十五歲生于鄭悼公元年鄭簡公之三年子產討平尉止等亂時年二十四乃襄公之十年也後十二年而孔子生史記年表聲公五年子產卒左氏昭公二十二年鄭子產有疾數月而卒鄭定公之八年也其去鄭聲公之五年乃隔二十五年史亦悞也子產事簡公如都鄙有章至廬井有伍箋見襄公三十年都鄙車服尊卑各有分部分去上下有服者公卿大夫服不相踰田有封洫者封疆也溝洫也廬井有伍者廬舍也九夫爲井使五家相保如鄭民之歌子產曰取我衣冠而褚之取我田疇而伍之卽有服有伍也褚藏也奢侈者畏法而藏其衣服晏平仲章 晏平仲齊大夫

箋平仲萊之夷維人也今東萊地也史記索隱曰晏子名

嬰謚平字仲其父桓子名弱事齊靈公莊公景公晏子
家在齊子城北門外著書七篇在儒家名晏子春秋

仲章 **臧文仲魯大夫臧孫氏**
孫文仲魯公子昭之曾孫莊文之問爲大夫 **蔡大**

龜也
箋大龜出蔡州故龜以蔡名猶冀臺馬而馬稱驥又按通志昆蟲草木略云蔡地產著常有白龜出其下故今

有白龜廟州人祀之此其證也 **祝梁上短柱**
謂之祝梁上短柱也 **春秋傳所謂**

作虛器
箋文公二年丁卯大事于太廟躋僖公逆祀也仲尼曰臧文仲其不仁者三不知者三下展禽廢六闕妾

織蒲三不仁也作虛器縱逆祀祀爰居三不知也展禽柳下惠也文仲知柳下惠之賢而使在下位也六闕者塞闕陽關

之屬所以禁絕末游而廢之家人織席而與民爭利居蔡山簞藻稅虛器也有其器而無其位故曰虛祀太廟夏父弗忌

爲宗伯縱令躋僖公于閔公之上蓋僖公雖爲閔公兄然僖公嘗爲閔臣位當在閔下今躋于僖上是逆祀也禮器曰孔

子曰臧文仲安知禮夏父弗綦逆祀而弗止也爰居海鳥也似鳳凰魯語爰居止于魯東門之外三日文仲以爲神使國

人祭之展禽曰越哉臧孫之爲政也今海鳥至已不知而祀之難以爲仁且智矣其文多不全錄又莊子至樂篇昔有海

鳥止于魯郊魯侯御而觴之于廟奏九韶以爲樂具太牢以爲膳鳥乃眩視憂悲云云 **令尹子文章**

令尹官名

箋春秋職官書云尹訓正也楚之官以尹名如箴尹之職獨尊於內統兵於外皆令尹門尹樂尹之類是也如令尹

尹之在也

太宰小宰皆居其下

子文僭王猾夏之事

箋子文

三十年爲令尹乃楚成王之九年僖公五年傳楚鬬穀於菟滅莖十二年滅黃二十二年執宋公以伐宋春秋不言楚執

宋公不以夷狄執中國之君也絕二國之祀執中國之君此皆猾夏之事楚本子爵自楚武王僭稱王至成王因之而不

改此僭王

文子之仕齊既失正君討賊之義又不數歲而復

反于齊

箋按田敬仲完世家完陳厲公之子蔡人殺陳厲公完奔齊以陳字爲田氏敬仲生孟夷孟夷生孟莊孟

莊生文子名須無事齊莊公襄公二十五年崔杼妻東郭偃之妹公通焉杼遂弑莊公初莊公欲伐晉崔杼諫不可謂陳

文子曰吾言于君而弗聽羣臣若急君於何有言欲弑之以說于晉文子退告人曰崔子將死乎謂君甚而又過之此時

文子既知其君內有淫行外欲興戎而不能諫失於正君也公既弑文子之子桓子名無宇亦爲卿坐視崔氏之亂不能

討賊也不數載而復反于齊者襄二十五年宋向戌如齊欲弭諸侯之兵齊人難之陳文子曰晉楚許之我焉得已齊人

許之若文子二十七年出奔則至是僅二三載而反齊故曰不數年而復反

季文子三思章求

遭喪之禮而行

箋事見註疏纂要程氏分記曰晉侯雖有疾

亡樂禍而曰備豫不虞妄矣嘗讀聘聘禮

有畫幣夕幣陳幣奠幣而無預備之儀

宣公纂立文子反使

齊而納賂

箋文公十八年二月公薨公子遂弑文公太子惡及其母弟視乃立文公庶子宣公名倭元年季文

子如齊納賂以請會于平州以

甯武子章

武子仕衛當文

公成公之時

皆美文公者有道者衛國風定之方中干旄等詩

大帛之冠務穡訓農通商惠工敬教勸學授方任能之類成

公無道者成公名鄭文公子僖二十五年嗣立二十八年晉

將伐曹假道于衛衛侯弗許晉伐衛衛侯欲與楚國人不欲故

出其君以說于晉衛侯懼出奔楚元咺立叔武晉人復衛侯

甯武子與衛人盟而後入公子欽大華仲前驅殺叔武元咺

愬于晉衛侯與元咺訟甯武子爲輔鉞莊子爲坐代衛侯坐

伯夷叔齊章

孤竹君之二子

箋夷齊

醫酖衛侯甯俞貨醫伯夷叔齊得死秋乃釋衛侯

夷之國君姓墨胎氏孤竹君殷湯時三月內所封傳至夷齊

之父名初字子朝孤竹者城在盧龍縣南十二里解見註疏

纂要**微生高章** 微生姓高名魯人 箋漢高帝紀尾生孝已之行顏師古註卽微生高也

又莊子**掠美市恩** 箋昭公十四年已惡而掠美爲昏諸本掠音亮**蓋各言爾志章**

羈勒之生由乎馬 箋勒音勒韁也莊子秋水篇牛馬四足是謂天絡馬首穿牛鼻是謂人蓋牛馬四足

則不容不羈勒之**十室之邑章** **必有忠信如丘者語錄云古註疏**

不成文理 箋蓋註疏云一說衛瓘讀焉音於夷反爲下句首安不如我之好學也衛意謂聖人不以已之好學

毀人故以如丘者爲絕句也

附錄

公冶長可妻 按家語孔子年十九娶于宋之上官氏女孔聖世配云并官氏一歲而生伯魚公冶長所娶必

伯魚之弟也又家語叔梁紇娶魯之施氏生九女其妾生孟皮孟皮病足卽孔子之兄也故叔梁紇又娶顏氏女名徵在

而生孔子也孟皮之女妻南宮縶云南宮縶之妻喪其姑孔子誨之鬢曰爾無從從爾爾母扈扈爾從從高也扈扈大

也從從音總又音崇孟皮之子宰子晝寢 王若虛云宰子之孔忠字子蔑與宓子賤同仕

之怒亦有其素特因是而發之否則予之耽寢

臧文仲居蔡

日以爲常記者語簡而不盡其詳亦不可知
禮器云諸侯以龜爲寶家不藏龜疏云家卿大夫之家也故
臧文仲居蔡爲僭言有稱也家語云臧文仲家有守龜名曰
蔡文仲三年爲一兆武仲三年爲二兆孺子容三年而爲三
兆禮云家不藏龜者白虎通天子之龜一尺二寸諸侯之龜
一尺大夫八寸士六寸者此謂卜龜士亦有龜但不可過制
耳龜陰物也故其數偶又考文仲孫武仲得罪于魯出奔
邾使告其兄賈於鑄且致大蔡焉曰乾之罪不及不祀子以
大蔡納請其可蓋請爲先人立後也賈再拜受龜使弟爲爲
己請遂自爲也乃立臧爲爲之子曰昭伯嘗如晉從弟會竊
其寶龜僂句以卜爲信與僭僭吉會如晉昭伯問內子與母
弟皆不對會之意欲使昭伯疑其若有他故者歸而察之皆
無之執而戮之逸奔邠及昭伯從昭公孫于齊季平子立會
爲臧氏後會曰僂句不余欺也臧氏二事皆以龜故皆以弟
而奪兄亦異矣容齋五筆說苑孔子問漆雕馬人曰子事臧
文仲武仲孺子容三大夫者孰賢馬人對曰臧氏家有龜焉
名曰蔡文仲立三年爲一兆武仲立三年爲二兆孺子容立
三年爲三兆馬人見之矣三大夫之賢馬人不識也孔子曰
君子哉漆雕氏之子其言人之美也隱而顯其言人之過也
微而著故智不能及明不能見能無數卜乎

三仕三已

按國語云昔鬬子文三舍
令尹無一日之積恤民之

故也成王每出子文之祿必逃王止之而後復人謂子文曰
人生求富而子逃之何也對曰我逃死非逃富也參之國語
此卽三已之事春秋莊公三十年申公鬬般殺子元子文爲
令尹自毀其家以紓國難此子文爲令尹之始僖公二十年
子文帥師伐隨取成而還二十三年子玉伐陳取焦夷二邑
城頓而還子文以爲之功使子玉代已爲令尹二十八年子
玉與晉戰而敗自殺其後則鬬勃子上爲令尹莊三十年以
後僖二十二年以前二十八年之間正子文三仕三已之時
此其始末也宣公四年不念舊惡家語弟子行篇孔子曰不
子文卒子鬬般爲令尹叔齊之
行也

公冶長第五

何晏集解

邢昺疏

公冶長

張華云公冶長墓在陽城姑幕城東南五里所墓極
高舊說治長解禽語故繫之縲綬以其不經今不取

也

瑚璉

包註夏曰瑚殷曰璉周曰簠簋按明堂位說四代之
器云有虞氏之兩敦夏后氏之四璉殷之六瑚周之

八簋如記文則夏器名璉殷器名瑚而包咸鄭元等註此論
語賈服等註左傳皆云夏曰瑚或別有所據或相從而誤也

乘桴

馬曰編竹木大者曰桴小者曰桴

治其賦

周禮九夫爲井四井爲邑四

匹牛十二頭四邱爲甸六十四井出長轂一乘戎馬四匹牛十二頭四邱爲甸六十四井出長轂一乘戎

千室之邑

卿大夫之邑者大學云百乘之家不畜聚斂之臣鄭註云百乘之家有采地者此采地一同之廣輪也此云千室之邑百

乘之家者謂卿大夫采邑地有一同民有千家者司馬法成方十里出革車一乘故知百乘之家地一同也

與賓

客言

可使與鄰國之大賓小客言語應對也周禮有大事行客言語應對也周禮有大事行

子

謂子產

子產穆公之孫公子發之子名僑公子之子稱公孫襄二十年執鄭國之政公子發字子國公孫之子以

王父字爲氏據後而言故謂之國僑

晏平仲

平諡案左傳文知是晏桓子之子諡法治而清省曰平

居蔡

案世本孝公生僖伯彊彊生哀伯達達生伯氏瓶瓶生文仲辰則辰是公子彊曾孫也彊字子臧公孫之子以王父字爲

氏故氏曰臧也諡法云道德博厚曰文包曰蔡國君之守龜龜出蔡地因以爲名長尺有二寸居蔡僭也漢書食貨志云

元龜爲蔡龜不盈尺不得爲寶家語稱漆雕平對孔子云臧氏有守龜其名曰蔡文仲三年而爲一兆武仲三年而爲二

兆是大蔡乃大龜左傳仲尼謂之作子文左傳初若敖娶于虛器言有其器而無其位故曰虛也子文邲生鬬伯比若敖

卒從其母畜于邲淫于邲子之女生子文焉邲夫人使棄諸夢中虎乳之邲子田見之懼而歸夫人以告遂使收之楚人謂乳穀謂虎於菟故命之曰鬬

馬十乘

古以四馬共駕一車因謂四匹爲乘經言

十乘故知**三思**

案春秋文六年經書秋季孫行父如晉傳曰季文子將聘于晉使求遭喪之禮以行註云

聞晉侯疾故其人口將焉用之文子曰備豫不虞古之善教也求而無之實難過求何害八月乙亥晉襄卒杜預云所謂

三思故知文子魯大夫季孫行父也諡法云道德博厚曰文

甯武子

諡法剛強直理曰武

伯夷叔齊

案春秋少陽篇伯夷姓墨名允字公信伯長也夷諡叔齊名智字公達伯夷之弟齊亦諡也太史公曰伯夷叔齊孤竹君

之二子也父欲立叔齊及父卒叔齊讓伯夷伯夷曰父命也遂逃去叔齊亦不肯立而逃之國人立其中子於是伯夷叔

齊聞西伯善養老而歸之西伯卒武王載木主號爲文王東伐紂二子叩馬而諫曰父死不葬爰及干戈可謂孝乎以臣

弑君可謂仁乎左右欲兵之太公曰此義人也扶而去之武王有天下二子恥之不食周粟隱於首陽山采薇而食及餓

且死者是也

左邱明

魯之太史

雍也第六

朱子集註

南面者人君聽治之位

箋易說卦云離也者明也萬物皆相見南方之卦也聖人南面而聽天下

嚮明而治蓋取諸此也本義云離中虛明故可以爲南方之卦按說卦此節朱子云邵子謂此乃文王後天八卦莊

周所稱子桑戶者是也

箋莊子大宗師篇子桑戶孟子反子琴張三人相與友又云子興與子桑

友子桑病子興裹飯而食之又山木篇孔子問于子桑扈曰云云扈卽戶也

家語記伯子不衣冠

而處

箋家語無其文事蓋見于說苑第十九篇云孔子見子桑伯子子桑伯子不衣冠而處弟子曰夫子何爲見此

人乎曰其質美而無文吾欲說而文之孔子去子桑門人不說曰何爲見孔子乎曰其質美而文繁吾欲說而去其文子

桑伯子易野欲同人道于牛馬故仲弓曰太簡今按集註引家語乃誤記耳

弟子孰爲好學章

顏子三十二而卒

箋家語顏子少孔子二十歲年二十九而髮白三十二而早死詩書六藝

之學七十子非不通也

箋按史記仲尼弟子列傳受業身通者七十有七人註孔子家語亦有七

十七人唯文翁孔廟圖註七十人集註言七十子舉大數也程子曰學以至乎聖人之道

也箋集註所引自程子曰學以至乎聖人之道也至其亦異乎顏子之學矣此一段見伊川文集顏子所好何學論凡

七百餘字集中云先生始冠遊太學胡安定以是試諸生得此論大驚異即請相見遂以先生為學職子華使

齊章 釜六斗四升庾十六斗秉十六斛箋周禮桌氏為量量之為鬴容六斗

四升鬴深尺內方外圓象天包地外鬴釜同又按儀禮歸賓饗餼篇十斗曰斛十六斗曰數十六數曰秉則五秉者今之

八十石也又庾秉斛皆有二義如考工記陶人云庾實二穀鄭司農云穀讀為斛庾如請益與之庾之庾計穀受斗二升

庾實二穀則受二斗四升已又儀禮云四秉曰筥此秉謂刈禾盈手之秉也筥穢名也稻粱把為筥詩云此有遺秉彼有

不斂穢即此筥也是 孔子為魯司寇時以思為宰箋史記原憲字子思

鄭元云魯人家語云宋人少孔子三十六歲清靜守節貧而樂道孔子為魯司寇嘗為孔子幸後隱居于衛史記云亡在

中草澤五家為鄰二十五家為里萬二千五百家為鄉五百家

為黨箋通鑑外紀黃帝以井一為鄰鄰三為朋晉地里志堯制八家為鄰三鄰為朋周禮地官遂人則以五家為鄰

五鄰為里四里為鄰五鄰為鄙五鄙為縣五縣為遂而大司徒之職則五家為此五比為閭四閭為族五族為黨五黨為

州五州爲鄉註云間二十五家族百家黨五百家州二千五百家鄉萬二千五百家是則大司徒之比卽遂人之鄰大司徒之間卽遂人之里大司徒之黨卽遂人之鄙大司徒之鄉卽遂人之遂今朱子之註五家爲鄰二十五家爲里此二語本遂人之文萬二千五百家爲鄉五百家爲黨此二語本大司徒鄭註愚按大司徒掌建邦之土地之圖與其人民之數此郊內之制也遂人掌邦之野以土地之圖經田野造縣鄙形體之法此郊外之制也故遂人註云鄰里鄙縣遂猶郊內比閭族黨州鄉也鄭司農云田野之居其比伍之名與國中異制故五家爲鄰異其名者示相變耳

子謂仲

弓章

周人尙赤

箋義見爲政第二

角周正中犧牲也

箋按月令

仲秋命宰視循行犧牲視全具量大小視長短疏云純色曰犧體完曰全視長短者王制云祭天地之牛角繭栗宗廟之牛角握周正者卽長短全具之義中犧牲者欲其色之純也

仲弓父賤而行惡

箋家語弟子解冉雍

字仲弓生于不肖之父雍伯牛之宗族蓋冉耕字伯牛也

伯牛有疾章

禮病者居北牖

下君視之則遷於南牖下

箋禮喪大記疾病外內皆埽君大夫徹縣士去琴瑟寢東首於北牖

下註謂君來視之時也病者恆居北牖下牖或爲墉疏云知謂君來者鄉黨篇云疾君視之東首是也病者雖恆在于牖

下若君來視之時則暫時移嚮南牆下東首令君得南面而
視之纂疏胡氏曰寢廟別無北牖然北方有少牖謂之匪恐
北牖指此愚按匪父沸切說文隱也胡氏疑無北牖者蓋
鄭注北牖或為北牖疏亦云士喪下篇云東首于北牖下賢

哉回也章 尋仲尼顏子樂處箋集註所引程子曰乃明道先生之言見于通書後錄

子游為武城宰章 武城魯下邑箋地志在兗州之南城史遷之傳曾參曰南武城人

即此武城也滅明墓在兗州鄒城縣然又有左馬翊清河定襄皆以武城名縣故與魯之武城相疑而濟河特曰東武城

有弦歌臺述志者遂定舊為子游所宰之邑斯誤矣詳見豫章郡澹臺滅明墓友敘亭記謂武城為下邑者以井大夫采

地之澹臺姓滅明名箋史記字子羽少孔子三十九歲其貌

邑也丁孔子南游至江從弟子三百人友敘江南士大夫名施於

諸侯家語其人正直無私仕魯為大夫哀公八年傳云王犯

嘗為武城宰澹臺如飲射讀法之類箋集註飲射讀法之義

子羽之父好焉書百考云州長年以正月正歲及春秋祭社屬民讀教法一
年凡四黨正於四時孟月朔日及春秋祭社屬民讀教法一
法一年凡七族師每月朔及春秋祭社屬民讀教法一年凡十
四是一州長四讀黨正七讀族師十四讀一年之間凡二十五

讀法民其有不喻于教法者乎周
之人有上君子之行夫豈偶然哉
孟之反不伐章 莊周所

稱孟子反箋莊子大宗師篇子桑曰孟子反子事在哀公十

一年箋已見註疏纂要其時冉求帥左師樊遲為右冉有以

齊師故能人其知之好之樂之章 譬之五穀箋周禮夏官

日豫州其穀宜五種黍稷麥稻天官太宰知者樂水章

動而不括故樂箋易繫辭下君子藏器于身待時而動何不

括結也君子待時而齊一變至於魯章 魯猶存周公之法

制齊由桓公之霸為從簡尚功之治箋閔元年齊仲孫湫謂

二十一年邾人滅須句句音渠成風言于公曰魯猶秉周禮僖

田賦使冉有訪諸仲尼仲尼曰且子季孫欲行而法則周公

之典在昭二年晉韓宣子適魯見易象與魯春秋曰周禮盡
在魯矣吾乃今知周公之德與周之所以王云此所謂猶存
周公之法制也國語管仲為政制國為二十一鄉注云此非

周制不立卒伍不勝甲兵作內政而寄軍令則可速得志於天下注云內政國政此所謂從簡者也桓公令官長期而書伐蓋期年報功此所謂尚功者也大抵從簡尚功之意備見齊語然自太公始封三月而報政周公周公曰何疾也曰吾簡其君臣禮從其俗此齊俗急功利之始至齊桓管仲之爲則餘習耳

子見南子章

衛靈公

夫人有淫行

箋定公十四年衛侯爲夫人南子召宋朝會于洮注南子宋女朝宋公子舊通于南子朝在宋

故呼之衛太子蒯瞶嘗使齊過宋野人歌之曰旣定爾婁豬盡歸吾艾豨婁豬求子豬以喻南子艾豨喻宋朝艾老也

有見小君之禮

覲莊公二十四年經夫人姜氏至大夫執贄以見明臣覲用幣疏云禮小君至大夫執贄以見明臣

子之禮集成引穀梁子以爲大夫不見夫人而何休獨有郊迎執贄之說者傳卽夫人姜氏至之事按穀梁直言大夫

不見夫人且云用幣非禮也公羊則但言用幣非禮而不言

大夫不見夫人何休注以爲夫人至大夫皆郊迎朱子疑其

無考者以禮經皆無其文也按上相見禮始見于君執贄夫

人尊與君同亦當有禮相見杜云大夫始見用羔雁見夫人

亦當然

如所不與崔慶者

箋襄公二十五年崔子弑齊莊公慶封乃立簡公而盟國人曰所不與崔

慶者晏子仰天而嘆曰嬰所不唯忠於君利社稷者是與有如上帝

附錄

與之釜與之庾

釜則六斗四升庾則十六斗五秉則八十石冉子縱違夫子之命而多與之何至過多若

是其心三月不違仁

集成此章引語錄云三月只是言其久爾非謂三月後必違也此言顏子能久

於仁爾雍也仁而不佞章朱子又云如顏子亞聖猶不能無違于三月之後二說低悟學者詳之

再言賢哉

回也

易乾卦子曰其惟聖人乎知進退存亡而不失其正者其唯聖人乎繫辭云子曰天下何思何慮天下同歸而

殊塗一致而百慮天下何思何慮此皆夫子之語例也

君子儒小人儒

而指細民者不

與焉其曰硜硜之小人小人哉樊須從其小體爲小人之類此謂所見淺狹對大人而言者耳自餘以對君子者皆險賊

不正之屬也子夏之在聖門文學雖勝而心術之間或未盡善故以是微之

敬鬼神而遠之

表記

夏道尊命敬鬼神而遠之周人尊禮尚施事鬼敬神而遠之

雍也第六

何晏集解

邢昺疏

南面包曰言任諸侯之治**子桑伯子**王曰書傳無見焉鄭以此為秦大夫恐

非原思宰世家云孔子由中都為司空由司空為司寇魯司

為費宰孔曰季氏不臣而其邑宰數畔閔子騫賢故欲用之

畔又公山弗擾以**汶上**地理志云汶水出泰山萊**自牖執其**

手伯牛惡疾不欲見人故孔**一簞食**案鄭注曲禮云**奔而殿**

馬曰前曰啓後曰殿疏元戎十乘以先啓行是殿在軍後前

日啓也案哀公十一年齊師伐我及清孟孺子洩帥右師冉

求帥左師師及齊師戰于郊右師奔齊人從之孟之側後入

以為殿抽矢策其馬曰馬不進也文之不同者據所聞而記

之祝鮀之佞春秋定四年會于召陵盟于皋鼬將會衛子行

其使祝鮀從公曰善乃使子魚及臯鼬將盟將長蔡于衛衛

宋朝之美

孔註而訓反義亦通定十四年

樂水樂山

此章初明知仁之用三問知仁之功**觚**

云南子宋女也朝宋

是鮀有口才也

公舊通于南子

不觚

馬曰觚禮器一升曰爵二升曰觚疏所以盛酒二升案特性禮用二爵二觚四觶一角一散是觚為禮器也

夫子矢之

史記世家夫子至衛南子欲孔子來見辭謝不得已而見之夫人在絺帷中孔子入門北面稽首夫

人自帷中再拜環佩玉聲璆然孔子曰吾鄉為弗見見之禮答焉子路不悅夫子矢之曰天厭之天厭之是子見南子之事也樂肇曰言我之否屈乃天命所厭也

蔡謨云矢陳也夫子為子路陳天命也

述而第七

朱子集註

老彭見大戴禮

箋儒林傳戴德事漢宣帝為信都太傅戴聖為九江太守趙宋韓元吉敘小戴云蓋自漢

興得先儒禮書凡二百四篇戴德刪之為八十五篇謂之大戴禮戴聖又刪德之書為四十九篇謂之小戴禮今立之學

宮者小戴書也戴禮虞戴德篇子曰正于君唯無言言必盡于他人則否公曰教他人則如何子曰否正則不能昔商老

彭及仲傀官之教大夫技之教庶人揚則抑抑則揚包氏註老彭商賢大夫

志於道章

藝謂禮

樂之文射御書數之法

箋義見大學序文註

自行束脩章

十脰為束

芟禮記少儀壺酒束脯
疏云束脩十脰脯也
子行三軍章 萬二千五百人爲軍

箋周禮夏官司馬凡制軍萬有二千五百人爲軍王六軍大
國三軍次國二軍小國一軍將皆命卿尚書牧誓疏天子六

軍出自六鄉凡起徒役無過家一人故一鄉出一軍愚按地
官司徒鄉萬二千五百家故一鄉之軍萬二千五百人也又

按唐李衛公荅太宗云萬二千五百人爲軍者司馬法一萬
二千家十有二月五百家問餘窮陰極陽備物之功卒七十

五人者自五人而變爲二十五人自二十五人而變爲七十
五人小列之五人大列之二十五人參列之七十五人此則

步卒七十二人甲徒搏徒涉箋按註義所引蓋出爾雅釋訓
土三人之制也

也子之所慎章 齊之爲言齊也箋記祭統云齊之爲言聞
齊也齊不齊以致齊也

韶章 史記三月上有學之字箋史記三家兵攻昭公公居
乾父魯亂孔子適齊爲高昭

子家臣欲通乎景公與齊太師語
樂聞韶音學之三月不知肉味 夫子爲衛君章 國人立

蒯瞶之子輒箋事原見衛靈公夫人有淫行註蒯瞶以召宋
朝爲着謂戲陽速曰從我朝少君少君見顧乃

殺之速曰諾乃朝夫人太子三顧速不進夫人見其色曰太
子將殺子靈公怒太子奔宋哀公二年靈公薨初衛侯遊于

郊謂公子郢曰余無子將立女郢不對他日又謂之郢辭至是夫人欲立郢爲太子郢曰亡人之子輒在乃立輒輒卽出公蒯瞶卽夷齊扣馬而諫箋史記武王伐紂夷齊扣馬而諫莊公也

以臣弑君可謂忠乎左右欲殺之太公曰義士也扶而去之

隱於首陽山遂餓而死箋地

山在河東蒲坂華山之北河曲之中蒲坂卽舜舊都唐虞揖遜之地故夷齊隱于此采薇食之及餓死作歌曰登彼西山今采其薇矣以暴易暴兮不知其非矣神農虞夏忽焉沒兮我安適歸矣于嗟徂兮命之衰矣西山卽首陽山神農虞夏皆禪讓者又據史記本傳註蒲坂隴西首偃師縣邊西清源縣及五處皆有首陽各有案據先後不詳

加我數

年章 孔子年幾七十矣乃魯哀公之六年也自衛反魯則

哀公十一年孔子已六十八年註云學易時年已幾七十者此也又案史記云夫子晚而喜易作十翼謂上彖下象上象下象上繫下繫文言序卦說卦雜卦也讀易而葉公問孔子韋編三絕曰假我數年若是則我于易彬彬矣

葉公問孔子

於子路章 葉公楚葉縣尹按春秋諸臣世譜諸梁楚公族

沈尹戌之子楚昭王時魯定哀間楚縣尹稱公如白公之類此以邑名皆縣尹也楚尹雖僭稱公然齊亦有棠公衛有庾

公尹公魯而不知年數之不足箋表記子曰鄉道而行中道有費惠公而不知年數

之不足也俛焉曰天生德於予章向魋出於桓公箋宋世有華孳斃而后已

子向氏盼向羅上距盼五世向羅子曰魋欲害孔子箋史記巢曰魋曰頎日子車曰牛卽司馬牛也

衛適曹是歲魯定公卒孔子去魯適宋徐廣曰年表定公十三年孔子至衛十四年至陳哀公三年孔子過宋餘見註疏

纂子釣而不綱章弋以生絲繫矢而射箋按韻書繳射曰要故孟子繳而射

之集註亦云以繩繫矢十八藥繫韻亦作繳注生絲縷是以繩繫矢者繩卽生絲也繳韻弋箭著之以冒禽足謂之繳繳

也陳司敗章司敗官名楚之司敗見于文十年宣四年

昭公習於威儀之節箋按左傳昭公五年公如晉自郊勞至於贈賄無失禮晉侯謂女叔齊曰魯侯

不亦善于禮乎對曰云云是儀也不可謂禮不娶同姓箋坊禮屑焉習儀以亟言善於禮不亦遠乎

娶妻不取同姓以厚別也故買妾不知其姓則卜之以此防民魯春秋猶去夫人之姓曰吳其死曰孟子卒又案集註云

魯與吳皆姬姓者周太王三子長泰伯次季歷太伯仲雍有國于吳爲吳之祖季歷生子昌爲文王文王第四子

公旦公旦長子伯禽封于魯昭公去伯禽凡二十三世使若

宋女子姓者然

箋按史記殷紀昔契有功德唐虞之世封之商邱姓曰子氏殷乃契之後武王滅殷微子啟

紂之庶兄也武王崩周公封微子啟代殷後是爲宋故宋姓子氏詩云豈其取妻必宋之子是也誄者哀死

而述其行之詞

箋毛晃韻譌字註與誄同古者卿大夫歿則君命有司累其功德爲文以哀之曰譌周禮

小史掌讀誄是也論語誄曰禱爾于上下神祇蓋引古人誄辭以明疾病有禱祈之事非以誄爲禱也鄭氏注周禮遂以

譌爲禱誤監本注云禱也亦誤愚按晃韻注云累其功德爲文以哀之曰譌者此卽哀死而述其行之義也

附錄

述而不作

樂記作者謂聖述者謂明食於有喪者之側

暴虎馮河

詩小旻之詩曰不敢暴虎不敢馮河太叔于田之詩曰禮湯暴虎獻於公所或古有是語而夫子

引之在齊聞韶

齊陳舞以九叙惟歌卽九韶也或謂陳敬仲奔齊陳舞之後故有韶此說非也敬仲在齊非

司樂之官敬仲豈知韶者嘗考當時諸國惟魯諸樂最備季札來聘請觀周樂見舞韶簡者則魯有韶舊也謹按齊景公

三十一年太師摯自魯適齊夫子亦以是年適齊明年夫子與太師語樂聞韶音齊無韶而有韶竊謂自摯而後有韶也齊景公召太師作徵招角招招與韶同先儒謂卽舜韶樂太師雖不明言爲摯然以年考之不相先後未必非摯也聞韶之事劉向序之于初至齊之時子長繫之于適齊之後者夫子遣公西華使齊在景公三十一年華返命而夫子以是年十二月適齊正太師適齊之後先儒證以國語則尤可見其爲初至齊子長謂學之三月俱爲可疑夫子生于魯豈不知魯有韶又豈待至齊而後學之此二字所以論語不載且夫子學琴于師襄七日而精又何至學之三月先儒以三月爲音者其說爲是

伯夷叔齊

洪氏五筆云王逢原以九字斷之見王稼村文集

妙君娶於吳

按春秋哀公十二年夏五月孟子卒疏若不諱當云夫人姬氏薨以諱而云孟子孟子是夫人

之且字沒其氏書其且字又沒其薨而言卒皆爲同姓諱也傳云孔子與弔適季氏季氏不綽放絰而拜者孔子以季孫當服臣爲小君之禮故以小君禮往弔季氏而季氏不服喪故孔子亦不服弔服而去絰從主節制也是時孔子已致事故云與弔也胡氏曰昭公欲結好強吳以去三家之權忍娶同姓以混男女之別雖曰爲君隱而實不可隱矣又禮記雜記云夫人之不命于天子自魯昭公始也諸侯夫人亦天子所命而昭公娶同姓故不命于天子

謂之吳孟

子朱是子姓長女字孟故惠公元妃謂之孟子今昭公夫人謂之孟子者因諱同姓若言此夫人是宋國長女也然既

耳蓋論語謂之吳孟子者乃時人常言非經傳正文也

述而第七

何晏集解 邢昺疏

老彭正義曰卽莊子所謂彭祖也名鏗堯臣封于彭城歷虞夏至商年七百歲世本云姓鏗名鏗在商爲守藏史在

周爲柱下史年八百鏗音翦依仁游藝少儀云士依于德游

王弼云老昺是老聃彭是彭祖

數五禮占凶軍賓嘉也六樂雲門大咸大韶大夏大濩大武

也五射白矢參連刻注襄尺井儀也五馭鳴和鸞逐水曲過

君表舞交衢逐禽左也六書象形會意轉注指事假借諧聲

也九數方田粟米差分少廣商功均輸方程贏束修此是禮

其厚則有玉帛之屬哭則不歌檀弓云弔于是日馮河詩

故云以上以包之也聞韶疏春秋時陳公子完奔夫子爲衛

云馮陵也空涉水陵波而渡故訓爲陵也

君乎

定十四年荆贛謀殺靈公夫人南子不能而出奔宋哀公二年靈公卒夫人曰命公子郢郢辭曰亡人之子輒

在乃立輒晉趙鞅納蒯瞶于戚城衛石曼姑帥師圍戚是以子拒父也

桓魋其如子何

孔子適

宋與弟子習禮大樹下宋司馬桓魋欲殺孔子發此語是正也

言我

所爲無不與爾等共之者是正之心也

互鄉

疏云琳公云此互鄉難與言童子見八字通爲一句言此鄉有一童

子難與言非是一鄉皆難與言也

昭公知禮乎

春秋哀十二年夏五月甲辰孟子卒左氏傳曰昭公娶于

吳故不書姓此言謂之吳孟子是魯人常言坊記云魯春秋去夫人之姓曰吳其死曰孟子卒是舊史書爲孟子卒及仲

尼修春秋以魯人已知其非諱而不稱姬氏諱國惡禮也因而不改順時世也春秋去夫人之姓曰吳春秋無此文坊記

云然者禮夫人初至必書于冊若娶齊女則云夫人姜氏至自齊孟子初至之時亦當書曰夫人姬氏至自吳同姓不得

稱姬舊史所書蓋直云夫人至自吳是去夫人之姓直書曰吳而已仲尼修春秋以犯禮明著全去其文故經無其事也

論語集註箋義卷之一終

論語集註箋義卷之二

泰伯第八

朱子集註

三讓謂固遜也

箋記鄉飲酒云月者三日則成魄三月則成時是以禮有三遜

太王之時商

道寢衰而周日强大太王因有翦商之志

箋殷紀武丁修政殷道復興武丁崩

子祖庚立祖庚崩弟祖甲立而淫亂殷復興衰廩辛及庚丁之後武乙無道暴雷震死太丁立既崩帝乙立殷益衰子帝辛卽紂也周紀太王之時民皆歌樂之頌其德注卽詩頌云后稷之孫實維太王居岐之陽實始翦商古公少子季歷娶太任生子昌有聖瑞注有赤雀卿丹書止於昌戶公曰我世當有興者其在昌乎武王距太王四世則太王當在庚丁武乙之時卽與仲雍逃之荆蠻
箋春秋世本吳太伯初居句吳卽無錫縣後居平江府今有姑蘇臺其地
今之揚州廣德軍寧國府鄱陽湖文城分寧皆是也荆者楚之舊號越亦稱蠻吳地在楚越之界故稱荆蠻吳名起于太伯以前未有吳號吳言勾者夷之發聲猶言于
越耳史記吳世家太伯作吳五世而武王克殷
太伯不從事

見春秋傳

箋僖公五年傳晉侯復假道於虞以伐虢宮之奇諫公曰晉吾宗也豈害我哉對曰太伯虞仲太王

之昭也太伯不從是以不嗣虞仲卽仲雍言太伯不從太王翦商之志故逃之而不嗣于周

曾子有疾章

程子曰君子曰終小人曰死

箋記檀弓上子張病召申詳而語之曰君子曰終小人曰

死吾今日其庶幾乎注死之言漸也事卒爲終消盡爲漸

父母全而生之子全而歸之

箋

祭義曾子聞諸夫子曰父母全而生之子全而歸之可謂孝矣不虧其體不辱其身可謂全矣

興於詩章

詩本情性

箋漢翼奉治齊詩本傳云故詩之爲學情性而已文中子關子明篇子曰詩者民之情性也情性能

乎禮可以固人肌膚之會筋骸之束

箋禮運故禮義也者人之大端也而固人之肌

膚之會筋骸之束也

樂有五聲十二律更唱迭和以爲歌舞

箋注義大旨已見纂

疏詳考註意卽禮運五聲六律十二管還相爲宮是也還音旋案朱子格言云禮記註疏說五聲六律十二管還相爲宮

處最分明註云十二律陽曰律陰曰呂疏云舉陽律則陰呂從之律呂分布十二辰始于黃鐘管長九寸下生者三分去

一上生者三分益一終于仲呂更相爲宮凡六十也語錄云黃鐘爲宮則是大簇爲商姑洗爲角林鐘爲徵南呂爲羽還

至無射爲宮便是黃鐘爲商太簇爲角中呂爲徵林鐘爲羽
此卽十二管還相爲宮是也又如語錄云每聲分爲十二等
此卽禮記疏十二宮各有五聲凡六十聲是也蓋十二律分
配十二辰辰各有五聲其爲宮商之法亦如之辰各有五聲
故合爲六十聲是十二律之正聲也夫十二律之變至于六
十猶入卦之變至于六十四也禮運云五術四時十二月還
相爲本故五聲六律十二管還相爲宮所謂更唱迭和皆本
于相生隨其相生之次每辰各自爲宮各有五聲十二管相
生之次至仲呂而止其詳見于孔疏正義文多不錄今以隔
八相生圖列於左方以便所覽又按樂有五聲宮商角徵羽
者宮屬土君象也五常爲信商屬金臣象也五常爲義角屬
木民象也五常爲仁徵屬火事之象也五常爲禮羽屬水物
象也五常爲智又有七聲者乃益以變宮變徵二者乃樂之
和去聲而聲相連接處其說見於國語十二律則記十一月
見相生圖入音法八卦播入風叶入音兌音金其風闕國乾
音石其風不周離音絲其風景震音竹其風明庶民音匏其
風景坤音土其風涼坎音革其風廣莫巽音木其風清明竿
立春之音籥春分之音柷立夏之音笙夏至之音埙立秋之
音鐘秋分之音磬立冬之音鼓冬至之音其詳則律曆書通典皆可兼考

隔八相生之圖



章朝三暮四之術箋義已見纂疏師摯之始章亂樂

之卒章也箋詩之正風正雅周公所定樂歌之辭也按儀禮鄉飲酒禮工鼓瑟而歌鹿鳴四牡皇皇者華然後

笙入堂下磬南北面立樂南陔白華華黍又間歌魚麗笙由庚歌南有嘉魚笙崇邱歌南山有臺笙由儀乃合樂周南關

雎葛覃卷耳召南鵲巢采蘋采芣合樂者謂堂上有歌瑟堂下有笙磬合奏此詩也邦國燕禮則不歌笙間之後即合鄉

樂周南召南關雎鵲巢以下六詩鄉射禮則不歌不笙不問

端此六篇者其教之原也故用之鄉人用之邦國必以此而合樂焉此所謂佩也茲并樂之卒章乎而所謂關雎之亂以

黃鐘下生林鐘林鐘上生太簇太簇下生南呂南呂上生姑洗姑洗下生應鐘應鐘上生蕤賓蕤賓上生大呂大呂下生夷則夷則上生夾鐘夾鐘下生無射無射上生中呂中呂下生長短相生所生皆隔八位故曰隔八陽生陰曰下生陰生陽曰上生下生者管數多上生者管數少相去增減之數皆不出于三故曰三分損益詳見律書民可使由之

爲風始者關雎
爲國風之始也
孔子自衛反魯適師摯在官之初
箋定公十一年孔子相

夾谷之會十二年墮三都自後傳文無孔子之事史記以孔子是年去魯哀公十一年魯以幣迎孔子首尾凡十五年而

歸魯時師摯在官適
狂而不直章
馬之蹄齧者必善走
箋

齊人河者乃其後
音去聲周禮校人頌馬政攻其特注攻
其特爲其蹄齧不可乘用蹄大計反
舜有臣五人章
五

人禹稷契臯陶伯益
箋此語蓋本孔氏註
邑姜治內
箋左傳昭公元年常武王邑姜方震

太叔註邑姜武王后齊太公女姜姓昭十年鄭裨竈言今茲顓頊之墟有妖星告邑姜也注邑姜齊太公女晉唐叔之母

唐叔卽武王
亂本作乳
箋古乳字注澄之切理也又古爾字注今作亂說文治也孕相亂受治之

也有此二
春秋傳曰文王率殷之叛國以事紂
楚師爲陳叛

故猶在繁陽韓獻子患之言於朝曰文王率
末章
溝洫田

間水道
箋纂疏云溝洫之制見于周禮遂人匠人之職詳矣者按遂人凡治野夫間有遂遂上有徑十夫有溝溝

上有畛百夫有洫洫上有涂千夫有澮澮上有道萬夫有川川上有路匠人之爲溝洫耜廣五寸二耜爲耦一耦之伐廣

尺深尺謂之畝田首倍之廣二尺深二尺謂之遂九夫爲井井間廣四尺深四尺謂之溝方十里爲成成間廣八尺深八尺謂之洫方百里爲同同間廣二尋深二仞謂之澮專達于川鄭氏曰此畿內采地之制采地制井田異於鄉遂及公邑外焉賈氏曰其田南北細分者是一行爲夫十夫則於首爲橫溝十溝卽百夫于東畔爲南北之洫十洫南畔爲橫澮九澮四畔爲大川此川亦匠人造雖丈尺之數蓋亦倍澮鄭氏曰遂溝洫澮皆所以通水于川也遂廣深各二尺溝倍之洫倍溝澮廣二尋深二仞徑畛涂道路皆所以通車徒于國都也徑容牛馬畛容大車涂容乘車一軌道容二軌路容三軌杏溪傳寅百考云周禮五官多互文冬官雖亡考工其遺也其有與五官互文者苟參而考之則經之義自明匠人之爲溝洫說者謂與遂人稀稠不同指以爲采地井田法紛紛之爭殆十有餘年莫之決也愚不自揆取二官熟復之合圖之其溝洫澮川之數頗愜事理當人情愚然後知二官之法一也遂人言夫間之道以夫計故詳匠人言田首之道以里計故略蓋互文也彼記匠人者蓋得冬官之遺文與遂人互見其必知之矣鄭賈未詳其制強分鄉遂采地以爲溝洫異于井田固失穿鑿然其圖川澮與近世諸儒之說獨勝愚仍畫其圖於前而以愚之說圖之其圖有鄭氏遂人溝洫澮川之圖賈氏匠人溝洫澮川之圖及傳氏二圖茲不須載

附錄

勇而無禮則亂

記仲尼燕居子曰敬而不中禮謂之野恭而不中禮謂之給勇而不中禮謂之逆

仁

以爲已任

表記子曰仁之爲器重其爲道遠舉者莫之能勝也行者莫之能致也

危邦不入亂

邦不居

通鑑光武十二年初公孫述徵李業爲博士業稱疾不起迷羞不能致賜以毒藥酒業乃嘆曰古人危邦

不入亂邦不居爲此故也遂飲藥而死

六尺之孤

案韓詩外傳國中二十行役則七尺者二十歲其升降皆

五年則六尺者十五也

泰伯第八

何晏集解

邢昺疏

泰伯第八

泰伯

吳世家太伯之奔荆蠻自號勾吳荆蠻義之從而歸之千餘家立爲吳太伯太伯卒

無子弟仲雍立雍卒子季簡立季簡卒子叔達立叔達卒子周章立是時周武王克殷求太伯仲雍之後得周章章已君

吳因而封之乃封周章弟虞仲於周之北故夏墟列爲諸侯

其言也善

左氏傳魏顆父病困命使殺妾以殉

又晉趙孟孝伯病將死其語偷又晉程鄭問降階之道鄭然明以將死而有慈疾此等並是將死之時其言皆變常會子賢人至困猶善其中人以下未有疾病天奪之魄苟欲偷生則趙孟孝伯程鄭之徒不足怪也

六尺之孤

鄭元

註云年十五已下言已下者正謂十四已下亦可寄託非謂六尺可通十四已下鄭知六尺年十五者以周禮鄉大夫職云國中自七尺以及六十野自六尺以及六十有五皆征之以其國中七尺爲二十對六十野之六尺對六十五晚校五年明知六尺與七尺早校有臣五人孔曰禹稷契皋陶伯益五年故以六尺爲十五也

亂臣十人

太公望呂尙也東海上人其先祖嘗爲皋陶之子四岳佐禹平水上有功虞夏之際封于

呂本姓姜氏從其封姓故曰呂尙孫子兵法曰周之興也呂牙在殷則牙又是其名畢榮皆國名入爲天子公卿畢公文王庶子太閼散南宮皆氏顛天宜生适皆名也

黻冕

黻其色皆赤尊

卑以深淺爲異天子純朱諸侯黃朱大夫赤而已周禮司服云王之服祀昊天上帝則服大裘而冕祀五帝亦如之享先王則衮冕享先公饗射則鷩冕祀四望山川則毳冕祭社稷五祀則希冕祭羣小祀則元冕孤之服自希冕而下此禹之黻冕則五溝洫案考工記匠人爲溝洫耜廣五寸二耜爲耦冕皆是也

溝洫

耦之伐廣尺深尺謂之畎田首倍之廣二

尺深二尺謂之遂九夫爲井井間廣四尺深四尺謂之溝方十里爲成成間廣八尺深八尺謂之洫方百里爲同同間廣二尋深二仞謂之澮

子罕第九

朱子集註

麻冕禮也章

麻冕緇布冠也

箋冕者天子至于大夫之祭服也冠者自天子至於庶人之常服也玉藻曰始冠緇布冠自諸侯達元冠朱組纓天子之冠也居冠屬武自天子下達有事然後綏則知冠者自天子至于庶人之常服也周禮弁師掌王之五冕曰衮冕曰鷩冕曰毳冕曰希冕曰元冕司服云公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服大夫之服自元冕而下如孤之服士之服自皮弁而下如大夫之服所不同者天子之衮冕十二旒鷩冕九旒毳冕七旒希冕五旒元冕三旒旒各十二玉公之衮冕九旒九玉侯伯七旒七玉子男五旒五玉孤三旒三玉大夫二旒二玉耳雜記曰大夫冕而祭于公弁而祭于已士弁而祭于公冠而祭于已則知冕者自天子至于大夫之祭服也審爾則麻之與緇布冠不

同可知也按儀禮緇布冠缺項青組纓屬于缺緇纓廣終幅長六尺鄭曰缺讀如有頰者弁之類緇布無弁者著頰圍髮際結項中隅爲四綴以固冠也項中有緇亦由固頰而爲之耳纓今之幘梁也纓一幅長六尺足以韜髮而結之矣此緇布冠之制也按玉藻十二旒前後遂延疏冕以板爲之以延覆上延用三十升之布染之爲元覆于冕上出而前後故云前後遂延自虎通云麻冕女工之始國語曰夫人織紵紵古者績麻爲布上元下朱以爲冕之表裏以二尺二寸之幅而容二千四百縷之經則至精之布也至夫子時乃以絲易之爾此麻冕之制也書稱康王麻冕黼裳卿士邦君麻冕黼裳太保太史太宗皆麻冕彤裳則貴者之服也蔡氏傳云以三十升麻爲之是也當是時夫子猶爲大夫故得用麻冕今以緇布冠名之於義恐未安此蓋孔氏註云冕緇布冠也冠者首服之名冕者冠中之別號集註承其誤耳故三禮圖云語曰麻冕禮也蓋以布衣服上元下黃取天地之色白虎通云麻冕者何周宗廟之冠也前後遂延者進賢退不肖也以此證之義

子畏於匡章

陽虎曾暴於匡

箋史記孔子世家註匡在滑州匡城縣西

南十里宋之邑家語云匡人簡子以甲士圍孔子邢昺疏義所引顏刻蓋刻乃孔子弟子昔常從陽虎入匡所謂由彼缺者昔所被攻闢破之處也然謂匡爲宋地則可疑者按左傳定公六年陽虎侵鄭取匡獻其俘于晉時衛公叔文子曰天

九多陽虎之罪以斃之此暴于匡之明證也史記註匡宋邑在滑州考春秋疆理書及張洽地理沿革則宋無滑州惟鄭有滑州卽廩延也而朱之匡則開封府扶溝縣宋有承匡則在陳留襄邑縣史註豈非誤以承匡爲匡歟然又指爲滑州則非承匡矣姑

太宰問於子貢章 太宰官名或吳或宋未

可知也

箋按侯國冢宰之事司徒兼之其下當置小宰按曲禮天子建天官先六大音太一曰大宰蓋總攝羣職

者大夫曰太宰僭也羽父請殺桓公將以求太宰孔穎達云蓋欲魯時置此官以榮已以後更無太宰知魯竟不立之纂疏謂當時惟吳宋二國有是官者考之春秋宋有司馬督西鉏吾向帶皆爲太宰吳有太宰嚭然楚亦有公子辰伯州犂蕞敗疆爲太宰皆僭也洪氏稱宋太宰者列子仲尼第四云商太宰見孔子曰丘聖者歟孔子曰聖則吾何敢然則止博學多識者也鄭云吳太宰者以子貢曾與吳太宰語合論語問于子貢之說洪氏引列子之言則太宰自對夫子言而非問諸子貢者二

吾有知乎章 聖人之教人俯就之

箋記檀弓上云

過者俯而就之不及者跂而及之

鳳鳥不至章 鳳鳴於岐山河中龍馬負

圖

箋國語周惠王十五年內史過曰商之興也鸞鳳鳴于岐山其衰也杜

伯射王於鎬注鸞鸞鳳之別名詩云鳳凰鳴矣于彼高岡其在岐山之脊乎顧野王符瑞圖云昔伏羲之王天下也龍馬出河遂則其文以畫八卦謂之河圖又孔穎達易疏伏羲得河圖而作易

子疾病章

大葬謂君

臣禮葬

箋如喪大記君殯用輜櫨大夫殯輜輶君殯以衡大夫

侯及諸臣葬于墓者授之兆職喪掌事卿大夫士凡有爵者之喪是也輜勅倫反喪車也輜猶輶也輶木以周龍輶而塗之禱音道覆也疏謂棺衣覆之也殯以衡者諸侯下棺之時別以大夫爲衡而下備傾倒也成緘也大夫以綵緘之而下此皆禮葬之事也

曾子之死起而易簀

箋記檀弓上曾子寢疾童子

之簀與曾子聞之瞿然曰斯季孫之賜也我未之能易也吾何求哉吾得正而斃焉斯已矣舉扶而易之反席未安而沒註簀謂牀第也華畫也此乃大夫之牀簀也睨乃刮其節目字或爲刮

自衛反魯章

哀公十

一年冬孔子自衛反魯

箋世家冉有爲季氏將師與齊戰于郎克之註此哀公十一年也季康子

日子之於軍旅學之乎性之乎冉有曰學之於孔子在衛康子曰我欲召之可乎對曰欲召之則毋以小人間之則可矣而衛孔文子將攻太叔訪于仲尼仲尼辭不知退而命載而行會季康子逐公華公賓公林以幣迎孔子去魯凡十四年

而反哀是時周禮在魯

箋左傳昭公二年晉韓宣子適魯見易象與魯春秋曰周禮盡在魯矣

吾未見好德章

靈公與夫人同車

箋史記孔子只衛月餘靈公與夫人同車宦者

雍渠參乘出孔子為次乘云云家語又云顏刻曰夫子何恥之孔子曰詩云覯爾新婚以慰我心乃嘆曰吾未見好德如

好色者也後生可畏章

曾子曰五十而不以善聞則不聞矣

箋

子修身篇曾子曰年三十四十之間而無藝則無藝矣五十而不以善聞則不聞七十而未壞雖有後過亦可以免矣其

少不風誦其壯不論議其老不教訓亦可謂無業之人矣少而不弟焉恥也壯稱無德焉辱也老稱無禮焉罪也衣

敝緼袍章

緼臬著也

箋記玉藻緼為繻緼為袍註衣有著之稱著音灼今俗稱著絮是也臬即

今之紵絮晦翁解易乾坤之緼云緼衣絮也即如緼袍之緼言乾坤是易之骨子

可與共學章

易

九卦終于巽以行權

易繫辭云履以和行謙以制禮復以自知恒以一德損以遠害益以興利困

以寡怨非以辨義與以行權

漢儒以反經合道為權

案漢公羊桓十一年鄭蔡仲知權權者

何反於經然後有善者也此反經之論始於公羊也

唐棣之華章

唐棣郁李也

箋爾雅云

唐棣名移似白楊江東人呼夫移常棣棣今山中有棣樹子如櫻桃可食據此則似白楊者曰郁李卽唐棣也如櫻桃者常棣也纂疏引文集云論語及詩召南作唐棣小雅作常棣無作棠棣者然晉書曹志傳云周公之詠鴟梟召公之歌棠棣則亦有用作

偏晉書作翮。此條原本脫注今仍之

附錄

子畏於匡

沈道原曰君子畏乎在我者不我在天者不能窮理盡性此則在我者君子所當畏也既能窮理盡

性矣雖有一朝之患君子不患矣然則孔子何爲畏匡也曰此記者之云耳猶言作易者其有憂患乎以文王與紂之事

也天窮理盡性然後作易何憂患之有故匡人之圍以事觀之則爲可畏以理考之則非聖人所畏也

高堅前

後

語錄曰高堅前後只是箇中庸不可能記仲尼燕居云子貢問曰敢問何以爲此中也子曰禮乎禮夫禮所以制中

也故此章歸重

子欲居九夷

漢武元封三年置樂浪臨屯元菟真番郡班固曰元菟樂浪本

箕子所封箕子教其民以禮義田蠶織作爲民設禁八條有罪欲自贖者雖免爲庶人俗猶羞之嫁娶無所售是以其民

不相盜無門戶之閉婦人貞信不淫僻其田野飲食以簋豆可貴哉仁善之化也東夷天性柔順異于三方子欲居九夷

有以也夫鄭夾深六書序亦云東夷之俗
不啻晝夜
陸德明釋文音

仁仁者壽孔子欲之九夷浮海良有以也
捨集註音上聲楚辭辨證則從顏師古洪慶善之說以爲舍

止息也如屋舍次舍之義音去聲集註序於淳熙丁酉而辨
證題慶元已未相距蓋二十餘年然則正當

以去聲讀之石洞紀聞之說恐未及考此
松柏後凋
松相

霜雪而凋至春而後凋
唐棣之華
朱子小學樂器篇云唐棣枝類

後易葉故曰後凋
反左右相矯而來正因得合體均正偏喻管蔡失道反喻周

公誅殛恩按左傳僖公二十四年云召穆公思周德之不類
故糾合宗族于戚周而作詩曰棠棣之華鄂不韡韡云云小

序亦云閔管蔡失道而朱傳以爲序得之是二詩皆爲管蔡
而作唐棣乃獨爲逸詩何與李清臣辨之云彼作詩者因兄

弟之不咸而喻以唐棣旣曰爾思又曰豈不又云室遠夫子
意謂詩人失辭

所以刪而不取
子罕第九

何晏集解
邢昺疏

黨人
五百家
麻冕
冠者首服之大名冕者冠中之別號故冕

爲黨

得爲緇布冠也士冠禮曰陳服緇布冠記

曰始冠緇**畏匡**案世家云孔子去衛將適陳過匡顏刻為僕布之冠也

之以為魯之陽虎虎嘗暴匡人匡人於是遂止孔子孔子貌似陽虎拘焉五日匡人拘孔子益急弟子懼孔子曰云云包

註虎曾暴匡夫子弟子顏刻與虎俱行後又為夫子御至太匡匡人相與共識刻又孔子貌類陽虎故匡人以兵圍之

宰知我乎鄭云是吳太宰嚭也以左傳哀十二年公會吳于

子貢嘗適吳故鄭以為是吳太宰嚭也**齊衰者**齊衰周親之喪服也言**子疾病**

包曰疾甚曰病**居九夷**案東夷傳云夷有九種曰猺夷于夷方夷黃夷白夷赤夷元夷風夷陽夷又一曰元菟二

日樂浪三日高麗四曰滿飾五日鳧史六**自衛反魯**案左傳

日案家七曰東屠八曰委人九曰天鄙**哀十**

年冬衛孔文子將攻太叔也訪于仲尼仲尼曰胡簋之事則嘗學之矣甲兵之事未之聞也退命駕而行曰鳥則擇木木

豈能擇鳥文子遽止之曰圍豈敢度其私訪衛國之難也將止魯人以幣召之乃歸杜注云於是自衛反魯樂正雅頌各

得其所以**三軍**萬人為軍**匹夫**士大夫以上有妻媵庶人賤**緇**是也**袍**孔曰粗裘著也鄭元云緇謂今緇及舊絮也

鄉黨第十

朱子集註

朝與下大夫言章 王制諸侯上大夫卿下大夫五人箋記王制

大國三卿皆命于天子下大夫五人上士二十七人次國三卿二卿命于天子一卿命于其君下大夫五人上士二十七人小國二卿皆命于其君下大夫五人上士二十七人

擯者箋按儀禮云卿為上擯大夫為承擯士為紹擯謂主國之君使接賓客者紹繼也其位相承繼而出也諸侯相

見上擯與下介對下擯與上介對諸侯觀天子則上擯對末介末擯對上介蓋天子南面諸侯北面故也又見註疏纂要

儀禮諸侯觀天子圖及諸侯相朝聘圖附于左方

諸侯觀天子圖及諸侯相朝聘圖附于左方
上大夫次大夫次士次介次每介相去三尺六尺

賓

大門闌

子天觀侯諸侯觀天子圖及諸侯相朝聘圖附于左方
侯伯七介四擯公與子男擯介之數又異

如上公九命則用五人以次傳命

箋周禮大宗伯以九儀之命正邦國之位一命受職

再命受服三命受位四命受器五命受則六命賜官七命賜國八命作牧九命作伯又周禮秋官大行人司儀之職大行人以九儀辨諸侯之命而上公侯伯子男之介擯各有差九儀謂命者五公侯伯子男也爵者四孤卿大夫士也司儀掌九儀之賓客擯謂之禮出

入公門章

禮士大夫出入君門

由闌右

箋曲禮註門以向堂爲正右在東主人位在門東客位在門西臣統於君不敢由賓故說闌東也此語最

明白故語錄云自外入右正與此合然又云此右字自內出而言則二說矛盾矣讀者詳之振闌之間見玉藻振音屑

執圭章

執主器

箋凡執主器執輕如不克疏主君也聘禮日上介執玉如重郊特牲上介執圭而使

所以申信也

晁氏曰孔子定公九年仕魯十三年適齊其間絕無

朝聘往來之禮

箋史記定公十四年孔子因齊人歸女樂遂去魯適衛晁氏謂適齊與史不合不知何所

據且孔子方以齊人歸女樂而去決無適齊之理

紺緌飾章

緌絳色

箋按考工記鍾氏染羽五

入爲緌鄭註云染纁者三入而成又再染以黑則爲緌如爵頭色也又復再染以黑乃成緌矣凡元色者在緌緌之間其

六人考與審此則綴非終
袵單也
箋曲禮曰袵絺綌不入公門鄭註袵單也孔子曰當

暑袵絺綌必表而出之爲其形褻也又玉藻振絺綌不入公門註振讀爲袵袵禪也
詩所謂蒙彼絺綌

箋按衛風君子偕老詩蒙彼絺綌是泄裯也註夏則裯衣絺綌展衣必覆彼絺綌之上絺綌是當暑泄去裯延烝熱之服

也展衣者夏則裏之以絺綌據此則所引詩似與表而出之義不合朱子詩傳亦云展衣以蒙絺綌又曰或云蒙謂加

絺綌於表衣之上所謂表而出之也合而觀之讀者宜詳其義
集疏黃衣狐裘則大蜡息民

之服也
箋記郊特牲黃衣黃冠以祭息田夫也李秋而草木黃落服象其時物之色
鬴礪之屬
箋

內則子事父母左右佩用有小鬴大鬴刀礪鬴如錐以象骨爲之所以解結刀小刀及礪礪也
其餘若深衣

要半下齊倍要
箋齊音咨要半下者按深衣要縫半下注云三分要中減一以益下下宜寬也齊倍要者

玉藻云縫齊倍要疏云齊謂裳之下畔要謂裳之上畔言縫下畔之廣倍於要中之廣謂齊廣一丈四尺四寸則要廣七


尺二寸也

儀禮裳制圖

要辟積



深衣制



前後共一丈四尺四寸此所謂齊倍要也殺縫之殺音去聲

明衣布章

浴竟即著明衣

箋記玉藻浴用二巾上絺下絺出杆履蒲席衣布晞身乃履

不飲酒不如葷

箋莊子人間世篇顏淵曰回之家貧唯不飲酒不茹葷者數月矣若此則可以為齋乎仲

尼曰是祭祀之齋非心齋也

食不厭精章

精鑿也

箋鑿亦作業韻注精細也說文糲米一斛

春為九斗日鑿左傳云菜食不鑿詩云白石鑿鑿取其明之義也

聶而切之為膾

箋記內則肉腥細者

為膾人者為軒膾者必先軒之所謂聶而切之也蓋聶則大切切則細切先大切而後細切也軒或為胖音判又周禮或

體而不切或牒而切之牒與聶同

漢陸績之母

箋後漢明帝十四年吳郡太守尹興門下掾陸績智連連

楚王夷事詣廷尉續母自吳來洛陽作食以饋績續對食泣曰母來不得見怡獄使者問何以知之績曰母切肉未嘗不

方斷葱以寸爲度故知之使者以狀聞上乃赦之食肉用醬各有所宜箋記內則魚膳用芥醬麋

腥濡雞濡鰾用醯醬濡魚用卵醬實蓼之類濡音而以汁和者卵音鰾魚子也薑通神明去穢惡箋按

本草卷第八章部云溫州生姜从服去戶从通神明答述曰語自言曰言箋周禮大司樂以樂語教

國子鄭註發端曰言述谷口語古人飲食每種各出少許置之豆間之地朱箋

子語錄古人祭固十地祭食豆間有板盛之卒食服去鄉人飲酒章六十杖於鄉箋記

王制五十杖於家六十杖於鄉七十杖於國八十杖於朝周禮方相氏箋周禮夏官方相氏掌蒙熊皮黃金

四目元衣朱裳執戈揚盾帥百隸而時難以索室毆瘞大喪先薦及墓人曠以文擊四隅敵方良方相猶言倣想可畏之

貌難與讎同方亦必朝服而臨之箋郊特牲注君賜食章朝服祭服也

王曰一舉膳夫授祭品嘗食箋周禮天官膳夫掌王食飭膳羞王日一舉以樂侑食膳夫授

祭甸品嘗食王乃食注食飯也飲酒漿也膳牲肉也羞有味者殺牲盛饌日舉三日一舉以朝食也祭謂刲肺脊也禮飲

食必祭示有所先品者每物皆嘗之道者也刲音付斷也割也切也寢不尸章惰慢之

氣不設於身體

箋樂記情慢邪辟之氣不設于身體使耳目鼻口心志百體皆順正以行其義

負版

持邦國圖籍者

箋周禮大司徒掌建邦之土地之圖與其民之數秋官司民掌登萬民之數自生齒以上

皆書于版注男八月女七月而生齒版今戶籍也

周禮獻民數於王

箋秋官司民及三年大比以萬

民之數詔司寇及孟冬祀司民之日獻其數於王王拜受之登于天府又小司寇之職及大比登民數自生齒以上登于

天府孟冬祀司民星也獻民數於王王拜受

記曰若有疾風迅雷甚雨則必變

箋

玉藻君子之居恒當戶寢恒東首若有疾風迅雷甚雨則必變雖夜必興衣服冠而坐

升車章

顧不

過轂

箋纂疏引語錄云立視五嶺此乃曲禮文嶺猶規也車輪一周爲一嶺

末章

嗅當作臭

箋爾雅云鳥曰臭張兩翅皆氣體所須臭字乃從目從大今作臭恐誤石經二字已見大學或問漢石刻詞箋義

附錄

入公門

儀禮受玉入門鞠躬焉如恐失之玉藻賓入公門行不履闕

行不履闕

曲禮士大夫出入君

門由闕右行不履闕玉藻賓入不中鞠躬如也

儀禮受王云下階發氣怡

然再三舉足又趨注云孔子升堂鞠躬如也出降一等望顏色怡怡如也沒階趨翼如也**緇衣羔裘**羔裘

豹飾緇衣以裼之**去喪無所不佩**玉藻凡帶必有佩玉唯喪則否注謂天子以至士記

而纖無所不佩問傳中月而禮禪**羔裘元冠不以弔**檀弓夫子曰始死羔裘元冠者易之而已羔裘

不以弔**鄉人傺**郊特牲鄉人謁孔子朝服立于廡焚孔子拜鄉人爲火來者拜之士一大夫再亦弔之道也又

家語孔子爲大司寇廡焚子退朝而之火所鄉人有爲火來者拜之子貢問曰敢問何也孔子曰其

來者亦相弔之道也吾爲有司故拜之**君命召**玉藻凡君召有三節二節

以走一節以趨在官不侯屢在外不侯車注君使朋友死使召臣急則持二節緩則持一節今漢使者擁節

夫子曰生於我乎**山梁雌雉**集註云有闕文愚意謂當是山梁雌雉翔而後集子曰時哉時

哉子路共之三嗅而作嗅作晏子曰色斯舉矣如此則文從義順似不費詞讀音當更詳之**沽酒市脯**魏

山師友雅言云詩有酒醕我無酒沽我醕酒曰沽沽音古鄭謂醕酒非三代無沽酒者沽酒市脯亦謂

一宿酒耳鶴山云只是个不好的字溫也惡也而謂醕醕之沽久經意

鄉黨第十

何晏集解

邢昺疏

衣前後檐如

一僂一仰前後檐如也

君召使擯

賓之副曰介主之副曰摯若諸侯自行則介各

從其命數至主國大門外主人及摯出門相接若主君是公則摯者五人侯伯則摯者四人子男則摯者三人所以不隨命數者謙也賓若是公來至門外直當闕西去門九十步而下車當軹北向而立軹轂末也其侯伯立當前侯胡下子男立當衡衡謂車軹其君當軹而九介立在君之側迤邐西北並東向而列主人出直闕東南西南向立摯在主人之南迤邐東南立並西向使末摯與末介相對中間旁相去三丈六尺列摯介既竟則主君就摯求辭所以須求辭者不敢自許人來詣已恐爲他事而至故就求辭自謙之道也求辭之法主人先傳求辭之言與上摯上摯以至次摯摯傳以至末摯末摯傳與賓之末介以次繼傳之上至於賓賓答辭隨其來意又從上介而傳下至末介末介又傳與末摯末摯傳相次而上至于主人傳辭既竟而後進迎賓至門諸侯使卿大夫相聘其介與朝位各下其君一等主君待之摯數如待其君其有異者主君至大門而不出限南面而立也若公之使亦直闕西北向七介而去門七十步侯伯之使列五介而去門五

十步子男之使三介而去門三十步上擯出闕外闌東南西
向陳介西北東向迤邐如君自相見也而末介末擯相對亦
相去三丈六尺陳擯介竟則不傳命而上擯送至末擯間南
揖賓賓亦進至末介間上擯與賓相去亦三丈六尺而上擯
揖而請事入告君君在

執圭

執王之禮大宗伯云公執桓圭
注云雙植謂之恒桓宮室之象

限內後乃相與入也所以安其上也圭長九寸侯執信圭伯執躬圭解云蓋皆象
以人形爲琢飾文有組紃耳欲其慎行以保身圭皆長七寸
注南儒者注云直者爲信其文縟細曲者爲躬其文粗略義
或然也子執穀璧男執蒲璧注穀所以養人蒲乃爲席所以
安人蓋琢爲穀稼及蒲葦之文皆徑五寸其璧則內有孔其
孔謂之好故爾雅釋器云肉倍好謂之璧好倍肉謂之瑗肉
好若一

紼

考工記云三入爲紼五入爲緇七入爲緇註云
染紼者三入而成又再染以黑則爲緇又再染

以黑乃表而出之

加上衣暑則單服必加尙表朝服而朝朝
衣然後出之爲其形褻故也朝服而朝朝

朝服而朝

服

皮弁服七冠禮云皮弁服素積緇帶素韠註云此與君視朝
之服也皮弁者以白鹿皮爲冠象上古也積猶辟也以素爲
常辟變其要中魯自文公不視朝孔子恐其禮廢故每
月朔必衣此視朝之服而朝于君所謂我愛其禮也

沽酒

市脯

酒富言飲而亦云不食者因脯而并言之耳經傳之文
此類多矣易繫辭云潤之以風雨王澤大矣不得造

車馬皆從
而省又也

食不語食不可語語則口中可
增寢息宜靜故不言也

先進第十一

朱子集註

野謂郊外之民

後國外曰郊郊外曰野郊有遠郊近郊四郊之分周禮縣師掌郊里之地註郊在國之外

載師及司勳職遠郊近郊之征役註五十里為近郊百里為遠郊小司徒及閭師遂士掌四郊註曰郊皆去國百里周禮

小司徒井牧其田野遂人以土地之圖經田野鄭氏曰地距王城二百里以外至三百曰野賈氏曰爾雅云郊外曰野者

非謂郊外二百里之中縱四百里及五百里皆得謂之野是以遂人亦云掌野野亦謂百里郊外至五百里皆稱野也又

禮記王制大學在郊註引尚書大傳四百里之國二百里之郊七十里之國九里之郊五十里之國三里之郊此乃殷制

也疏周制則司馬法云天子畿內千里百里為郊聘禮註云上公五十里侯伯三十里子男十里近郊各半之蓋欲

損過以就中也

箋易大過卦巽下兌上初六上六皆陰柔象日棟橈本末弱也過剛而中巽而說行利有攸往乃亨本義云大過既棟橈則不好了卻因剛而能中巽而說行所以利有攸往也小過艮下震上上下二體皆陰象

而說行所以利有攸往也小過艮下震上上下二體皆陰象

曰柔得中是以小事吉也剛失位而不中是以不可大事也
本義云小謂陰也陰多于陽小者過也然二五皆以柔得中
故可小事而吉三四皆以剛失位而不中故不可大事二卦皆欲損過就中之象也

從我於陳蔡章

孔子嘗厄於陳蔡之間

箋家語楚昭王聘孔子孔子往拜禮焉路出于陳蔡陳蔡大夫相與謀曰

孔子聖賢其所譏刺皆中諸侯之病若用事於楚則陳蔡危矣遂使徒兵拒孔子不得行絕糧七日子貢以所賫貨竊犯圍而出告糴于野人得米壹石炊之史記云哀公四年孔子在陳蔡之間楚使人聘孔子孔子將往陳蔡大夫謀曰孔子賢者久留陳蔡用事于楚則陳蔡危矣於是發徒役圍孔子于野不得行絕糧七日乃使子貢至楚楚昭王興師迎之孔子然後得免家語云孔子因楚聘路經陳蔡并目其所長分史記云孔子久留陳蔡而楚聘之二說小異

爲四科

箋四科二字始于孟子註蓋盡心上云有事君人者事是君則爲容悅者也

趙岐註凡此四科優劣之差又後漢鄭元傳云仲尼之門教以四科回賜之徒不稱官闕班固傳云十子才兼四科邢昺疏夫子門徒三千達者七十有二而此四科唯舉十人者但言其翹楚者耳集註則本疏文

故知十哲世

俗論也

箋唐書高宗顯慶二年以孔子爲先聖顏回爲先師總章元年贈顏回太子少師曾參太子少保唐藝文

和家大極元年加贈顏回太子太師曾參太子太保配享孔子廟皆未見有十哲之論元宗開元八年國子司業李鼎奏四科弟子宜參配享制曰顏生等十哲宜為坐像悉令從祀此十哲之論所從始也 **三復白圭章**

事見家語 箋南宮括字子容居南宮因姓焉孟僖子之子家語云獨居思仁公言思義其於詩也則一日三復

言寸之站是南宮縚之行也 **顏路請子之車章** 鯉孔子之子先孔子卒

箋家語孔子三歲而父叔梁紇卒葬于防至十九娶于宋開官氏一歲而生伯魚魚之生也魯昭公以鯉魚賜孔子榮君

之賜故因以名曰鯉字伯魚魚年五十先孔子卒 **孔子遇舊館人之喪嘗脫驂以賻**

之 箋檀弓孔子適衛遇舊館人之喪入而哭之哀出使子貢脫驂以賻之 **命車不可鬻諸市** 箋

制命服命車不弔于市註云尊物非民所宜有按曲禮夫為人子三賜不及車馬註凡仕者一命受爵再命受衣服三命

受車馬周禮春官九儀之命無命車 **問事鬼神章** **非原始而知所以生則必**

不能反終而知所以死 箋易上繫云知幽明之故原始反終故知生死之說竊詳註文蓋本此義

閔子侍側章 子路卒死於孔悝之難 箋衛世子蒯聵欲弑其母南子得罪靈公

定十四年出奔晉靈公卒遺命立公子郢靈公第三子也郢
辭哀公二年國人立蒯瞶之子輒出公立十二年其父蒯瞶
居外不得入子路爲衛大夫孔惺之邑寧哀十四年蒯瞶入
孔惺家遂與其徒攻出公出公奔魯方孔惺作亂子路在外
間之而馳入造蒯瞶蒯瞶與孔惺登臺子路曰君焉用孔惺
請得而殺之蒯瞶乃下石乞孟厲攻子路擊斷子路之纓子
路遂結纓而死孔惺乃孔文子之子文子
娶蒯瞶之姊生惺惺母孔姬迫惺納之

由之瑟章

北鄙

殺伐之聲

箋家語辯樂解子路鼓瑟孔子聞之謂冉有曰甚
矣由之不才也夫先王之制音也奏中聲以爲節

流入于南不入于北南者生育之鄉北者殺伐之域舜彈南
風之詩其興也勃然殷紂好爲北鄙之音其亡也忽然云云

季氏富於周公章

急賦稅以益其富

箋魯自襄公十一年
初作三軍十二分其

國民三家得七公得其五國民不盡屬公公室已卑矣昭公
五年三月舍中軍傳云卑公室也蓋四分公室三家自取其
稅減已稅以貢於公國民不復屬於公公室愈卑矣四分者
叔孫氏孟孫氏各得其一而季氏獨取其二是季氏之賦又
多於二子矣哀公十一年季孫欲以田賦使冉有訪諸仲尼
仲尼曰若不度禮而貪冒無厭則雖以田賦將又不足且子
季孫若欲行而法則有周公之典在若欲苟而行之又何訪
焉弗聽明年終用田賦蓋司馬法方里爲井四井爲邑四邑

爲邱邱出馬一匹牛三頭四邱爲甸甸乃有馬四匹牛十二頭是爲革車一乘此乃邱賦也今用田賦則改其舊賈達以爲欲令一井之間出一邱之稅并別出馬一匹牛三頭若如此則一邱之內有一十六井其出牛馬乃多于常一十六倍杜氏以爲如此則賦太多非民所能給故改之舊制邱賦之法田之所收及家內資財并共一馬三牛今欲別其田及家資各爲一賦計一邱民之家資令出一馬三牛又計其田之所收更出一馬三牛是爲所出倍于常也舊田與家資同賦今欲別賦其田故言欲以田賦也已上左傳疏愚按冉有聚歛卽田賦之事集計謂急賦稅以益其富者蓋舍中軍之時季氏已于四分之中獨得其二今又急于田賦是益富也左傳于仲尼荅冉有之間必曰有周公之典在故論語謂季氏富於周公者此也此聲其罪以責之箋春秋莊公二十九年段大意又見魯語傳凡師有鐘鼓曰伐註云聲其罪疏鳴鐘鼓回也其庶乎章賜不幸言而中箋事聲其罪往討伐之見註

疏纂

子畏於匡章

民生於三事之如一

箋國語晉武公伐翼殺哀侯止欒其

子曰苟無死吾以子見天子令子爲上卿制晉國之政辭曰臣聞之民生於三事之如一父生之師教之君食之非父不生非食不長非教不知生之族也故壹事之惟其所在則致死焉人之道也欒共子哀侯大夫又檀弓言事親事君事師

服勤至死意與此同子羔爲費宰章子產說學而從政箋此乃集成引語錄之言

左傳鄭子皮欲使尹何爲邑子產曰未知可否子皮曰使夫往而學焉子產曰不可僑聞之學而後從政未聞以政學者

也若果行此必有所害四子侍坐章我雖年少長於女箋家語子路少孔子九歲

冉求少二十九歲公西華少四歲梁襄二十年又云五穀不升謂之大饑一穀不升謂之饑二穀不升謂之饑三穀不升謂之饑四穀不升謂之饑五穀

不升謂之大侵集註所引乃出爾雅凡方六七十小國也五

草菜可食者通名爲藟升音登嘽卽歉

六十里則又小矣箋記王制凡四海之內九州州方千里州建百里之國三十七十里之國六十五十

里之國百有二十凡二百一十國又云天子之縣內方百里之國凡七十里之國二十有一五十里之國六十有三凡九

十三端元端服箋纂疏輔氏引記玉藻天子元端朝日諸侯元端以祭是已考鄭注則端皆當爲冕字之

誤也謂元衣而章甫禮冠箋纂疏引輔氏云夏曰母追商曰冕二義宜詳之章甫禮冠章甫周曰委貌者語出記郊特牲

云委貌周道也章甫殷道也母追夏后氏之道也詩或謂委貌爲元冠母追上音牟下音堆孔穎達疏云鄭注上冠禮委

安也言所以安正容貌章明也殷質言所以表明大夫也母發聲追猶堆也夏后氏質以其形名之正義曰此云委貌而儀禮記稱元冠故云單袷之衣是袷二字乃二義單是單衣袷或謂委貌爲元冠

祭天禱雨之處

箋月令有司大雩凡雩天子主上帝諸侯主星辰山川故謂祭天雩大旱之祭也雩

者吁嗟也旱而吁嗟故曰禱雨雩雩者巫覡歌舞以求神故曰舞雩春秋魯之大雩二十有一

附錄

由也不得其死

哀公十五年孔子聞衛亂曰柴也其來由也死矣檀弓孔子哭子路於中庭有人弔者而

夫子拜之既哭進使者而問魯人爲長府胡文定公云春秋故使者曰醢之矣遂命覆醢

興作不時害義固爲罪矣雖時且義亦書見勞民爲重事師也今考春秋不見有長府之書或者因閔子之語而止耶

過商不及

記仲尼燕居子曰師

子羔爲費宰

春秋疆理書費邑初賜季友其

後遂爲季氏邑

四子侍坐

考子路冉有公西華所對與公治長所載孟武伯問子路冉有公西

華者如出一口子路曰千乘之國攝乎大國之間云云此卽夫子許以千乘之國可使治其賦也冉有則曰方六七十云

云此卽夫子許以千室之邑百乘之家可使爲之宰也公西則宗廟之事卽夫子許以束帶立於朝可使與賓客言也

端章甫

元端之用天子以爲燕服及齊服大夫以齊士祭以筮日大夫士以爲私朝之服子以事親士以擯相或

旣冠則服之以見鄉大夫鄉先生如晉侯端委入武庫劉定公曰吾端委以治民晏平仲端委以立于虎門則元端之用多尤爲尤多也

先進第十一

何晏集解

邢昺疏

億則屢中

定十五年春邾隱公來朝子貢觀焉邾子執玉高其容仰公受玉卑其容俯子貢曰以禮觀之二君

皆有死亡焉夏五月壬申公薨仲尼曰賜不**小相**相爲主君幸言而中哀七年以邾子益來是其屢中也**小相**擯者及賓之介也聘禮云卿爲上擯大夫爲承擯士爲紹擯又卿爲上介大夫爲承介士爲末介小相者不敢爲上擯上介之卿願爲承擯紹次介末介之大夫士耳

顏淵第十二

朱子集註

克勝也

箋揚子問神篇云勝已之私之謂克

勿者禁止之辭

箋通志六書略云勿者州里之旗也

而爲勿不之勿故語錄謂勿字似旗脚者勿本爲旗

司馬牛憂曰章

牛有兄死也

箋宋景公患桓魋公使夫人驟請享焉夫人景公母也未及

遂攻魋其弟司馬牛致其邑與珪而適齊陳成子使爲次卿

向魋亦奔齊司馬牛又致其邑適吳吳人惡之而反卒於魯

郭門又見註疏纂要子夏哭子喪明

箋檀弓子夏喪其子而喪其明曾子弔之曰吾聞之朋友喪明則哭

之

子張問明章 易所謂剝床以膚

在下而方生一陽在上而將盡陰盛長而陽消落九月之卦也初六剝床以足剝自下起六二剝床以辨辨床餘也進而上矣六三剝之无咎衆陰方剝陽而已獨應之失其黨而從正无咎之道也註疏云六三與陽相應可无咎文四剝床以膚凶陰禍切身故象曰哀公問於有若章

周制

云云故謂之徹

箋篤公劉詩云徹田爲糧朱子云周魯自宣公稅畝宣

公十五年經書初稅畝傳云初稅畝非禮也穀出不過藉以豐財也註借民力治田稅不出此百姓足君孰與不足此豐財也

征歛無藝

箋周禮匠人九井鄭注諸侯專一國之政道也為其貪暴稅民無藝賈公彥疏藝為準法

齊

景公問政章

大夫陳氏厚施於國

箋史記陳氏之先陳完自陳奔齊桓公使為卿

齊莊公景公時陳文子陳桓子始大于齊行陰德於民以大斗貨粟以小斗受之晏子曰在禮家私不及國景公不能止

景公又多內嬖而不立太子

箋史記齊世家景公妾燕姬生子未冠而死驥聲姬無子

鬻姒生荼胡姬生陽生哀公五年齊侯疾使國惠子高昭子立荼號安孺子秋景公卒公子嘉公子駒公子黔公子鉏公子陽生皆出奔

陳氏弑君篡國

箋哀公六年陳僖子使召公子陽生於魯陳乞弑荼陽生立是為悼公哀

十年齊人弑之子王立是為簡公哀十四年陳恆弑之簡公弟平公立平公以下後二世七十年時周安王十一年田常遷其君齊康公於海上使食一城康公名貨

片言折獄章

宿留也

箋舊訓宿為豫今訓留

小邾射以句繹來奔

箋哀公十四年傳小邾射以句繹來

奔自使季路要我吾無盟矣使子路子路辭季康子使冉有謂之日千乘之國不信其盟而信子之言子何辱焉對曰魯

有事于小邾不敢問故死其城下可也彼不臣而濟其言是義之也由弗能子路意謂魯或有爭伐小邾非已敵問則已言不信愧死其城下可也又射是竊地叛臣與之相要是以射為義恥與不義交好故弗從射是邾之大夫句繹地名射音亦句

季康子問政前章 魯自中葉政由大夫 至甚矣 箋

音勾 事見註疏纂要季氏第十六子曰天下有道章季康子名肥季桓子之子

附錄

克己復禮 左傳昭公十二年仲尼曰古也有志克己復禮仁也又家語正論解孔子曰古者有志克己復禮為

仁是夫子答顏回 崇德辨惑 子張問崇德辨惑樊遲問崇子之說古有是語

張問崇德辨惑錯簡 賓退錄趙與時云平菴趙先生云忠信之學者之學聖人益不止此富者道盛德至善之謂常人不

能主忠信不能從義愛之者未免欲其生惡之者未免欲其死若能反之誠未可謂之至善但亦足以異 政者正也 記哀

政者正也君為政則百姓從矣

顏淵第十二

何晏集解

邢昺疏

人皆有兄弟

哀十四年宋桓魋之寵害於公公將討之未及

以命其徒攻桓氏向魋遂入于曹以叛民叛之而奔衛遂奔齊是其行惡死亡之事也桓氏即向魋也又謂之桓司馬

二吾猶不足

魯宣公十五年年初稅畝又履其餘畝更復十收其一乃是十取其二故此哀公曰二吾猶不足

則知從宣公之後遂以十二為常故曰初言初稅十二自宣公始

君不君臣不臣

史記田完世家完卒

諡為敬仲仲生穉孟夷夷生狓孟莊莊生文子須無文子生桓子無宇桓子生武子啟及僖子乞乞卒子常代之是為田

成子成子執簡公專齊政成子生襄子盤盤博學於文或本

生莊子白白生大公和和遷齊康公于海上君子博學于文舞雩包曰舞雩之處有壇墠樹木疏封土為壇除地為墠

子路第十三

朱子集註

以身勞之則雖勤不怨

箋纂疏引語錄云如古人戴星而出戴星而人星言夙駕稅于桑田與夫

以時循行阡陌躬行講武之類按呂氏春秋云宓子賤彈鳴琴而單父治巫馬期戴星而出戴星而入單父亦治巫馬期

問其故宓子曰我之謂仕人子之謂任力衛詩定之方中美衛文公云命彼倌人星言夙駕說上桑田說音稅倌人主駕者

也朱傳云言方春時雨既降而農桑之務作文公于是命主駕者晨起駕車亟往而勞勸之說舍止也桑田勸農之地也

仲弓爲季氏宰章

人各親其親然後不獨親其親

箋記禮運大道

之行也天下爲公故人不獨親其親不獨子其子衛君待子爲

政章 出公不父其父而禰其祖

箋父之廟曰禰謂出公不父莊公而禰其祖靈公也

蒯瞞欲殺母

箋事見雍也第六請學稼章

種五穀曰稼

箋

禮職方氏五種註黍稷菽麥稻又天官三農生九穀註黍稷麻大小豆大小麥

魯衛之政章

魯

周公之後衛康叔之後

箋魯始祖周公旦文王第四子周公伯禽封于魯康叔衛始祖周文王

少子成王時爲大司寇食采于康謂之康叔成衛公子荆章王誅武庚滅三監分其地以立康叔封爲衛伯

公子荆衛大夫

箋荆衛之諸公子襄公之後名南楚

子適衛章

西京之教

無聞焉

箋註文引文明太宗三君言之而西京之教無聞者前漢都西京蓋言漢文帝也文帝承秦敝之餘雖能

與民休息海內富庶貫朽粟腐而賈誼請興禮樂則謙遜未遑固無所效也

苟有用我章

按史

記此蓋爲衛靈公而發

箋按史記孔子去陳過蒲會公叔氏以蒲畔止孔子弟子來喜郊迎問曰蒲可伐

乎對曰可靈公曰善然不伐蒲靈公老怠于政不用孔子孔子喟然歎曰苟有用我

者暮月而已三年有成再有退朝章

魏徵獻陵之對

箋通唐

太宗人德皇后葬昭陵上念不已於苑中作層觀以望昭陵嘗引魏徵同登使觀之徵熟視之曰臣昏眊不見上指示之

徵口臣以爲陛下望獻陵若昭陵則臣見之矣上泣爲之毀觀獻陵乃唐高祖墓

一言可以興邦章

詩曰如幾如式

箋楚茨詩云卜爾百福如幾如式朱傳幾期也春秋傳曰易幾而哭是也舊註言福

之來如期不遲晚也其多如法不乏也

莒父宰章

莒父魯邑名

箋春秋定公十四年城莒

父及霄服杜皆不釋地名故程氏疆理記在闕地之目

南人有言曰章

恆卦九三爻

辭

變恒與下震上之卦朱子本義云九三位雖得正然過剛而不中從於上不能久於其所故爲不恒其德或承之羞

之象或者不知其何人之辭承奉也言人皆得奉而進之不

善人教民章

務農講武之法

箋按國語宣王卽位不籍千畝虢文公諫曰不可夫民之

大事在土農三時務農而一時講武文多不載又月令皆當

思其作爲如何

有九年之食恐當以此推之按禮記王制云

三年耕必有一年之食九年耕必有三年之食以三十年之

通雖有凶旱水溢民無菜色孔頴達疏云假令一年有四萬

斛以一萬斛藏二十年之用量其今年入之多少以爲來年出用

制國之來歲一年之用者每年一率入物分爲四分一

分爲儲積三分爲當年所用二年又留一分三年又留一

附錄

蓄此云九年者崔氏云三十年之間大畧有閏月十二是爲

南人有言曰

禮記緇衣子曰南人有言曰人而無恆不可以

爲卜筮古之遺言與云云易曰不恆其德或承

之羞恆其德貞

君子和而不同小人同而不和

論語之言君

婦人吉夫子凶
矣今因此章而依次類集庶知君子小人之詳爲政君子周而不比小人比而不周君子懷德小人懷土君子懷刑小人懷惠里仁君子喻於義小人喻于利雍也女爲君子儒無爲小人儒述而君子坦蕩蕩小人長戚戚顏淵君子成人之美不成人之惡小人反是子路君子和而不同小人同而不和君子泰而不驕小人驕而不泰君子易事而難說也說之不以道不說也及其使人也器之小人難事而易說也說之雖不以道說也及其使人也求備焉憲問君子而不仁者有矣夫未有小入而仁者也君子達乎小人下達衛靈君子固窮小人窮斯濫矣君子求諸己小人求諸人君子不可小知而可大受也小人不可大受而不可小知也季氏君子有三畏畏天命畏大人畏聖人之言小人不信天命而不畏也狎大人侮聖人之言陽貨君子義以爲上君子有勇而無義爲亂小人有勇而無義爲盜以君子小人對言者凡共一十六章

子路第十三

何晏集解

邢昺疏

名之必可言

緇衣曰可言也不可行君子弗言

強負

博物志云織縷

爲之廣八寸長丈二以約小兒於背

使於四方

古者使適四方有會同之事皆賦詩以見意

公子荆

襄二十九年吳公子札來聘遂適衛說蘧瑗史狗史

有直躬

者

今律大功以上得相容隱告言父祖者入十惡則典禮亦爾而葉公以證父爲直者江熙云葉公見聖人之意動有

隱諱故舉直躬欲以此言毀訾儒教抗衡中國

不恒其德

此

夫子荅之辭正而義切荆蠻之豪喪其誇矣

恒卦之九三爻辭也王弼云處三陽之中居下體之上處上體之下上不全尊下不全卑中不在體體在乎恆而分無所

憲問第十四

朱子集註

有德者必有言章

和順積中英華發外

箋記樂記德者性之端也樂者德之

華也云云和順積中而英華發外唯樂不可以爲僞

南宮适章

羿滅夏后相而篡其

位 箋按史記太康失邦崩弟仲康立仲康崩子帝相立帝相崩少康立左魏莊子曰晉夏后之衰也后羿自鉏遷于窮

石因夏人而代夏政恃其射也不修人事而信用伯明氏之讒子寒浞浞殺羿而烹之以食其子子不忍食殺于窮門浞

因羿室生澆及豷相爲澆所滅有夏之臣靡滅浞而立少康少康殺澆與豷有窮遂亡按帝相被篡歷羿浞二世四十年

而史記直云帝相崩子少康立疎略之甚又按有窮乃羿之國開德府衛南縣有古鉏城則知窮石大鉏不遠矣程氏春

秋端 **皋春秋傳作澆浞之子** 箋帝王世紀寒浞殺羿因羿之理書 **皋春秋傳作澆浞之子** 室生皋及豷皋多力能陸地行

舟使皋帥師滅斟灌斟尋殺夏帝相愚按澆皋二名春秋傳以爲澆帝王世紀以爲皋其實澆卽皋也豷許器反 **稷**

之後至周武王亦有天下 箋后稷名棄其母姜嫄履巨人跡而生舜封之於邵別姓姬氏稷卒

其後不窋鞠公劉慶節皇僕差弗毀隃公非高圉亞圉公叔祖類古公曾甫太伯季歷西伯文王凡十六世至武王遂有

天下 **隃** **愛之能勿勞乎章** **蘇氏云禽犢之愛婦寺之忠** 箋音逾

子學行篇人而不學雖無憂如禽何問道篇或問太古德懷不禮懷嬰兒慕駒犢從焉以禮曰嬰犢乎曰嬰犢母懷不父

懷母懷愛也父懷敬也五代史宦者傳云自古宦者之禍深矣又曰宦者亂人之國其源深于女禍蓋其能以小善中人

之意小信固人之心使人主必信而親之此卽所謂婦寺之忠也

裨諶草創章 裨諶以下

四人箋襄公三十一年傳云子產之從政也擇能而使之馮簡子能斷大事子太叔美秀而文公孫揮能知四國之

爲而辨于其大夫之族姓班位貴賤能否而又善于辭令裨諶能謀鄭國將有諸侯之事子產乃問四國之爲於子羽且使多爲辭令與裨諶乘以適野使謀可否而告馮簡子使斷之事成乃授子太叔使行之以應對賓客是以鮮有敗事

行人掌使之官箋周禮大行人掌大賓之禮及大客之儀以親諸侯小行人掌邦國賓客之禮籍以待四

方之使者諸侯之行人亦當通掌此事釋例曰使以行言以接事信令之要於是乎在古者兵交使在其間春秋分記職

官書或問子產章子西能遜楚國而立昭王箋昭公二十六年傳楚平

王卒令尹子常欲立平王長庶子子西曰太子王弱其母非適也子西長而好善立長則順子西怒曰是亂國而惡君王

也令尹懼乃立昭昭王欲用孔子箋史記孔子厄於陳蔡於王亦平王子名軫是使子貢使楚楚昭王與

師迎孔子然後得免昭王將以書社地七百里封孔子令尹子西曰文王武王百里之國卒王天下今孔丘據土壤賢弟

子爲佐非楚之福也昭王乃止索隱曰古者二十五家爲里里則各立社則書社者書其社之人名於籍蓋以七百書社

之人封
子西卒召白公以致禍箋事見大學
荀卿所謂與之

書社三百也箋荀子仲尼篇云立以為仲父而貴賤莫之敢妬也與高國之位而本朝之臣莫之敢惡也與之書

社三百而富人莫之拒也又禮記雜記大夫之喪執引者三百戶鄭註諸侯之大夫邑有三百戶之制孔疏邑三百戶者

謂小國中下大夫也故鄭註易訟卦云小國之下大夫采地方一成其定稅三百家其實大國下大夫亦三百戶故論語

云管仲奪伯氏駢邑三百子路問成人章莊子魯卞邑大夫箋僖公十七年夫人

姜氏會齊侯于卞杜註卞魯邑疆理書隋開皇十六年於卞故城置泗水縣今屬襲慶府按纂註所引卞莊子三賦三北

事見劉向新序第八卷末章又荀子大畧篇齊人欲伐魯思卞莊子不敢過卞註卞魯邑莊子卞邑大夫有勇也公

叔文子章公叔文子衛大夫箋文子衛獻公之孫名也或作發諡貞惠文子見檀弓下

靈公時臣集註本拔作枝字誤也或問吳氏曰文子請享靈公蓋定公十三年初衛公叔文子朝而請享靈公註欲令靈

公歸其家退見史鮪而告之史鮪曰子必禍矣子富而君貪罪必及子乎文子曰君既許我矣其若之何鮪曰無害子臣

可以免成也驕其亡乎戌以防求為後章防武仲所封邑文子之子明年得罪出奔

箋隱九年釋例琅邪華縣東南防地琅邪今沂密州地

武仲得罪奔邾自邾如防

箋襄

三年傳季武子無適子公彌長而愛悼子欲立之訪于申豐曰彌與紇吾皆愛之欲擇才焉而立之申豐趨退歸盡室將行乃止訪于臧紇紇曰飲我酒吾爲子立之季氏飲大夫酒臧紇爲客既獻臧孫命北面重席新樽絜之召悼子降逆之大夫皆起及旅而召公鉏使與之齒公鉏卽公彌使從庶子之禮立于悼子之下季孫失色季氏以公鉏爲馬正愠而不出閔子見之曰爲人子者患不孝不患無所公鉏然之孟莊子之長子曰秩次曰羯孟氏之御騶豐黠好羯欲立之謂公鉏曰苟立羯請讎臧氏孟孫卒公鉏立羯秩奔邾孟氏閉門告于季孫曰臧氏將爲亂不使我葬季孫命攻臧氏紇奔邾文多不載臧孫如防使來告曰紇非能爲害也知不足也非敢私請苟守先祀無廢二勲敢不辟邑乃立臧爲臧紇致防而奔齊臧文仲宣叔紇祖父也臧爲紇異母兄

晉文公譎而不正章

威公伐楚文

公伐衛

箋伐楚見僖公四年伐衛見僖公二十八年

二公他

事亦多類此

箋齊桓伐楚之先莊十三年公會齊侯盟于柯公羊傳曰桓公之信著乎天下自柯之盟始

五年盟于鄆十六年九國盟于幽齊始霸也襄陵許氏曰齊恒三合諸侯而不盟以示重慎是以盟則衆信莫敢渝也閔

公元二年狄人伐邢齊人救邢胡氏云凡書救者未有不善之也傳二年城楚邱而封衛呂祖謙曰桓公始霸之初狄滅衛又伐邢當時夷狄憑陵中國之甚非齊桓封衛遷邢則中國幾何而不淪胥爲夷矣八年葵邱之會則一明天子之禁則知翼戴襄王之實信矣晉文公伐衛致楚之外如天王狩于河陽註疏已言之矣如僖二十五年請隧伐原之事劉器之日晉文請隧非眞請之也示欲逼周取天下若楚莊王之問鼎也欲周人窺見其意而與之日名曰與之其實逼天子奪之也且王室都洛與溫原近今晉以兵圍而取之逼王室甚矣而左氏稱其伐原示信何也

桓公殺公子

糾章

齊襄公無道

齊襄公名諸兒齊僖公之子程公說曰齊襄公絕滅天常縱肆人欲甚矣其荒

也而不知恥矣急功名當魯桓之末爲奚之戰以爭疆場明年會桓於濼未幾而桓公有彭生之禍姜氏來孫襄公宜少惕矣夫何會于禱享乎祝邱爲惡益遠紀何辜也而遷其三邑衛何罪也而荐興伐之之師又偕魯圍邾而安受其降魯師還于秋而無知之弑作矣詩于南山刺其淫甫田刺其求大功盧令刺其荒用以見其內淫而外暴以及于弑至于敝荀之刺文姜倚嗟之刺魯莊載驅之刺

九合諸侯章

九春

秋傳作糾

箋莊公二十七年同盟于幽穀梁云衣裳之會十一有一兵車之會四故註疏引之取衣裳之會十一

而去北杏陽穀之會爲九公羊則無其說註疏又引史記兵車之會三乘車之會六者其文蓋出于國語今集註謂春秋傳作糾者蓋僖二十六年齊侯伐魯公使展喜犒師展喜謂齊侯曰昔周公太公夾輔成王賜之盟曰世世子孫無相害也桓公是以糾合諸侯謀其不協故集註謂九糾古字通用

管仲非仁者與章

程子曰

威公兄也

箋據荀子仲尼篇云齊桓公殺兄而爭國其後司馬遷杜元凱皆以子糾爲兄獨漢書淮南厲王傳

厲王上書不遜上令將軍薄昭與厲王長書云周公誅管叔放蔡叔以安周齊桓殺其弟以返國韋昭注曰子糾兄也言弟者諱也程子斷然以子糾爲弟者雖有薄昭之言可證然程朱二子之意皆以春秋書法斷之謂經書小白而係之齊明其當有國而爲長矣此所**如唐之王珪魏徵**箋唐祖太子謂衆言殺亂折諸聖者是也

如唐之王珪魏徵

箋唐祖太子建成喜酒色

遊敗齊王元吉多過失皆無寵于上秦王世民功高上有意以代建成由是秦王與太子有隙武德八年秦王殺建成元吉時魏徵爲太子中允王珪爲太子洗馬秦王旣殺太子引魏徵爲詹事主簿王珪爲諫議大夫

衛靈公之

無道章

無競維人四方其訓之

箋周頌烈文之篇競強也言莫強于人能用之則無

能勝之而皆從其訓

陳成子弑簡公章

陳成子齊大夫

箋莊公二十二年陳厲公

子完字敬仲奔齊成子上距敬仲恰十世哀公十八年事在
弑簡公立其弟平公後二世七十二年而田氏代齊矣

春秋哀公十四年

箋哀公五年齊景公疾命立嬖人鬻婁之
子荼秋景公卒羣公子奔衛公子鉏公子

陽生來奔八年陳僖子召公子陽生立之是為悼公陽生既
歸齊留其子王與闕止在魯曰事未可知哀十年悼公遇弑
子王立闕止有寵使為政陳成子憚之十四年

蘧伯玉衛大夫孔子嘗主於其家

箋按史記孔子自陳適
衛衛不能用將西見趙

簡子至于河間簡子殺竇鳴犢
及舜華乃反乎衛入蘧伯玉家

思不出其位章

此艮卦之

象

箋此艮上艮下之卦象曰兼山艮君子思不出其位朱子
本義云艮止也一陽止於二陰之上陽自下升極上而止

也其象為山取坤地而隆其上之狀亦止于極而不過之意
也如人君止于仁不知下面道如何只是我當止于仁為人
臣止于敬不知上面道如何只是我當止于敬以至父子夫
婦朋友大事小事莫不皆然故集註謂君臣上下大小皆得
其職

不患人之不己知章

此章凡四見而文各有異

箋學而篇

子曰不患人之不己知患不知人也里仁篇子曰不患無位
患所以立不患莫己知求為可知也憲問篇子曰不患人之

不已知患其不能也衛靈公子曰君不逆詐章 億未見而

意之也

箋按論語不億不信億則屢中蓋此與胃臆之臆字同知臆度之臆韻書云億度也朱子以意釋億者賈

誼服賦請對以意師古曰叶音億史記作億如此則曰億曰臆曰意義皆通

以德報怨章

或人

之稱今見老子書

箋老子第六十三章云大小多少報怨以德

公伯寮章

公伯

寮魯人

箋史記列傳公伯寮字子周孔子弟子注云家語有申繆子周古史考云疑公伯寮譌懇子路者非弟子

之流按此說爲是故集註只謂魯人史引申繆子周蓋疑其爲公伯寮誤也家語有申繆子周以申繆爲申寮亦誤也

擊磬於衛章

聖人之心未嘗忘天下此人聞其磬聲而知

之

箋按史記禹本紀云凡教寡人以道者擊鼓語以憂者擊磬蓋聖人有憂世之心而未嘗忘天下也愚意朱子之註

本以衣涉水攝衣涉水

箋二語見爾雅釋水泉例及鄭氏詩註爾雅云繇膝以下爲揭繇膝以上

爲涉由帶以上爲厲又鄭樵通志引韓詩云至心曰厲說文作礪云履石渡水也然履石渡水之義與深則厲之厲義不

同若礪衣之義卽詩所謂褰裳涉洧謂膝下也

子路問君子章

此體信達順之道

箋禮運云先王能修禮以達義體信以達順故此順之實也
疏云言誠實能行此太順之道以致太平如上文言用水火
金木飲食必時民無凶饑妖孽之疾甘露禮泉麟鳳之應是
也此體信達順之效也故程子以爲天地自位萬物自育氣
無不和而四靈畢至者卽禮運之義也又纂疏所引且以一
國之君看之至然後物不能蔽此一段乃朱子格言所載云
楊至之間修己以敬章程氏如何說聰明睿知皆由此出以
此事天享帝先生曰如此乃見公全不用工夫聰明睿知如
何不由敬出且以一國之君看之云云至然後物不能蔽又
朱子格言云做到聖人田地也只放下只箇敬不得如堯舜
之德四箇字獨行這箇敬字爲首如說恭已正南面而已如
說篤恭而天下平皆是又曰敬有死底有活底只守着主一
之敬遇事不濟以義辨
其是非不明則不活
原壤夷俟章
原壤孔子之故人
記
檀弓云孔子之
故人曰原壤
母死而歌
原壤登木而歌曰久矣子之不託
于音也歌曰狸首之明然執女手
之拳然夫子爲弗聞也而過之
見集成按家語叔仲會魯人字子期與孔遊執筆記事於夫
子述侍左右孟武伯見孔子而問曰此二孺子之幼也於學
豈能識乎莊哉孔子曰然少
成則若性也習則若自然也

附錄

南宮适問於孔子

張無弼曰此章全在不答處聖人立論坐見萬世之後要不使有時而窮夫力非所

以取天下也然有以力得之者德固宜有天下也而不得者亦多矣是适言雖人有時而窮夫子將言其非惡害名教欲言其是則其病猶近也故特不答而已及其既出而謂之尚德君子者蓋美其用心也

禹稷躬稼

趙與時賓

退錄洪文敏公云禹未嘗躬稼因稷而稱之子產惠人也

余按書云禹曰暨稷奏庶艱食則當躬稼矣尼蒧居云子曰子產猶衆人之母也能食而不能教也昭公

十四年子產謂子太叔曰唯自德者能以寬服民其次莫如猛云云及子產卒仲尼出涕曰古之遺愛也史管仲不死

記子產行仁而愛人其死也鄭人皆異之如亡親家語致思篇子路問管仲云云子曰事則射之君通乎變也

不死子糾量輕車也子糾木成君管仲未成臣管仲才度義未可非也名忽雖死衛靈公無道

家語賢君篇哀公問孔子過與取仁未足多也衛靈公無道

家語賢君篇哀公問孔子曰衛靈公乎靈公之弟曰公子渠牟其知足以治千乘其信足以守之靈公信而任之又有上林國者見賢必進靈公賢而尊之又有士慶足者國有事則治之無事則退而容賢靈公悅而敬之又有大夫史鰌以道去衛靈公郊舍三日琴瑟

不御必待史鑑之入而後敢入臣以此取之

以德報怨

或問中引表記云以德報怨則寬身之仁也以怨報

德則刑戮之民也以說德好然表記又有子曰以德報怨則民有所勸以怨報怨則民有所懲卻不及引此

高宗

諒陰

檀弓下子張問曰書云高宗三年不言言乃謹有諸仲尼曰胡為其不然也古者天子崩世子聽于冢宰三年

又記喪服四制書曰高宗諒闇三年不言善之曰王者莫不行此禮何以獨善之也曰高宗者武丁武丁者殷之賢王也繼世即立而慈良於喪當此之時殷衰而復興禮廢而復起故善之善之故載之書中而善之高宗諒闇三年不言此之謂也按纂疏所謂梁闇與蔡氏書註皆本此意鄭氏之註也

憲問第十四

何晏集解

邢昺疏

危言危行

包曰危厲也

南宮适

魯大夫南宮敬叔名适字子羿

孔曰羿有窮國之君篡夏后相之位其臣適是也羿篡而生羿篡多力能陸地行舟為夏后少康所殺羿居窮石之地以窮為國號以有羿之猶言有間有夏孔志尚書云羿諸侯名適之云羿帝嚳射官然堯時亦有羿則羿是善射號

非復人名不知此羿名爲誰也云纂夏禪謚草創註鄭國將

后相之位者說見襄四年及哀公元年有諸侯之

事則使乘車以適野而謀作盟會之詞蓋禪謚謀于野則獲謀于邑則否或問子產孔曰惠愛也

愛疏昭二十年傳于產卒仲尼聞之出涕曰古之遺愛也問子西疏按左傳公子申也代

所殺曰人也猶詩言所謂伊人駢邑伯氏食邑於無怨無驕

者也曰人也疏若言是人也駢邑駢三百家無怨無驕

疏江熙云顏淵無怨不可趙魏老疏趙魏皆晉卿臧武仲之

及也子貢無驕猶可能也趙魏老所食采邑名也臧武仲之

知疏襄二十三年左傳以阿順季氏出奔邾又以防求爲後

於魯致防而奔齊齊侯將爲臧紇田臧孫聞之見齊侯與

之言伐晉對曰多則多矣抑君似鼠夫鼠晝伏夜動不穴于
寢廟畏人故也今君聞晉之亂而後作焉寧將事之非鼠何
如乃弗與田仲尼曰知之難也有臧武仲之知而不容于魯
國抑有由也作不順而施不恕也杜註云謂能避齊禍是武
仲之知也公叔文子衛大夫公孫枝文謚疏案世本獻公生成子
惠民曰文時然後言無游言也樂然求爲後於魯孔曰防武
後笑不苟笑也見得思義不貪取也仲故邑襄
二十三年武仲爲孟氏所譖出奔邾自邾如防使臧爲以大
蔡納請曰紇非能害也知不足也非敢私請苟守先視無廢

二黜敢不辟邑乃立臧爲紇致防而奔齊疏杜預曰大蔡大
龜也紇非敢害也知不足也言使甲從已但慮事淺耳二黜
文仲宣叔疏義詳見 譎而不正而不譎鄭曰謂召天子而
春秋襄二十三年 譎而不正而不譎使諸侯朝之仲尼
日以臣召君不可以訓書曰天王狩于河陽是譎而不正也
馬曰伐楚以公義責包茅之貢不入問昭王南征不還是正
而不譎也疏僖二十八年冬會于溫是會也晉侯本意欲尊
天子但於周室旣衰忽然帥九國之師數十萬之衆入京師
以臨天子似有篡奪之謀恐天子拒逆或怖懼出奔故不敢
朝召諸侯會于溫溫去京近因諷諭令王就會受朝天王不
可以受朝爲辭故令假稱出狩諸侯因會朝王聖人貽訓後
世以臣召君不可爲訓舊史依實而書言晉侯召王且使王
狩仲尼改正舊史書曰天王狩于河陽言天子自來狩獵也
僖四年春齊侯以諸侯之師侵蔡蔡潰遂伐楚楚子使與師
言曰君處北海寡人處南海唯是風馬牛不相及也不虞君
之涉吾地也何故管仲對曰云云爾貢包茅不入王祭不共
無以縮酒寡人是徵昭王南征而不復寡人是問杜註禹貢
荊州包匭菁茅郊特牲云縮酌用茅束茅立之祭前沃酒其
上滲下去若神飲之故謂之縮昭王成王之孫南巡涉漢而
溺周人諱之而不赴諸侯不知其故故問舊說漢濱人以膠
膠船故船壞而昭王管仲不死曰孔口齊襄公立無常鮑叔牙
溺不知本出于何書

管仲不死

孔口齊襄公立無常鮑叔牙

子糾出奔魯齊人殺無知魯伐齊納子糾小白自莒先入是
爲桓公乃殺子糾召忽死之疏小白僖公庶子公孫無知弑
襄公者莊八年冬十一月齊無知弑其君諸兒是也莊九年
公伐齊納子糾桓公自莒先入秋師及齊師戰于乾時我師
敗績鮑叔帥師來言曰子糾親也請君討之管仲請囚鮑叔受
而甘心焉乃殺子糾于生竇召忽死之管仲請囚鮑叔受之
及堂阜而稅之歸而以告曰管夷吾治於高僂使相可也公從之
九合疏史記云兵車之會
傳云衣裳之會十有一范甯註云十三年會北杏十四年會
鄆十五年又會鄆十六年會幽二十七年又會幽僖元年會
榘二年會貫三年會陽穀五年會首止七年會甯霸諸侯疏
母九年會葵邱凡十一會不取北杏陽穀爲九也
二年傳云五伯之霸也杜預云夏伯昆吾商伯大彭豕韋周
伯齊桓晉文是三代有五伯矣伯者長也言爲諸侯之長也
又霸者把也言把持王者之政
不能死註管仲召忽于公子
教故其字或作伯或作霸也
故死之未足深嘉不死未足多非死事既難亦在於
過厚故仲尼但美管仲之功亦不言召忽不當死
匹夫匹
婦謂庶人無別妾媵
唯夫婦相匹而已
弑簡公疏左傳錄此事與此小異此云
日告夫三子彼云公曰告季孫禮齊必沐浴三子季孫爲長
各記其一故不同耳此又云之三子告彼無文者傳是史官

所錄記其與君言耳退後別告三子唯弟
子知之史官不見其告故傳無其文也

古之學者爲己

范疏

氏云爲人者馮譽以顯
物爲己者因心以會道

作者七人

包註謂長沮桀溺丈人石門荷蕢儀封人楚狂接輿

疏王弼云伯夷叔齊虞仲
夷逸朱張柳下惠少連

深則厲淺則揭

疏揭揭衣也爾雅釋水文孫炎曰揭

衣褻裳也衣

諒陰

孔曰諒信也陰猶默也疏高宗盤庚弟小乙子名武丁殷之中興主喪服四制引書

云高宗諒陰三年不言善之也王者莫不行此禮何以獨善
之日武丁繼世卽位而慈良於喪當此之時殷衰而復興禮

廢而復起故載之書中而善之豕宰周禮太宰太宰之
職掌建邦之六典以佐王治邦國山頂曰豕豕云大夷侯

夷

夷蹲踞卽坐也俟待也禮揖人必違其位今原壤
聞孔子來乃申兩足箕踞以待孔子故孔子責之

論語集註箋義卷之二

